







# Auslegung des

## CXXXIII Psalms/

Sihe / wie güt vnd lieplich ist/  
das brüder inn ainigkeit wonen.

Von Christlicher ainigkeit.

Von der Salbunge Christi.

Vom gaistlichen himellthaw.

Von zwaierlei seggen Gottes.

## Vorrede/

**D**ieser Psalm ist sondern geliebten freunden vñ mit bekennern der glorien Christi zur lere/ trost vñ got seliger übung außgelegt vñ für geschriben / vñ vñ den fünffzehen Staffel Psalmen (wie sie etlich nennen) nicht on ursach am erst/ zu befürderung Christlicher liebe/ vñ ainigkeit/ ersür kōmen / auch drum das die fürnemsten punct des erkantnus Christi vñ seiner glorien mit erklä rung der selben/ auch mit ableinung etlicher irthum dar bei hierin tractiert werden/ wie den solche Mysteria mit kurzen Worten inn disem klainen Psalm seind begriffen. Vnd wo der allmechtig barmhertzige Gott vns des laidigen kriegs abhelffen/ vnd fride / auch mehr gnad/zeit/ ruc vnd platz würde geben/ so können die andern vierze ben zugehörige Psalm vom hundert vnd zwentzigsten/ nach Hebraischen zal anzühben / bis auff den hundert fünff vñnd dreissigsten auch hernach kommen / In wel chen 15 staffel psalmen/ die 15 grad oder gaisstliche stas seln der auffsteigung inn den hailigen tempel Gottes be griffen / vñnd alhie nach ainander erzelet werden. Da wölle vnser lieber herre Jesus Christus/ der vns disen herzlischen reichen scharz hat auffgethan/ dem Christlich en leser (der Christu mit seinen wolthaten nach dē gaisst begeret zierkenen) den sin vñ verstand darzu eröffnen/ eiffer/ lust vnd liebe geben/ nicht allein diß zū lesen/ Son der mit fleiß vnd ernst zū betrachten/ So wirt ein solcher (als wir tröstlich hoffen) vnder allem getümell der welt/ im herzen Christo/ ruc/ fride/ freud vñnd gaisstliche lust/ barkeit haben / auch inn Gott durchs erkantnus des reo gierenden gnaden kōnigs Christi vñnd seiner glorien/ weise/ reich vnd selig werden/ Amen.

Der erst sol  
get dem lan  
gen / Erit.  
psalm / vñnd  
ist: Ich ruff  
zu dem her  
ren in mei  
ner not/ &c.

# Register oder inhalt des Büchlins.

- Von xv. Graden des gewechs ains newen oder Christi-  
stenmenschens/Am ersten blat. 1
- 1 Von zwai erlai ainigkait oder Concordia/einer Sa-  
tanischen vnd göttlichen oder Christlichen ainig-  
keit. am 4 blat
- 2 Das die Christliche ainigkeit auß der Göttlichen  
Dreibait fliesse. 6
- 3 Vom vnder schaide der Christlichen ainigkeit / aine  
ist alhie des glaubens/vñ die ander dort der him-  
lischen glorien. 8. 12
- 4 Was die Christliche ainigkeit eigentlich sei / vñnd  
vermöge. 9
- 5 Wie die waren Christen ains seien/waher sie kömen/  
vnd was jr wandel vnd wesen inn der ainigkeit  
sei. 9
- 6 Das inn Christlicher ainigkait des glaubens / auch  
ain manigfaltigkeit der gaislichen gaben Gots  
tes sei. 11
- 7 Von den dienern vñnd haupthaltern Christlicher ai-  
nigkait 11
- 8 Das zur Christlichen ainigkeit des glanbens / ge-  
meinschaft der leiden Christi wil gehören. 13
- 9 Das Christliche ainigkeit nicht inn eusserlichen din-  
gen oder Ceremonien / sonder allein inn Christo  
vnd in seinem gaisste bestande. 14

- 10 Von der gaisſtlichen brüderſchafft vnnnd brüdern in  
Chriſto. 16
- 11 Von der ſalbung Chriſti. 20
- 12 Von der göttlichen ſalbung Chriſti nach ſeinen be-  
den ſtenden. 21. 30
- 13 Was die ſalbe vnd ſalbung ſei/ damit der herr Chri-  
ſtus inn ſeiner himeltrönung iſt geſalbet. 24
- 14 Wie Chriſtus auch nach der ſalbung im himel ain  
warer menſch ſei bliben. 24
- 15 Was ain warer Chriſt ſei. 26
- 16 Ableinung etlicher irthumb beim punct von der  
Salbung vnd glorien Chriſti. 28
- 17 Das der himelthaw vñ Regen Chriſtum mit dem  
Euangelio der gnaden bedeutet im propheten. 34
- 18 Vom vnderſchaid des euſſerlichen vñ innerlichen  
worts/ Thawes vnd Regens. 36
- 19 Von zwaierei ſegen Gottes dem leiſtlichen vnnnd  
dem gaisſtlichen. 38
- 20 Vom gaisſtlichen ſegen / den Chriſtus allen war-  
gläubigen durch ſein blüt hat erworben. 39
- 21 Das die waren Chriſten nicht nach dem leiſtlichen  
ſegen/ ſonder nach dem gaisſtlichen trachten vnd  
ſich des beſleiſſen. 42
- 22 Das Gott der vatter die war gläubigen mit aller-  
lei gaisſtliche ſegen im himliſchen weſen ſegnet in  
Chriſto. 43
- 23 Das der gaisſtliche ſegen / im himel bei Gott durch  
Chriſtū geholet werde mit dem glaubē. 44 vñ 45
- 24 Das auch der menſch Jeſus Chriſtus am erſt ſelbſt  
die gantze fülle alles gaisſtlichen göttlichen ſegens  
im himmel von Gott dem vatter hat ererbt vnd  
eingenomen. 45

- 25 Von den alten figuren des geystlichen segens Christi vnd seiner Christen. 46  
 26 Vom eusserlichen creutz seggen / was er bedeut vnd wie manigsaltig er mißbraucht werde. 47  
 27 Das die sülle des götlichen segens erst in ihener welt bei den Christgleubigen wirt angehn. 47  
 28 Beschluß vom fluch oder maledieung der gotlosen menschen die Christum nicht annemen / noch durch in Christlich leben. 48

## Correctur/

Der fleissige Leser verbessere diß büchlin an nachuerzeichneten orten / also:

Am 11. blat der zwaiten seiten / in der 28. zeilen lise / der für oder / am 19. blat der ersten seiten inn der 6. zeilen / lise pfand / für bandt / am 28 blat / der ersten seiten / in der 23. linien / lise dem / für denn / Am 30. blat / der ersten seiten / in der 22. linien / lise allain nach dem flaische / tragens. Am 36. blat der ersten seiten / in der 20. linien / lise / vnnnd macht sie fruchtbar / am 40. blat / der andern seiten in der 20. linien / lise / der Prophet beschleißt auch die götliche Dreieit / 2c. Die übrigen seel kan jederman selbst wol besorgen.



# Psalm der vierze- henden Staffel

nach hebraischer zal  
der CXXXIII.

Der ritij.  
grad od staf-  
fel Psalm.

**S**ihe wie güte vnd lieplich ist/  
das brüder inn ain wonen.

Wie der kostlich Balsam ist / der vom  
haupt Aaron herab fleußt inn seinen  
gantzen bart / der herab fleußt in sein  
kaidt.

Wie der thau der von Hermon herab  
fellt auff die berge Sion/ denn daselbst  
verhaßt der Herz segnen vnd  
leben immer vnd ewiglich.





## Nach dem wir im in vorderin

Psalm (der sich anhebt: Gedenc̃t herz an Dauid / vnd an alle seine leiden) ge hört haben / Von dem dreizehenden grad oder stoffel der auffsteigung in den gaislichen Tempel Gottes / das namlich solcher grad / das volkomne erkantnus Christi nach seinen bedenden erfordere vñ mitbringe. Nemlich seine menschwerdung vom Samen Dauid / sein leiden vnd glorien / darzu den auch die erbauung des hau ses Gottes / das ist der Christlichen gemein durch Christum in seinem erkantnus wil gehören.

So folgt nu in gütter richtiger ordnung der Psalm der 14. stoffel oder grads / vñ ist von der waren liebe vñ ainigkeit / so die glieder des leibs Christi / der die gemein ist / vnder ainander habē. Vnd was herzlich lieblicher gaben alle Christgleubige durch Christum erlangen / ja was nutz vnd frucht auß seinem seligmachenden erkantnus komme vñnd erfolge.

Denn / nach dem der herz Jesus Christus durch seinen tod / marter / vnd leiden / die kinder gottes so zerstreuet waren in ain solte versamen (welche er auch durch den h. gais auß im selbst erzüget vnd gebietet) So weissaget der Prophet von irer eigenschaft / gaislichen ainigkeit vnd gemeinschaft / deren auch ain hertz vnd ain seel ist. Er zeigt an / wie lustig vñnd liebliches ist / im hause Gottes / vñnd vnder seiner gemaine zu wonen / da nichts denn eitel hertzliche Liebe / Trew / Gnad / vnd Gottes

Johan. xi.

gottes segens die völe ist / daher denn auch der artikel  
vnser s glaubens von gemeinschafft der heiligen / die sie  
in Christo vnd in seinem verdienst vnnnd gaifte haben /  
recht gebürlich wil gehören.

Solche Christliche lieb vnnnd ainigkeit der brüder inn  
Christo vergleicht der Prophet ainer edlen kostlichen sal  
ben oder Balsam / auß sonderlichen specereien züberau  
ret / damit alleine die priester vnd gefesse der hütten vñ  
des tempels gesalbet werden / welche / so sie außgeschüt  
tet war / gar ainen starken lieplichen geruch von sich ga  
be / So sie aber auff das haupt des priesters wart aufge  
gossen / floß sie inn seinen bart vnd in sein kaid. Er ver  
gleicht auch solche Christliche lieb vnd ainigkeit / dem hi  
melthaw / welcher den berg Nerrnon vnnnd die gebirge  
Sion fruchtbar macht / vnnnd beschleüßt / das / wo solche  
ware Christliche lieb vnnnd ainigkeit ist / da ist der segen  
des herzen / vnd die fülle seiner gnaden / die außtrailing  
aller himlischen güter vnnnd gaben / Ja da ist ain war es  
seliges leben / welche lieb vnnnd Christliche ainigkeit aber  
allein Christus vermag anzurichten vnd zugeben / der  
auch inn der liebe seines vattern durch den h. gaist / ain  
New from reich hertz inn vns schafft vnd gebietet.

Aber Sinternal wir nu am ende des auffsteigens / der  
vv. staffeln vnd irer zugehörigen Psalmen sein / so wol  
len wir kürzlich die vorigen staffeln oder grad der  
gaistlichen auffsteigung / vnnnd des zünemens  
des gewechses in der gnaden vnnnd in den  
gaben Gottes wider holen vnnnd  
zu vnserm nutz  
bedencken.

Von

# Von xv. Graden des gewechs eines neuen oder Christen menschen.

- 1 **S**ie Erste stoffel oder antritt in den geistlichen Tempel Gottes aufzusteigen / ist Erkenntnis der sünden.  
aus der Sünd/mit reu vnd laid/vnd mit bekerung des sünders/inn ein New büßfertig leben/ da man im Nammen Christi vnd in seiner vorgehenden gnaden muß anheben/so man wil selig werden. L. c. xxiij. Maij. v.
- 2 Der Ander grad oder stoffel der auffsteigung / Ist Vergetzig der Sünd durch Christum im glauben/vnd vergebung der sünden durch sein leiden. durch Christum.
- 3 Der Dritt/ Ist die einleibung in Christum/vn das erkantnus das wir allein durch Gottes gnad zu seinem tempel/erbawet/New geboren vnd selig werden. Einleibung in die gemeine Gottes.
- 4 Der Viert grad/ Ist beständigkeit vnderm creutz Christi/welche allen büßfertigen Christgleubigen menschen sol folgen/ Acto. 14. 1. Corin. 6. Bestand vnderm creutz Christi.
- 5 Der Fünfft/ Ist die empfindliche hilff vn trost vom herren Christo/inn aller verfolgung vnd widerwertigkeit. Psal. 91. Trost vnd hilff von Christo.
- 6 Der Sechst grad/ Ist die mehrung der hoffnung zu Gott/vnd des gerechtmachenden glaubens. Mehring d hoffnung vn glaubens.
- 7 Der Siebent / Ist das erkantnis der erlösunge Christi/vnd die freiheit des gewissens. Freiheit des gewissens.

Einwönlg 8 Der Achte grad oder staffel der auffsteigung / Ist  
Christi im herzen. die einwohnung vnd haupthaltung Christi im gleubige  
herzen.

Der himlis 9 Der Neunde / Ist / der himlische seggen durch Chris  
sche seggen tum / mit mehrung der kindelichen forchte vñ liebe Gots  
durch Christi tes.

Sieg im 10 Der Zehende grad der auffsteigung vnd geistlich  
Christlichen en gewechses / ist der sieg vñnd überwindung im Christi  
streit. lichen streit / wider den Satan / tod / sünd vnd welt / mit  
mehrung der göttlichen gnaden.

Verwarig 11 Der Elfft grad ist vnd bringet mit ein verwarung  
wider die wider die gleisnerei vnd geistliche hofart / vñnd ist das  
geistliche erkantnus der innerlichen einwonenden sünde / darüber  
hofart. auch Paulus vnd alle heiligen Gottes klagen.

Demüt vnd 12 Der Zwölffte grad / Ist herzliche demüt vñ Christi  
gelassenheit liche einfalt / mit gelassenheit bei allen herzlichen gaben  
bei den gabe Gottes. Gottes.

Das selig 13 Der Dreizehend grad der auffsteigung Ist / das sel  
machende ligmachende erkantnus Christi / nach seinen beden stens  
erkantnus den vnd seines Reichs anrichtung im herzen.  
Christi.

Christliche 14 Der Vierzehend grad / folget nun alhie von der  
lieb vnd ei waren Christlichen lieb vnd einigkeit / die die brüder in  
nigkeit. Christo vnder einander haben.

Das ewige 15 Darauff denn im nechsten Psalm der fünffzehend  
lob Gottes. vñnd letzte grad / vom Ewigen lobe Gottes wirt folgen.  
Das

Das seind die fünfßzeben geistliche staffeln od auffstei-  
gung eines gotseligen menschen/ vnd das zunemen im  
gewechße der gnaden/ so durch den geist Gottes in den  
15. nacheinander folgenden Psalmen beschribē/ wie sich  
auch ein jeczlicher Psalm/am 120. anzühebē/ welcher der  
erste staffel psalm ist/ auff gemelte Argument oder sum-  
marien sein vnd wol schicket/ da wir nū vom Dreizehen  
den gesagt haben/ vnd wöllen weiter allhie vom Vierz-  
ehenden grad vnd staffel reden.

Es folget auch diße staffel/ Von der waren reinen lieb  
vnd einigkeit/ wol vnnd billich allen vorigen Graden/  
weil die liebe von reinem hertzen vnd von gutem gewis-  
sen/ vnd von vngeferbtem glauben/ die haupt Sum-  
ma vñ erfüllung der gebott Gottes ist/ so wol als auch  
diser grad/ deme vom erkantnus Christi recht nach fol-  
get/ weil solliche gab der liebe vnd Christlichen einigkeit  
auch darauff fleußt vnd dauon entspringt/ Ja welcher  
dise staffel nicht erraidet/ den wirt das vorig vermeinte  
auffsteigen/ gaben vnd erkantnus gar nichts künden  
helffen/ dauon auch Paulus sagt da er spricht: Wan ich  
mit menschen vnd mit Engel zungen redte/ vnnd hette  
der liebe nicht/ so were ich thönend/ Ertz/ oder ein klingen  
deschell/ vñ wenn ich weissagen künde/ vnd wiste alle ge-  
heimnus vñ alle erkantnus 2c. vnd hette der liebe nicht/  
so were ich nichts 1. Cor. 13.

Daselbst beschreibt denn weiter S. Paul die Christo-  
liche lieb mit irer art/natur/ vñ wesen/ von welcher wir  
alhie auch wöllen sagen/ damit sie als das bandt Christ-  
licher einigkeit/ dauon der 14. staffel Psalm singet/ zū-  
wor recht erkant werde/ Nämlich also schreibt Paulus:  
b ij



die liebe ist langmütig / vnnnd freuntlich / die liebe eiffert  
nicht / die lieb schälcket nicht / sie bleibet sich nicht / sie baltert  
sich nit vngewöhnlich / sie suchet nicht das ire / sie leset sich  
nit erbittern / sie gedeckt nicht arges / sie frewet sich nicht  
über die vngerechtigkeit / sie mit frewet sich aber der war  
heit / die liebe vertregt alles / sie gleubt alles / sie hoffet al  
les / sie duldet alles / etc.

Darumb welcher inn den Tempel Gottes auffsteigen  
mit gotte gemeinschaft vnd ein rechter Christ sein will/  
der muß sich der liebe auch bald beim 1 Ersten grad ( wie  
sieh denn mit dem 1 Ersten all ander anhaben ) hertzlich be  
fleissen / darinn vil üben / auch täglich wol erforschen / Ob  
er inn der Christlichen liebe wachse / des gleichen wie vn  
wamit er sich an der liebe verschulde / welches dann gar  
bald geschehen kan / mit wortē / wercken / vnd gedanken /  
Wa dann die ware Christliche lieb für handen / da ist sich  
keiner vneinigkeit zū besorgen / dann durch die liebe wird  
ware Christliche einigkeit / dauon diser Psalm singt / fest  
erhalten / welche auch S. Paul das band der vollkomen  
heit heist / vnd ermanet das wir sie sollen anziehen / vnd  
vns befleissen / das der fride Gottes die überhand behal  
te inn vnsern hertzen / zū welchem die Christen auch inn  
einem leibe seindt beruffen. Coll. 3.

Kürzlich / so leset Paulus alles nichts sein / wa die lieb  
nicht ist. Ja allein wa die ist / da schafft gott segnen vnd le  
ben die fülle.

Wir wollen nū die 11 Psalm mit irem  
zustande weiter oedencken vnd erklären.

Siehe



**S**iehe wie gut vnd lieblich ist/das  
brüder inn ain wonen.

3

**D**er Prophet redet von denen/die durch den  
geist Gottes widergeborn/ein ware brüder  
liebe in Christo zu einander vnd Christliche  
einigkeit vnder einander habē/deren nichts  
hässlichers/nichts lieblicheres/noch lustbarlicheres mag er  
dacht werden/wie es dann den lieben Aposteln vnd zu  
voran dem herin Christo selbs alles vmb die Christliche  
einigkeit zuthun ist/vmb welche vns auch der herr Joo  
han. 17. Gott seinen vatter hatt gebetten/vnnd Paul  
us ermanet die Corinthen vñ vnder irem Namen als  
le Christē/das sie nicht spaltung vnder inen sein lassen/  
sonder das sie vollkommen in einem inn vnd inn einerlei  
meinung sein sollen/vnd zün Ephesern/Das einer den  
andern trage inn der liebe/vnnd die einigkeit des geists  
inn dem band des frides mit allem fleiß sollen halten vñ  
bewaren.

Auß welchem den leicht zusehen ist/das solliche Christ  
liche brüderliebe vnd einigkeit nicht stehet in eüsserlichen  
dingen/geberden oder Ceremonien/sonder innerlich in  
einigkeit der hertzen/die eines sinnes/eines willens vnd  
gemäts sein inn Christo/sie bringet mit das wir (so wir  
Christen sein) nicht vns selbs/sonder alles gut Christo  
zuschreiben/vnder deme als vnderm hauptē seiner ge  
meine/wir vns als glider eines leibs gottselig sollen hal  
ten/welchs anzudeigen vnd fürzubilden. S. Paul an  
zwei orten als zün Rom. 12. 1. Corinth. 12. das gleich  
vns vom menschlichem leibe vñ des selben gliedern gibet/  
b iij

da das stercker glid immer dem schwächer hilffe/das vn-  
erliche vom eerlichen bedeckt wirt/vnd das gesunde dem  
kranken zu troste vñ staten kompt/Also ist auch mit  
den glidern des geistlichen leids in Christo/die mancher  
lei gaben habē/nach der gnade so ihn ist gegeben/da ein  
glid für das ander sorget/da eins des andern bürdet re-  
get/da eins dem andern mit hilffe/auch mit eererbittig  
zuuor kompt/da das stercker das schwächer auffnimpt/  
da ein brüder den andern nicht ergert/da sie alle einerlei  
gesinnet sein vnder einander nach Jesu Christo/Ja da  
alles inn der liebe lgehet/Darauff nün diser versimm  
Psaln geböret: Siehe wie gütt vnd lieblich ist das brü-  
der inn ain/oder eintrechtig wonen.

Der b. geist redet nicht fürnemlich von der leiblichen  
beiwonung vnd von menschlicher einigkeit/welche auch  
den Naiden gemeine ist/Ob woll die selbe auch gütt vnd  
lieblich/aber doch diser Christlichen liebe vnd einigkeit  
nir gent zuuergleichen ist/sonder Er redet von den geist-  
lichen brüdern/die in Christo vereinigt/eines hertzen  
vnd eins geists seind/die durch Christum im hauß Got-  
tes eintrechtig wonen/vnd will das solliche liebe vndein-  
igkeit so ein köstlich herzlich reich ding sei/das es von  
niemandt gnüg kan bedacht/nach außgesprochen wer-  
den/Darumbes kein wunder/das sie noch so wenig im  
werck vñ wesen wirt gespüret. O wie hertzlich sollen wir  
vmb solliche lieb vnd einigkeit bitten/one welche wir nit  
Christen sein/an welcher der Herr Christus die seinen  
auch willerkant haben.

Joan. xij.

Der Prophet setzt alhie die zwei wort Gütt/vnd Lieb-  
lich/nicht vergeblich zusamen/den nicht alles was gütt  
drumb auch lieblich ist/So ist auch nicht alles lieblich  
was gütt ist/dann vmb Christi vnd vmb seiner warheit  
willen

willen leiden ist güt / so wol als vnrecht mit gedult vertragen / Es ist aber dem fleisch nicht lustig noch lieblich / Widerumb / seind fleischliche luste lieblich / aber nicht sein noch güt / dann dadurch wirt der seelen hail vnd des h. geists wirkung verfürzt / Darumb so heist der Prophet allein das güt vnd lieblich / das die brüder inn einigkeit oder eintrechtig im hause des Herren wonen / von welchem hause auch Paulus zu Timotheo schreibt: Das er wisse / wie er wandeln solle im hause Gottes / welches ist die gemeine des lebendige Gottes / ein pfeiler vñ grundsseste der warheit. 1. Timoth. 3.

Das wörtlin / Sibe / bringt alhie ein sonder auffmerckung mit / eins köstlichen lieblichen vnd nützlichen auch seltsamen dinges / wie denn solliche liebe vnd Christliche einigkeit ist / welche auch ewig weret / da aller anderer menschen lieb vnd einigkeit wirt vergehn vñ auffhören.

Solchs will dem aufferwelten volck Gottes / den bürgern des himlischen Hierusalems gebüre / Nemlich / das sie brüder vnder einem Gott vatter / vnd eins in einem geiste sein / Ja in einem hause / das ist in der Christlichen gemein eintrechtig wandeln vnd wonen / das sie vnder einem haupt Christe ein leib vndereinander besunden werden / vnd wie das aug / das ohr nicht basset / noch die hand den fuß verachtet / sonder mit gebürlicher lieb vnd diensten vereiniget / einander helfen vñ den leib schmücken / Also ist ja ganz güt vnd lieblich / wa die brüder vñ glider des geistlichen leibes in Christo inn einigkeit wonen / inn einem wesen das nach Christo gericht ist / ganz von hertzen eins seind / vnd alle sampt zu einem end vnd zyle der ewigen seligkeit sich richten.

Dem da der Prophet spricht: Inn ein / oder eintrecht

tig wonen / willer die versamlte Christliche gemein in  
einem geiste dadurch verstanden haben / Dær sie aber  
brüder nennet / will Er ire glider vnd der selben eintrech-  
tigkeit auß der Newen geburt vnder Gott dem vatter  
in einem hertz / willen / müt vnd sinn damit bedeuten / wie  
sichs denn auch bei der Ersten Christlichen gemein also  
hat erfunden / dauon in der Apostel geschicht stehet: der  
meng aber der glaubigen war ein hertz vñ eine seel / auch  
keiner saget von seinen gütern / das sie sein weren / son-  
der es war jhn alles gemein Acto. 4.

## Von zweierlei einigkeit oder Concordia.

**W**iewol nun auß disem leicht kan verstanden wer-  
den / was die ware Christliche einigkeit oder Con-  
cordia des glaubens sei / vñ warin sie bestehe / was auch  
brüder in Christo sein / vnd was der Propbet meinet da  
er spricht: Siehe / wie güt vnd lieblich ist das brüderinn  
ein / oder eintrechtig wonen. So will ich doch solchs / weil  
nicht wenig dran gelegen / alles weiter erklären. Vñ am  
Erst die gute sällige einigkeit / von der bösen verdampe-  
ten einigkeit vnder scheiden.

Drumb so soll man wissen / das zweierlei einigkeit ist /  
ein Satanishe vermaledeite / vñnd ein göttliche geber-  
nedeite einigkeit / Die Satanishe vermaledeite einig-  
keit ist / der Gottlosen vnder irem fürsten dem Teüffel /  
wider Christum vñ alle kinder Gottes / von dem der ein  
in jeder von anfang war / vnd inn der warheit nicht be-  
standen ist / gestift vnd eingefüret / Dise einigkeit ist ein  
brun



huff vnd vrsprung aller zwitrechtigkeit/ einmüter der  
 setten/zanck/ vnd haders/ die auch des Namens der ei-  
 nigkeit nicht werdt ist/ Sie ist eins im bösen vnd inn als-  
 ler sünd/ jrthumb vnd vngerechtigkeit zu irem vnd der-  
 ren sie verwalten ewigem verdammus/welche der einig-  
 keit oder Concordia durch Christum erworben/ allezeit  
 zu wider vnnnd entgegen ist/wie sich denn auch Herodes  
 vnd Pilatus/ desgleichen die Pbariseer vnd Saduceer  
 wider Christum also vereiniget vnd gefreundet habē/  
 deren Exempel auch noch heute vil für augen.

Solliche vermaledeite einigkeit/ wider die göttliche  
 warheit vnnnd gerechtigkeit/ bewaret der Satan der  
 fürst diser welt in seinem volck/ den gottlosen menschen  
 im alle dem das gott entgegen ist/ Er beweget vñ treis-  
 bet auch seine diener/ das sie sich wider die warheit vnd  
 wider alle gottseligkeit im bösen vereinigen/ Alles was  
 diser starcke gewapnete besitzet oder bewaret/ das bleibt  
 im fride biß der stercker über in kompt/ das ist Christus/  
 vnd in überwindet/ Luc. 11.

Dise Sataniſche einigkeit oder Concordia ist zwei-  
 erlei/ Nemlich in leiplichen vnd inn geistlichen dingen/  
 leiplich vereinigen sich des Satans glider mit raus-  
 ben/mörden/in allerlei sünd/betrug/böser gesellschaft/  
 vnnnd vngerechtigkeit/ wie auch die kriegler/ so vmb  
 gelt/eere vnd güts willen kriegten vnd blüt vergießen/  
 sich also vereinigen. Im geistlichen aber vereinigen sich  
 des Antichrists diener vñ glider/ in falscher jrziger lere/  
 vnd vnrechtem abgöttischen Gotsdienste/ zur verachs-  
 tung des lebendigen worts Gottes/zur vertuncklung  
 des waren Gotts diensts/ so wol als zur zerstorung des

reichs Christi/ vnd vndertruckung seiner götlichen her-  
lichkeit vnnnd warheit. So vil von der Satanischen ver-  
dampften einigkeit.

Die ander einigkeit ist/ die Christliche göttliche einig-  
keit/ dauon alhie der Psalm sagt/ Es ist ein einigkeit  
des glaubens vnnnd geists der gnaden/ ein einigkeit der  
herzen züm gürtten/ vnd der reinen vngeserbten liebe/  
welche durch den einigen mitler/ versüner vnd hochprie-  
ster ja fridsfürsten vnd vereiniger Gottes vnd der mens-  
chen Jesum Christum wirt gestiftet/ so wol als sie al-  
len war glaubigen durch ihn/ mit vergießunge seines  
blüts ist erworben/ Dise einigkeit ist auß der Newen ge-  
burt/ vnd wonet mit dem götlichen fride in den Newen  
widergebornen menschen/ dagegen ist in der alten Crea-  
tur des fleisches nur zank/ hader/ zwittracht/ vngewor-  
sam sünd vnd vneinigkeit wider Gott/ vnd wider alle  
gerechtigkeit.

Welche vneinigkeit aber deren die maledieung eigen  
ist/ durch Christum den Samen der benedieunge bei den  
glaubigen wirt hingenomen/ für die maledieunge der se-  
gen/ für den zank der fride/ für den vngeworsam Gota-  
res/ ein selbwilligkeit/ vnnnd kurzlich für die Satanische  
einigkeit züm bösen/ eine Christliche göttliche einigkeit  
zu allem güten/ inn der widergeburt wirt geben vnd ein-  
geführt.

Dann so ist allein Jesus Christus durch den h. geist  
ein stifter vnd anrichter der waren Concordia vnnnd ei-  
nigkeit die für Gott gilt/ inn welchem das niderste mit  
dem höchsten/ nemlich das fleisch mit Gott ist vereinigt/  
vnd



8  
vñ dem höchsten eingeleibet/da Got das fleisch den Sa-  
men Abrahæ hat angenommen/hinauff in himmel einge-  
tragen/Gotte ganz eingeleibet/ vñ in ewiger gloria/  
gewalt vñ reich mit jm hat vereiniget/welcher höchste  
gnadenreiche vereinigung alles andere fleisch sol ewig-  
lich genießten/daber auch der h. geist zur vollendung  
solcher einigkeit über alles fleisch ist aufgegossen/Ac. 2.

Christus Jesus(sprich ich) Ist vnser versüner/Mit-  
ler vñ stifter gedachter einigkeit mit Gott/so wol als  
er ein pfleger oder verwalter der heiligen gütter ist/vñ  
der waren hütten oder hauses/welchs Gott auffgericht  
hat/vñ nicht ein mensch/welches hauß wir seind/so wir  
anders das vertrauen vñ den rñm der hoffnung biß  
ans end vest behalten/Hebreo. 3. 8. Welcher einigkeit  
auch einerlei heyligkeit/einerlei gerechtigkeit/einerlei lee-  
re vñ erkantnus Christi/einerlei erlösung vñ selig-  
keit/alles auß Gott durch Christum im h. geiste folget/  
ja einerlei geist vñ glauben/auff das wer sich rñmet/  
der rñme sich im Herren/1. Corin. 1. -

## Das die Christliche einigkeit auß der göttlichen Dreiheit fließe.

**S**Intemal denn die Christliche einigkeit ein groß ge-  
heimnis ist/So wöllen wir sie mit erkantnus etz  
was höher holen/vñ an der Göttlichen dreiheit anbe-  
ben/Denn es ist ain Gott inn gedritter ainigkeit/von  
dem(wie gehöret) die Christliche immerwerende ainig-  
keit vrsprunglich kompt/Welcher Gott/aines ainigen

wesens inn dreien personen/dem Vatter/Sün/vnd heiligen geist/ist/ drei personen ein Gott vnd wesen / Solliches ist von nōtten zū glauben allen die da selig wōllen werden/danōn Paulus zū Corinthern schreibt vnd spricht: Wir haben nur einen Gott/den Vatter von dem alle ding seind/vnd wir zū jm/ Vnd einen herren Jesum Christum/durch welchen alle ding seind vnd wir durch in. 1. Corin. 8. Vnd es ist ein gaist in deme der herr  
Johan. xvi. Jesus Christus wirt verkündiget/der die welt vmb die sünde strafft/vñ Christum den vergeber der sünden anzeigt vnd glorificieret. Inn welchem auch die gleubigen getauft werden/den wir (spricht Paulus vom ihm vñ der gemeinde) seind durch einen geist alle inn einen leib getauft/vnd seind alle mit einem geist getrencket. 1. Corin. 12. Auß welchen sprüchen wie auch auß dem Euan gelio Johannis/Die göttliche Dreieinigkeit wirt gelert vnd bezeüget. Vnd. 1. Johan. 5. Denn drei seind die da zeügnus geben im himel/der Vatter/vnd das Wort/vnd der H. Geist/vnd die drei seind eins/vñ zūm Rōm. 11. Von dem einigen Gott/denn von jm vnd durch in vñ zū jm seind alle ding/jm sei Eer inn Ewigkeit/Amen.

Vmb solche Göttliche Christliche liebliche einigkeit/hat vnser lieber herr Jesus Christus/inn den tagen seines fleisches vñ creütz ampts (in welchem er den menschen mit Gott/die Erd mit dem himmel/die Creatur mit irem Schöpffer/hat versünnet vnd vereiniget) zum vatter gebettet / vnd das sie vns widerfare ernstlich gebetten/da er spricht: Heiliger Vatter/Erhalte sie durch deinen Namen/die du mir gegeben hast/das sie eins sein/gleich wie wir.

Vnd hernach kleret: Ich bitt aber nicht für sie allein/sonder

sonder auch für die so durch jr wort an mich glaube werden/ Auff das sie all eins seind / gleich wie du vatter inn mir/ vnd ich inn dir/ das auch sie inn vns eins sein/ Vnd noch mehr/ hatt der herr hinzügethon/ da er spricht: Vñ ich hab in gegeben die gloria die du mir gegeben hast/ das sie eins seind/ gleich wie wir eins seind/ Ich inn jnen vnd du in mir/ auff das sie volkommen seind/ inn eins/ Job. 17.

Also hat Christus der gute hirt von der Christlichen einigkeit selbst geleret/ der sein leben für die schaaß hat gegeben/ auff das sie im in liebe vnd einigkeit folgen/ seine stim vnd wort hören/ durch welchen sie auch im h. geist vereinigt vnd versammelt werden / vmb welcher einigkeit willen / Er wie vorgemelt am creutz ist gestorben / Johan. 11. Dann Jesus solte sterben für das volck/ vnd nicht für das volck allein / sonder das er die kinder Gottes die zerstreuet waren zusambenbreche. Nemlich in einen geist vnd inn einen leib / welcher die gemein ist / dessen einig haupt Christus ist / der sein leben/ Gottes genad / Geist vnd krafft zu erhaltung gedachter einigkeit inn die glider solchs seins leibes ( wie der weinstock den saft inn die reben ) einfließet / one instrument vnd mittel aller Creaturen.

Auß welchem denn auch leicht erkant wirt/ das all die jhenigen so zum entpfencknus der gnaden vñ des geists Gottes eüsserliche mittel wollen haben/ trenner vnd zerstreuer solcher onmittelichen göttliche einigkeit des hauptes vnd des leibes Christi sein / vnd der gnaden vnd lebens Gottes/ so on mittel vom haupte Christo in seinen leib fließt/ keins wegs teilhafftig mögen werden.

Wer die trenner vnd zerstreuer sind Christlicher einigkeit.

Wienñ der sun Gottes Jesus Christus vñ Gott sein vatter eins sein / also schickt vnd machter das die seinen mit dem vatter auch durch in vereynigt werden / das da sei ein einiger kōnig eines vereynigten einigen volcks / das ist / der waren Christgleubigen / durch den bund der gnaden / wie der Propbet Ezech. hat geweiß saget / vnd Zacharias / das ein herz sein werde / vnd sein Namen ein ner / ja auch ein volck vnd eine herdt / vnder einem meiser vnnd einigen hirtten Christo dem herzen Sebaoth / Zach. 14.

Was auch der herz Christus Johan. 17. von seiner einigkeit mit Gott seinem vatter vñ der jünger durch in / mit seinem ewigen vatter vnd ime selbs / sagt / das hat erzühret Johan. 14. vnnd hernach Johan. 15. im gleichnus des weinstocks außgelegt.

Johan. 14. spricht Er also: Denn ich lebe vnd jr werdet leben / Nemlich auß einem leben inn leben / oder durch das leben / vñ den lebendigmachenden Christum / vnd weiter: Am selbigen / oder jhenem tag / werden jr erkennen das ich im vatter bin vnd jr in mir vñ ich in euch.

Die einigkeit Christi mit seinem vatter ist die aller einigest / grōste vnd göttlichste einigkeit des gantzen wesens / reichs / macht vnd krafft Gottes / darnach die andere tewre einigkeit aller Gottes kinder mit Gott folget / Aber durch den / der im vatter vnd mit dem vatter eins ist / Nemlich durch Christum vnsern herzn / auß welches vōlle des wesens vñ der glorien Gottes alle andere / das seind die brüder danon der Psalm sagt / mit Gott vereynigt werden / vnd die grōste Sonne muß alle sterner leuchten zum ewigen Tempel Gottes.

Der

Der Sün ist im vatter/ im allerhöchsten grad der einigkeit Natürlich/ewig/ selbstendig/ in aller gütigkeit vnnnd himmlischen onmessigen Klarheit/ Der Sün des vatteren ist auch inn den seinen/ mit welchen Er den andern grad der ainigkeit stift/ aber durch sich inn der teilhaftigkeit des der die ganze ainigkeit ist vnd behellet.

Gleichwol soll alhie gemercket werden/ wann Christus den vatter bittet/ das die seinen ains sein wie er vñ sein vatter/ das es nicht inn ainem grad allenthalben züuerstehen ist/ wie denn die ainigkeit vnd ainig bleiben des Süns vnd des Vatters niemandt denn der mensch Jesus Christus kan erzeihen/ der in allem den vortritt muß haben/ sonder es ist also züuerstehen/ das/ wie der vatter vnd der Sün überauß sonderlich ains sein/ Also soll durch Christum mit Gott vnnnd allen gleubigen/ auch ain ainigkeit gestiftet sein vnd folgen.

Eben von solcher ainigkeit der Christgleubigen hat der Prophet alhie im Psalm durch den hailigen gaist geweissaget da er spricht: Siehe wie güt vnd lieblich ist: das brüder inn ain wonen/ das ist das sie nicht allein mit Gott durch Christū verainiget/ sonder für sich auch inn ainem geistlichen wesen/ ains sein/ Doch alles inn der ererbten ainigkeit Christi/ durch den gaist Gottes/ also das Gott alles inn allen sein wirt/ Christus inn ganzer voller gleichainigkeit mit seinem vatter/ vnnnd alle Christen durch Christum inn Gott vnnnd mit Gott durch Gott/ inn ainigkeit/ nicht allein des willens vnd gemüts aintrechtigkeit/ sonder auch des wesens/ lebens/ glorien vnd selbstande Gottes.



4. Corint. v.

Zu gleicher weise aber wie die erste Satanische ainig-  
keit zwoerlei ist zum verdamnus/ Nemlich/ inn leiblich  
en vnd geistlichen hendlen/ wie gehöret/ Also ist dise göt-  
liche ainigkeit vnd Christliche Concordia auch auff zwai-  
erlei weise zubedencken zur seligkeit/ vnd zum lobe got-  
tes. Die ain ist alhie verborgenlich im glauben/ der welt  
vnd den gottlosen züm teil vnbeant/ allein aber Gott  
offenbar/ von welcher auch Paulus saget da er spricht:  
Das wir alhie wandlen im glauben vnd nicht im schaw-  
en/ wie denn auch die göttliche Christliche ainigkeit nur  
züm teil alhie erkant vnd als durch ainen spiegel gesche-  
wirt/ vnd gleich nur ain anfang ist. Die ander aber/ ist  
die ganze völle der ainigkeit d' glorien Gottes/ welche/  
wenn sich Christus am jüngsten tag inn seinen hailigen  
wirt verklären/ an jnen soll offenbar werden/ dauon ich  
hernach wil sagen.

Am Erst aber/ von der ainigkeit des glaubens die al-  
hie vnder den waren Christen ist/ was sie sei/ vnd warin  
sie bestehe/ hat Paulus züm Corinthern klärlich gelehret  
vnd auch darzü ermanet/ da er spricht: Ich ermane euch  
aber lieben brüder durch den Namen vnseres herren Je-  
su Christi/ das jr allzüm al ainerlei red füret/ vnd nicht  
spaltung vnder euch sein lasset/ sonder das jhr seit ain  
leib/ eines sinnes vnd gemüts.

Vnd Philipp. 1. Wandel nun würdiglich dem Eu-  
angelio Christi/ den durchs Euangelium / welchs die krafft  
Gottes ist / wirt solche ainigkeit bei den gleubigē gestif-  
tet/ auff das jr gleich stehet in ainem geist vnd inn ainer  
seel/ vñ Cap. 2. Erfüllet meine freud/ das jr aines sinnes  
seit/ gleiche liebe habet/ ainmütig vnd gleiches verstan-  
des seit/



des seits / das nicht etwas geschehe durch zand oder etzel  
Were / sonder durch demüt / achtee euch vnder ainander  
ainer den andern höher denn sich selbs / vnd ain jeglicher  
sehe nicht auff das sein / sonder auff dz des andern ist / 2c.  
Solchs alles erfordert die Christliche lieb vñ ainigkeit /  
die der Werie Christus vnder den war glaubigen / durch  
den h. geist stiftet vnd auffricht.

Zu welcher ainigkeit auch Paulus zum Röm. am 15.  
ermanet / da er spricht: Gott aber der gedule vñnd des  
trosts gebe euch das jr ainerlei gesinnet seit vnder ainan  
der nach Jesu Christo / auff das jr ainmüthiglich mit ain  
nem munde lobet Gott vñnd den Vatter vnseres herren  
Jesu Christi.

## Was die Christliche ainigkeit eigent lich sei / vnd vermöge.

**W**ird damit wir noch klärer darvon reden / so ist sol  
liche Christliche ainigkeit nichts anders / denn ain  
gabe vñnd besizung des sinns Christi / dauon Paulus  
1. Corinch. 2. von ihm vñnd der gemeine Gottes sagt:  
Wir aber haben Christus sñ / Es ist ain bild vnd gleich  
förmigkeit der götlichen ainigkeit / frides / vnd Concor  
dien / ja ain empfangnus vñnd erlangung der maass  
der ainigkeit / des götlichen wesens vñnd götlicher na  
tur teilhafftigkeit 2. Pet. 1. Vmb welcher ainigkeit wil  
len auch alle Christen ain vollkommen mann in Christo  
genät werde / Es ist ain gemeinschaft des geists durch Eph. iij  
die annemunge zur kinderschafft Gottes / vnd besiglung  
zur erbschaft des ewigen lebens.

Von der summa der Christlichen Concordia vnnnd  
einigkeit / schreibe auch Paulus zum Eph. also: Ain leib  
vnd ain gaisst / wie jr auch beruffen seit / auff aincrei hoff  
nung ewers beruffs / ain herz / ain glaub / ain tauffe /  
ain gott / vnd vatter vnser aller der da ist über alles vnd  
inn euch allen / ainem jeelichen aber ist gegeben gnad  
nach dem maß der gaben Christi etc. vnd 1. Cor. 12. Denn  
durch ainen gaisst sein wir alle getaufft inn ainen leib /  
vnd zum Eph. 4. Seit fleissig zūhalten die ainigkeit im  
gaisst / durch das band des frides. Item 1. Cor. 6. Wer  
dem herren anhanget / der ist ain gaisst mit im / Auf wel  
chem allem die Christliche ainigkeit / wie ain herlich  
kostlich ding sie sei / vñ warinnen sie bestehe / gnugsam  
kan verstanden werden.

Wie die waren Christen ains seien  
waheer sie kommen / vnd was jr wand  
del vnd wesen inn der ainigkeit sei.

**W**eiter so ist zu mercken / das gleich wie die ainigkeit  
des mitlers zwischen Gott vnd dem menschen mit  
Gott natüerlich ist / also ist auch die Christliche ainigkeit  
der brüder in Christo natüerlich / aber nach der natur des  
neuen widergebornen menschen / der außsem fleische  
vnnnd von den gebeinen Christi ist / daher denn auch der  
vor allegierte spruch / das der wargleubigen oder Chri  
sten ain herz vnnnd aine seel ist / leicht wirt verstanden /  
weil sie auß ainem flaische vnd gebeinen Christi seind ge  
boren.

Eph. v.

Die Christen seind nicht allein ains willens / nicht allein ainer meinung / Consens / oder sinnes / sonder sie seind durch den gaist / flaisch vnd gebeine Christi / auch ain hertz vnd seele / sa ainer inn Christo worden / geschaffen zu ainem Newen menschen inn gerechtigkeit vnd heiligkeit der warheit / Sie seind all ain leib / ain gaist vnd ainer / wie gehöret / als die alle auß Gott dem himlischen vatter / von oben erab seind geboren / darumb so leben sie auch nach dem gaistlichen Newen leben von oben erab auß gotte / werden von oben erab gespeiset vñ getrenckt inn ainem gaiste / vnd / er wandel ist im himel / Auß welchem auch der sinn Pauli klärer wirt verstanden daer schreibet: Ich bin mit Christo gecreuziget / Ich lebe / aber doch nicht ich / sonder Christus lebet inn mir / denn was ich lebe im flaische / das lebe ich im glanzben des sinnes Gottes / Gal. 2. Siehe das seind die brüder die im hause Gottes in ain / oder eintrechtig wonen. O was kan bessers / lieblichers vnd lustigers immer mehr erdacht werden.

Es kan nichts  
man etwas  
nemē es wer  
de sine denn  
gegeben vñ  
himmel. Jo  
han. iij.

Das aber Christus nicht allein durch seinen gaist / sonder auch durch sein flaisch vnd blüt inn vns sei (so wir anders ware Christen sein / das der almechtige Gott gebe) vñ mit vns / vnd wir mit im verainiget werden / hat der herr Christus selbst Johan. 6. volkömlich gelehret / vnd das wir durch den himlischen beruff vnd durch den zug des vattern / so wol als durch das gehöret des lebendigen worts im glauben / zu sollicher Christlichen ainigkeit kommen / darumb sollen wir bitten / der herr wölle vns zu sollicher Concorde beruffen / vnd das Christus 8 stifter Christlicher ainigkeit / durch sein einwohnung die selbe gnediglich woll anrichten inn vnsern hergen.

Vñ deme be  
sihe Hilarij  
viij. de Trin.  
vnd Cyrilli  
vber Johā.  
Cap. xv.

Apoc. 1.  
Eph. 5.  
Act. 111.

Alle ware Christen die auß Gott durch Christum gehoren werde/ seind ainhellig/ ainrechtig/ ainer natur/ ja ains vnd ainer/ sie seind inn Christo verainiget/ alle die/ sag ich/ inn welchen der stifter der ainigkeit Jesus Christus im gaisse des frides vnd der liebe ist/ regirt vñ lebet/ in welchem er ainen glauben vnd vereinigunge der liebe wircket/ dauon inn Geschichten/ 2. Sie seind alle Könige/ vnd priester/ burger mit den hailigen/ vñ Gottes haussgenossen/ vnd wie vorgemeldet/ sie seind ain seel/ ain hertz vnd ain gaisst/ wie die schriftt sager/ daher sie auch ain ander von hertzen einbrünstig lieben 1. Pet. 1. Sie wandlen ainrechtig mit ainander im frid/ vnd der Gott der liebe vñ des frids ist mit ihn 2. Cor. 13.

Colos. 111.

Die waren Christen/ seind nicht allein vnder ainander aines sinnes vnd aines hertzens nach Christo/ sonder sie seind auch mit Gott ainrechtig/ durch den mieler Jesum Christum/ vñ suchen was züm frid diener. Sie suchen was droben ist/ da Christus ist zü der rechten Gottes/ bewaren die brüderliche lieb vñ ainigkeit durch den gaisst/ bewaren auch das band des frides mit allen mensche/ sie seind ain volck der ainigkeit/ daher sie auch die Christlich gemein oder kirch genant werden/ vñ durch Christum vnd inn im in allen himlischen gütern gemeinschaft haben/ das ist auch die gemeinschaft der hailigen/ dauon wir im Symbolo vñsers gemeinen Christlichen glaubens zeugen vnd bekennen.

Die Christliche gemeinde.

Alle die so in solcher ainigkeit des waren glaubens stehen/ haben einen freien zutritt mit vertrawender hoffnung/ inn ainem gaisse/ zü Gott dem vatter durchs flaisch Christi/ Heb. 10. Sie seind auch ainmütig im gebet/ stehen vnd bitten/ wie vom ersten volck solcher ainigkeit.

nigkeit Acto. 1. stehet geschrieben/ halten mit ainander/  
nach dem gaisse/ ainen feirtag der freuden inn dem süß-  
saig der lauterkeit vnd warheit/ 1. Corin. 5.

Wie nun solche Christliche ainigkeit vnnnd Concordia  
sren anfang auß Christo hat/ so hat sie auch jr zunemen  
vnd gewechs in Christo/ wirt je lenger je grösser/ je len-  
ger je stercker/ vnd einbrünstiger/ bei den widergebornē  
Christgleubigen mensche/ Sie wechset durch das erkant-  
nus Christi/ Coll. 1. Eph. 4. Vnd ob sie wol ain manig-  
faltigkeit hat inn den gaben der gnaden/ so ist sie doch  
on alle spaltung vnd vneinigkeit inn sren rechtschaffnen  
gliedern die das haupt Christu halten/ gleich wie die glied  
ains menschlichen leibs mancherlei ampt vnd geschafft  
doch inn der ainigkeit haben vnd gebrauchen.

## Von den dienern vnd haupthaltern Christlicher ainigkeit.

**N**ehr/ so hat die Christliche ainigkeit auch jr eüsser-  
liche ermanung zur brüderliche liebe/ wolthar vñ  
zu allen guten wercke/ so wol als sie ire brüderliche straff  
züchtigung vnd auch den Bann oder das ausschliessen Bann-  
hat/ alles zu srer erhaltung vnderbawunge der gemein-  
Gottes/ also/ das die brüderliche lieb vnd Christliche ai-  
nigkeit/ wann etwas dazwischen kompt/ immer wider  
ergenget/ versünet/ vnnnd im bande des friedes bewart  
werde/ 1. Tess. 5. 2. Tess. 3. Eph. 4. 1. Cor. 5. Jacob. 5.  
Matth. 19.

Wiedenn die Christliche ainigkeit auch ire diener/pre-  
d. iij



Cooperarij  
dei.

laten vnd vorsteher hat / die Gott vnd dem herren Christo dem ainigen stifter solcher ainigkeit darzu beim eusserlichen menschen dienen / vnnnd deshalben Gottes gehülffen genant werden / welche solliche immerwende ainigkeit mit Gott / vnd vnder ainander inn Christo fürdern / darzu ermanen / dauon zeügen vnd leren / auch in der gnaden Gottes alle menschen durchs Euangelium darzu einladen vnd bitten / das sie zur vermeidung der hellen pein / vnd zur besizung des himelreichs mit Gott versünnet vnd veraniget sollen werden. 2. Corin. 5.

1. Corin. iij.  
2. Corin. iij.

Solche seint diener Christi / vnd trewe haushalter der geheimnus Gottes / die Gott tüchtig macht das ampt des Newen Testaments züfürē / die den gaist der ainigkeit am erst für sich aus Gott erlangt haben / in welcher sie nach ires diensts züstande / fride / liebe vñ Christliche ainigkeit stiften / ja inn deren hertzen Christus wonet / für welche er auch ( Joh. 17. ) Gott seinen vatter hat gebettē / das sie ains sein / gleich wie Christus mit dem vatter ains ist / Christus inn inen vnd der vatter in Christo / auff das sie vollkommen sein inn ains.

2. Corin. 7.

Eph. vi.

Es seind solche diener vnd lerer / die gaistliche mechtige waaffen ( durch Gott ) haben / als das Euangelium der krafft Gottes / das schwerdt des gaists / das lebendige wort Gottes / den schild des waren glaubens / da mit gedachte ainigkeit vnder dem volcke des Newen Testaments nicht allein ( nach ires diensts züstande ) in Christo auffzürichten vñ züerhalten / Sonder auch was sich im schein oder ainigkeit mit falsch / wider die rechte götliche ainigkeit vnd warheit legt / züerstören / ja alle befestigung vnd höhe so sich wider das erkantnus Gottes vnd

vñ Christi erhebt/ vntern gehorsam Christi zu bringen/  
welcher waaffen sich auch Paulus inn der gnaden des  
herren hat gerhümet/ vñnd ein erwerdiener der Chris-  
tenlichen ainigkeit gewesen ist/ welche er herrlich preis-  
set/ danon zeiget/ leret/ vñnd schreibet/ wie aus seinen  
sprüchen ist gehöret/ der auch vns vmb soliche ainigkeit  
bittet/ dar zu fleissig ermanet vñnd vnauffhörliche for-  
ge hat getragen/ das sie vnder dem Christlichen volcke  
würdt erhalten bewaret vñnd gemehret. Act. 17/ das der  
allmechtige barmhertzige Gott zu vnsern zeiten/ auch  
solcher diener der Christlichen ainigkeit vil wölle geben  
vñnd sie mit seinem segnen krafft vñnd macht gnediglich  
wölle fürdern/ Amen.

Die Christliche ainigkeit hat auch mancherlei Typos/  
Figuren/ gemerck oder abformen/ als die vnzerrenliche  
Christliche Ee/ Eph. 5. Item/ das gleichnus vom wein-  
stock vñnd den reben/ Johan. 15. auch das gleichnus vom  
haupt vñnd dem leibe/ mit seinen gliedern. 1. Cor. 12. So  
wol als sie ire zeichen/ Symbola/ Erinnerung vñ wider  
gedechtnus hat/ auch auß der natur der Sacrament/ Sacrament  
des Christlichen Tauffs vñnd des Herren Nachtmals  
wirt gelernet/ vñnd bei denen so durch Christum inn sol-  
liche ainigkeit versetzt sein/ mit dancksagung zu Gott  
wider ereffert.

Denn zu gleicher weise wie aus vilen tröpflen ain  
Tauffwasser/ die Christlich profession vñnd ainigkeit zu  
bedeuten/ wirt/ Wie auch aus vilen kornlen ain brot  
des herren Nachtmals/ so wol als auß vilen beerlen ain  
wein oder tranck wirt zum widergedechtnus vñnd danck-  
sagung der geistlichen speise vñnd wolhat Christi vnser  
herren/ also wirt auß vilen Christgleubigen durch den

1. Corin. x.

gaist Gottes ain leib oder gemein inn Christlicher ainig  
keit versamlet vnder dem haupt Christo / Daher auch  
Paulus sagt / das die Christen ain broch vñ ain leib se  
en / dan sie all von ainem broch / das ist / von Christo der  
das broch der kinder Gottes / das rechte lebendige him  
melbroch ist / essen vnd eailnemen.

Diß sei von der ainigkeit des glaubens gesagt / die al  
hie die beider inn Christo durch Christum mit gott vnd  
auch selbst vnderainander haben. Wir wollen nu auch  
von der gangen vollkommenen himmelischen ainigkeit sa  
gen / die wir dort sollen einnehmen vnd die an vns offen  
bar sol werden.

Solche ainigkeit ist ain ainigkeit der glorien so nach  
disem leben inn der auferstehung der gerechten an vns  
durch Christum soll gelangen / da die vollkomme vnzer  
trenliche ainigkeit mit gott inn aller wunn vnd freude  
gang himlisch vnd göttlich wirt angehn inn gegenwer  
tigem schawen / wann wir auß der schande zur glorien /  
vnd auß der vner zur eere / auß der schwachait zur ster  
cke / auß der sterblichkeit zur vnsterblichkeit auferstehen  
werden / wenn an vns erfüllet wirt / was der Herr Chri  
stus vns von Gott seinem vatter hatt gebetten / da er  
spricht: Auff das sie all ains seind wie du vatter inn mir  
vnd ich inn dir / vnd das sie meine gloria sehen / vñnd wie  
Johannes in seiner Epistel sagt : Wenn er erscheinen  
wirt / das wir Gott gleich sein werden / denn wir werden  
ihn sehen wie er ist / 1. Johan. 3.

Johan. xvij.

Da werden denn die gerechten in ires vatters reich  
leuchten wie die Sonne / da wirt denn die volendung al  
ler

Matth. xij.

ler vollkommenheit angehn auß ainem durch ainem / zu  
ainem / wann Gott alles wirt sein inn allen / wenn dise 1. Corin. x.  
bitt vñ erhörung wirt erfüllt werdē / da der herr spricht:  
Vatter/ Ich wil/ wa ich bin/ auch die bei mir sein/ die du  
mir gegeben hast/ das sie die glori sehen die du mir hast  
gegeben.

Solche bede/ vñnd doch einerlei einigkeit/ wirt auch  
inn den Worten Pauli vermerckt da er zñ Collossern  
schreibet: Wer leben ist verborgen mit Christo in Gott Col. ii.  
(damit er die erste ainigkeit berührt) wenn aber Chris-  
tus ewer leben sich wirt offenbaren/ den werden jr auch  
offenbar werden mit jm inn der herrlichkeit/ da die ander  
das ist die vollkomne ainigkeit in Gott/ von angesicht  
zu angesicht wirt an gehn.

Welcher zukünfftigen ainigkeit der glorien / vor  
schmack vñ erstlinge inn den hailigen Gottes alhie wirt  
empfunden/ dauon sie auch selbst mit frölichem gewis-  
sen zeugnus können geben / wie Paulus 2. Corin. 3.  
schreibet: Das sich des herzen gloria inn jnen erspiegelet  
von auffgedecktem angesicht/ vñd sie werden verklärer  
inn das selbig bild/ von ainer Klarheit in die ander/ als  
von dem herzen der der gaist ist/ das ist/ sie werden von  
Christo der himlischen sonnen/ durch glanget vñnd mit  
göttlicher gnaden durch gossen vñd erfüllet.

Daher will denn auch die ainigkeit vñ gemeinschaft  
der leiden Christi gehören/ durch welche wir zur gemein-  
schaft diser ainigkeit & glorien kommen/ dauon 1. Pet. 4.  
da er spricht: Freuet euch inn dem das jr teilhafftig seit  
der leiden Christi/ auff das jr auch zur zeit der offenbar-  
lein in Chris-  
sto / durch  
kreuz vñnd  
leidē zur glo-  
rien der gde-  
lichen ainig-  
keit kommē.

ung seiner glorien vnd herrlichkeit freud vnd wonne haben mögen/ vnd was Petrus daselbs von ihm selbs saget/ da er sich einen zeugen der leiden die in Christo seind nennet/ vnnnd ainen mitgenossen der glorien oder herrlichkeit die offenbaret soll werden.

In sollicher ainigkeit der glorien / Ist auch ain vngleichheit/ doch on alle vnainigkeit oder widerspenstigkeit/ von welcher Paulus 1. Cor. 15. schreibt/ da er vom stande der außerswollen vnd vom vnderscheit der klarheit der hailigen Gottes im himel redet/ vnd ain gleichnus von den stern gibe/ also dz gleich wie ain firmament ain stern den andern in der klarheit übertrifft/ also werden auch die außerswollen im himel ainander in der klarheit übertreffen/ aber doch im herren Christo vnd im zusamenfügen seines leibs der die gemein ist/ on alle vnainigkeit ain jeder vollegenügen haben/ Der herr Jesus Christus wölle vns armen auch erleuchten vnnnd seiner ewigen glorien oder klarheit durch den hailigen gasteilhaftig machen/ Amen.

Solchs alles von d Christliche ainigkeit/ danon auch alhie der Psalm sagt/ hab ich mit zeuchnus der h. schrifft dummwollen außführen. Zum Erst/ das zu vnsern zeitten wol vil lerer ermanen/ wie auch billich vnd recht ist/ das die Christen die ainigkeit sollen lieben/ trennung fliehen/ spaltung hassen/ das sie auch allerlei was wider die Concordia oder ainigkeit der Christliche kirchen ist/ sollen meiden/ was aber die ware Christliche ainigkeit sei/ wann sie bestehe vnnnd waber sie komme/ sagen wenig etwas grundelichs/ so wenig als was die Christliche



liche Kirche für Gott dem herrn/ vnd was ain rechter wa-  
rer Christ/ ist.

14

Zum andern/ hab ichs darumb mit so vil sprüchen der  
b. schrifft außgeführt vnd befestiget/ das man drauß er-  
kennen möge/ das die ware Christliche ainigkeit der buß  
der inn Christo/ oder der Christglenbigen menschen/  
nicht in eusserlichen dingen/ geberden oder ceremonien  
besthe/ noch inn deme so mann ainerlei Kleidung/ regel/  
geberd/ Sacrament/ Ceremonien/ oder Gottesdienst al-  
lein eüsserlich gebrauchet. Irē auch nicht in dem so man  
allein auff ain eüsserliche Kirche/ büchstaben/ menschen  
oder versamlung sehe vnd sich der selben halte/ son-  
der so mann auff ainen Nitler vnd verainiger Gottes  
vnd der menschen. Nemlich Jesum Christum mit glau-  
ben sehe/ Christum recht erkenne/ von im widergeboren  
werde/ durch in ainen gaist/ ainen sinn/ ain hertz/ ge-  
müt vnd willen/ so nach Gott gerichtet ist/ auß gnaden  
erlange/ denn allein durch Christum inn deme vnd auß  
deme werden alle ding verainiget/ durch welchen/ inn  
welchem vnnd von welchem alles geschaffen/ versünet  
vnd befriedet ist worden.

Die creaturen oder eusserliche dinger/ Sacrament/  
Ceremonien/ vnd Kirchen gebrauch (darumb heut am  
meist der spain ist) bedeuten/ zeügen/ fürdern/ leren vñ  
ermanen wol im gang der gnade zu solcher Christlich-  
en ainigkeit/ dauon wir haben gehört/ sie vermögen sie  
aber nicht zugeben noch anzurichten/ so wenig als irgent  
ain mensch auff erde auß seinen krefftē/ sonder solche ainig-  
keit des gaists wirt allein durch Jesum Christū gestiftet

vnd bei den wargleubigen angericht/ darzu denn Gott  
selige leerer vnnnd die den gaist des herzen haben/ auch  
die Sacrament vnd creaturen (in rechtem brauche) wol  
können dienen/ Christus müß aber in seinem gaist alhie  
der ainig meister bleiben.

1. Corint. xij. Darumb so ist's vor gotte alles vmb sonst vnd vergeh-  
lich was man für Concordien oder ainigkeit außserhalb  
Christo vnd seine freien gaiste (der da gaistet wa er will)  
vnd tailt einem jeczlichen das seine zu/ nach deme er will)  
inn glaubens sachen fürnimpt oder anricht. So wenig  
auch jemand's darzu ist zu zwingen/ weil niemants den  
allein Christus Jesus die herzen vnd gemüter kan ver-  
endern vnd inn Gott recht ainig machen/ Welchs (wie  
Paulus leret) vor allen dingen zur Christlichen ainig-  
keit des glaubens wil gehören. So wol als Gott ein selb  
Psalm. cx.  
ij. Cor. viij. willig vngewungen hertz vnnnd volck zu seinem gottes-  
dienst wil haben.

Weiter ist zu mercken das auch diß nicht brüderliche  
ainigkeit noch den frid der Christlichen kirchen heisse  
brechen oder verstören/ wenn man vñ irthumb zur war-  
heit/ vom finsternus zum licht/ vnd von menschen ge-  
setzen zu den gebotten Gottes/ durch den gaist/ wirt ge-  
füret/ Ja wann mann auß Satans Reich/ vnd von der  
welt üppigkeit/ sich zum herren Christo bekehrt/ vnd inn  
ein rechte büßfertigkeit leben einschreitet/ da ist kein zerstö-  
rung der Christlichen ainigkeit/ nach absonderung von  
der kirchen vor Gotte/ Es halte sich gleich des eussers-  
lichen halben vnd vor den menschen wie es wölle/ sonder  
widerumb/ wann man von der warheit zur lügen/ vom  
licht zum finsternus/ vñ vom regierenden könige Chris-  
to

So zu den eüsserlichen Ceremonien ( die seligkeit dabei  
zusuchen ) absetz vnd zur schmach der gnaden Christi  
inn aigne werck lernet vertrauen.

Auglich / wann man von der gottseligkeit in ain  
gottlosigkeit / vnnnd onbüßfertigkeit / auch vom waren  
Gottsdienst inn Abgötterei geratet / das heisse brüder-  
liche liebe inn Christo / ja Christum selbst verlegen vnd  
den freid mit der Christlichen Kirchen / mit der hailigen  
gemein Gottes die der leib Christi ist / brechen.

Es ist auch nicht so vnrecht geredt / wann man sage /  
das brüderlicher freide der kirche ainigkeit erhalte / man  
soll aber darbei erklären / was sollicher freide sei / weil der  
her: spricht: Ir sollet nicht wännen das ich kommen sei  
freid zu senden auff erden sonder das schwert Matt. 10.

Zum andern / soll auch bedacht werde / mit zeugnus  
der h. schrift / was es für ain kirche sei / wenn man also  
saget / das brüderlicher freid der kirchen ainigkeit erhalte  
te / ob es der leib Christi / seine gespons vnd die gemein-  
schafft der hailigen sei / ja ob es auch die gemeine des leb-  
endigen Gottes / ein pfeiler vnd grundefeste der war-  
heit sei. 1. Timoth. 3. Ausser solcher kirchen kan keine wa-  
re Christliche ainigkeit / so wenig als brüderlicher freide  
sein.

Darumb so soll vnd muß inn gedachter rede wie auch  
sonst überall inn den geheimnussen Gottes / der grunde  
der wort bedacht werden. Nemlich / was ware Christ-  
liche ainigkeit sei / warinn sie bestehe / wazer sie iren vrs-  
prung habe / wer sie auch recht erhalte / den solchs thut  
den.

allein Christus das haupt der kirchen vnser Gott vnnd  
herz/ vnd das mann mit annemung der göelichen war-  
heit die Christlich ainigkeit keins wegs zerzeisse noch zer-  
störe/ sonder sie nur stifte fürdere vnd erbawe/ weil auß-  
serhalb der göelichen warheit / außserhalb des erkant-  
nis Christi/ vnd seiner reinen Euangelischen vnd Apo-  
stolischen lere / kein rechtschaffne beständige ainigkeit  
oder Concordia innder kirchen vor gotte ist / noch auff-  
gerichtet kan werden.

Wir sehen aus dissem/ wie das hailig Christenthum  
vnd die Christliche kirche inn deren die brüder eintre-  
chtig wonen/ ain so herlich wundersam lieblich wesen als  
nes hailigen außserwöleten volcks ist / da alles auß Gott  
vnnnd göelicher ainigkeit fleüßt/ auch entlich dahin len-  
det/ das der ainige Gott ewig gelobet vnnnd durch Chri-  
stum alles sei inn allen.

**Donatisten.** Züdem wirt auß dem vorigen hell vnd offenbar / das  
die ihenigen schwerlich irren / die der Christlichen kirche  
ainigkeit allein nach den Sacramenten wöllen richten/  
wie auch S. Augustin übern 32. Psalm von den Donas-  
risten schreibt vnd sie straffet/ das sie ihn vñ andere Chri-  
sten allein des vngleichen Tauffs halben nicht für brü-  
der wolten erkennen / sonder auß den Widertauff-  
trungen/ Ob wol Augustinus vnd andere Christgleu-  
bige daselbst / ainen Christum mit ihn bekant haben/  
das schreibt Augustinus. Auß welchem denn leicht zü  
sehen ist/ das die Donatisten der Christlichen ainigkeit/  
keinen rechten verstande noch grunde gehept haben / so  
sie die selbige vnnnd die Christliche brüderschafft / allein  
nach dem eusserlichen Tauffwercke vnd nach den Sacra-  
menten

manen haben wollen richten/ die doch sollicher Christi-  
lichen ainigkeit vñ brüderschafft der Christen nur Sym-  
bola/ zeichen/ profession vñ widergedechtnus sein/ wie  
denn nicht die eussertliche Tauffe / sonder der gaist Chri-  
sti/ sein erkantnus/ vñnd der lebendige glaube / solliche  
Christliche ainigkeit vñnd brüderschafft vnder alle den  
shenigen die auß Gott widergeborn werden anrichten/  
deren vatter Gott ist/ welche auch mit ainander das vat-  
ter vnser eintrechtig können betten.

Darumb so seind die sichtbarlichen Sacrament wol  
Sacrament der Christlichen ainigkeit/ wie sie auch von  
den vattern also genant werden/ sie gehören aber nicht  
inn die Christenliche ainigkeit wesentlich/ wie denn die  
verrucklichait das vñnerruckliche wesen nicht kan erer-  
ben noch besigen / wie sie auch die seligkeit nicht können  
geben/ Christus/ Christus/ sol regieren vñnd allein gang  
on gehilff aller Creaturen vnser verainiger (mit Gott)  
vñnd vnser seligmacher bleiben.

Die waren Christen so auß dem lebendigen worte Got-  
tes geboren vñnd inn die göttliche ainigkeit durch den  
gaist der liebe vñnd ainigkeit versetzt werden/ seind wol  
ainer des andern glid vñnder dem haupt vñnd herzen  
Jesu Christo. Nicht aber alle die getaufft seind vñnd das  
Sacrament empfangen / noch alle so den Christenlichen  
Nammen führen / sonder deren ain Glaub/ ain Er-  
kantnus/ ain Gaist/ ain Hertz vñnd ain Seel ist inn Chri-  
sto vnserm herzen/ dauon nu der Psalm sagt : Sihe  
wie gut vñnd lieplich ist/ das brüder aintrechtig oder in  
ainigkeit wonen.



## Von der gaistlichen brüderschafft vnd brüdern inn Christo.

**N**ach dem ich nu von der Christlichen ainigkeit hab  
gesagt/ so will ich auch von den brüdern vnnnd von  
der brüerlieb inn Christo vnd in seiner ainigkeit mei-  
nen verstand anzeigen/ Das aber zweierlei brüderschafft  
ist/ ain leipliche vnnnd gaistliche/ kan kein Christ vernei-  
nen/ wie wol die leibliche den menschen bekanter/ ja auch  
gemeiner/ weder die gaistliche ist/ so vil aber der geist  
das fleisch vbertrifft als vil vbertrifft die geistliche brü-  
derschafft die fleischliche/ dann die leibliche brüderschafft  
kompt von den menschen/ vnd von der erden/ die geist-  
liche aber von Gott vnd von himmel/ Die leipliche ver-  
geht/ die geistlich weret ewiglich/ darumb wir billich dar-  
nach sollen trachten/ das wir geistliche brüder vnder ai-  
nander ja kinder Gottes eines vattern werden.

Gaistliche  
brüderschafft.

Denn die geistliche brüderschafft ist ain brüderschafft  
der kinder Gottes vnd deren die inn ainem waren glau-  
ben/geist/ vnd Christlichen leben/ ja inn ainem erkant-  
nus Christi vnd seiner wolthat/ wiewol mit mancherlei  
gaben des geists im hauß des herten/ aintrechtig wand-  
len/ Sie ist deren die sich inn aller gottseligkeit ainerlei  
lere Christi halten/ die Christo eingeleibet sein/ vnd als  
glieder aines leibs ainmutig mit ainem hertz vnd seel ain  
jeder nach dem es im ist von Gott abgemessen/ Gott vñ  
den herin Christum süchē/ anbetten/ loben vereeren vñ  
bekennen/ die sich auch dem gehorsam des worts Gottes  
vñ der brüderlichen straffe vnder dem haupte Christo/  
gedultig

gedultig vnder geben/ vnnd all jr thün vnnd leben zur glorien vnd eer des herzn Christi schicken/ sich inn allem nach seinem hailigen willen richten/welche brüderschafft allein nach Gott vnnd nach der Newen geburt soll gericht vnderkant werden.

Von solcher gaisstlichen brüderschafft vnnd sipschafft zeüger die h. schrift manigfeltig/ vñ sie wirt sleiplichen wie gehört/ ferz für gezogen/ dauon auch Paulus schreibet/ da er 2. Corin. 5. sagt: Wir achten/ das so ainer für alle gestorben ist/ so seind sie all gestorben/ vnd das Christus auß liebe darumb für alle sei gestorben/ auff das die da leben/ nicht jnen selbs leben sonder dem der für sie gestorben vnd auferstanden ist/ Darauff spricht er denn weiter/ darumb von nun an kennen wir nu fürter niemant nach dem flaische etc. das alt ist vergangen/ sihe es ist alles New worden/ &c.

Das sich auch Christus der leiblichen brüderschafft nicht so vil als der gaisstlichen hat angenommen/ Ist Mat. 12. zusehen/ Da er ainem der jm vnder der presdigt ansagete/ das sein mütter vnd seine brüder draussen stünden vnd mit jm wolten reden/ antwort: Wer ist mein mütter? vnd wer seind meine brüder? vnd recket die handt auß über seine jünger vnd sprach: Siehe da/ das ist mein mütter vnd meine brüder/ denn wer da thut den willen meines vatters im himmel/ der selb ist mein brüder/ Schwester vnnd mütter. Darumb er auch Luce. 12. zwischen brüder vnd brüder nicht wolte richten.

Brüder in Christo nennet die h. schrift die kinder Got Brüdern  
 des/ kinder der wider geburt/ die ainen gaisst/ ain hertz vñ Christo.

ein seel/ja ainen vatter in himmel haben. Es seind Kin-  
 der des frides vnd der liebe/ die von Gott dem vatter  
 durch Christum den Son der liebe von obenherab auß  
 dem wort der warheit (Jacobi 1.) auß dem vnuerger-  
 lichen samen erzeuget vnnnd geboren werden/ 1. Pet. 1.  
 Deshalben wandlen sie auch in vngeferbter brüder lieb/  
 vnd haben ainander lieb in der warheit von reinem her-  
 zen. Es seind die/ so ainerlei gesinnet sein in Christo/  
 vnd gleiches verstandes sein/ die alles nach Christo rich-  
 ten/ sich in allen stücken an das haupt Christum hal-  
 ten/ auß welchem sie immer in der lieb vnd ainigkeit die  
 vor Gott gilt/ zum h. Tempel vnd hause Gottes wach-  
 sen/ vnd im gaisste erbauwet werden/ in welchem sie bei  
 ainander ainstrechtig wönen/ dauon alhie der Psalm sa-  
 get/ vnd der brüder wonung in der ainigkeit so herzlich  
 preiset.

Col. 3.

Eph. 4.

1. Pet. 1.

Solche brüderliche liebe/ durch welche die Christliche  
 ainigkeit/ so wol als durch den frid/ wie ein saß durch die  
 raissen/ in Christo wirt erhalten/ hat auch S. Peter von  
 der gemeinen liebe sein ordenlich vndercheiden/ wie den  
 die Christen die gemeine liebe allen menschen/ auch ihren  
 feinden/ nach dem Exempel des herzen Christi sollen er-  
 zeigen/ vnd wer irer hilff bedarff/ gütz thun sollen. Die  
 brüderliche aber erstreckt sich noch vil weiter/ dan in  
 der Epistel Johannis stehet geschrieben/ das die brü-  
 der das leben für ainander sollen lassen: Daran haben  
 wir erkant die liebe Christi/ spricht S. Johannes/ das  
 er sein leben für vns gelassen hat/ vnnnd wir sollen auch  
 das leben für die brüder lassen/ Wenn aber jemand's di-  
 ser wele güter hat/ vnd sibet seinen brüder darben/ vnd  
 schleüßt sein hertz vor im zu/ wie bleibt die liebe Gottes  
 bei

bei ihm: Meine kindlein / laßt vns nicht lieben mit wort  
 ren/noch mit der zungen / sonder mit der that vnd war-  
 heit. 1. Johan. 3. Das ist die rechtschaffene brüderliche / Vngeserbre  
 auß welcher auch wie vorgemelt der herr Christus sons brüderliche.  
 derlich seine jünger / wil erkant haben / Johan. 13.

18

Drumb so ist gar ain herrlich bedencken von der brü  
 derschafft Christi des Sönes Gottes vnd vnser (so wir  
 anders Christen sein) mit Christo / auch vndereinander  
 inn Christo / was nemlich solliche brüderschafft sei / war  
 im sie bestebe / wa sie herkomme / wie herrlich vnnnd lieb-  
 lich sie sei / was sie auch vermöge vnd mit bringe / ja war-  
 umb Christus der Erstgeborne vnder vilen brüdern ge-  
 nant werd / vnd wer die seind so sich seiner brüderschafft  
 verträsten mögen. Denn nit alle menschen von Adams  
 succession her / seind der brüderschafft Christi angehö-  
 rig / sonder alleine Abrahams gaistliche kinder / dauon  
 Paulus sagt: Die des glaubens vnnnd rechte Christen  
 seind / solliche mögen sich der brüderschafft Christi verträ-  
 sten / welche auch seinem ebenbilde gleichförmig sollen  
 werden.

Christliche  
 bedencken  
 von der brü-  
 derschafft  
 in Christo.

Heb. 8.  
 Gal. iii.  
 Rom. viij.

Diß hab ich bei dem Ersten vers dieses Psalmen von  
 der Christlichen ainigkeit vñ brüderlichen lieb / züm ver-  
 stand des selbē / auch züm erkantnis allerlei irrthumba  
 vnd falscher brüderschafft vnnnd ainigkeit wöllen anzei-  
 gen / wie den solliche Christliche ainigkeit gar ain groß  
 herrlich gehaimnis Gottes ist / vnd allein Christo auff  
 zürichten will gebühren / durch welchen die verheißne be-  
 nedeiung Abrahams ist über die haiden kommen / auff das  
 wir die verhaiffung des hailigen gaists (inn welchem al-  
 le Christliche ainigkeit vñ brüderschafft steht) empfieng  
 en / durch den glauben / Gal. 3.



Wie der kostliche Balsam ist der vom  
haupte Aaron herab fleißt inn sei-  
nen ganzen bart/der herab  
fleißt inn sein kaid.

De Aarons  
salbig/ prie-  
sterhumb/  
Kleidung/  
schmuck vñ  
herlichkeit/  
im oñch Je-  
sus Syrach  
cap. xlv.

Der Propbet vergleicht die Christliche ainigkeit  
vnd brüderliche liebe der Christen/einem kostlichen  
wolriechenden Salböl/oder Balsam/so dem hochprie-  
ster im alten Testament auffshaupt ward geschüttet/  
vnd will sagen/das zu gleicher weise/wie das Oel oder  
die salbe(so dem Aaron also reichlich auff sein haupt ge-  
gossen ward/das es erab inn seinen ganzen bart vñnd  
erab inn sein kaid floss) gar ein herzlich kostlich lieplich  
ding/ain süßer edler geruch/krasse vnd schmack war/da  
durch sein ganzer leib mit allen gliedern gestercket ge-  
sunde vnd woltschmeckende ward/also ain kostlich lieb-  
lich überauß herzlich ding ist/wa brüder inn Christo in  
rechtschaffner göttlichen lieb vnd ainigkeit wonen/wel-  
ches inn der Christlichen kirchen oder gemein Gottes im  
Newen Testament geschicht/da die Christen inn ainem  
gaist/glauben/vñnderkennung/durch Christum das  
haupt der kirchen/berüffet/versamlet vnd inn die gött-  
liche ainigkeit versetzt vñ auffgenommen werden/Auff  
welchenicht ain leiblich salböl oder Chrusam fleißt/wie  
Aaron mit seinen Söhnen vnd allem geschirz des Taber-  
nackels im alten Testament ward gesalbet/sonder vil  
ain kostlichers/Nemlich/ain gaistlich öl/das öl der freü-  
den vñ frolockung/welchs der h. gaist ist/mit welchem  
Christus vor seine mitgenossen ja inwendig vnd auß-  
wendig



wendig ist gesalbet/durch welchen auch folgend alle wa-  
re Christen zu irer seligkeit/gerechtheit/hailigkeit/vñ  
rächtekeit vor Gott/gesalbet müssen werde/Wie auch  
Paulus zum Cor. schreibt: Got ist's aber der vns besesti-  
get sampt euch in Christum/vnd vns gesalbet vnd ver-  
sigelt/vnd inn vnser hertz das hand des gaists gegeben  
hat/2. Cor. 1.

Von diesem wollen wir nu in der gnaden Christi mehr  
reden/vñ am Erst/Von der figurlichen leiblichen salb-  
vnd salbung im alten Testament/darnach von der er-  
füllung vnd gaistlichen warheit im Newen/dabet auch  
von der gaistlichen salbung Christi vnd aller Christen  
durch Christum soll gesagt werden. Exodi/im andern  
büche Mosi/cap. 30. lesen wir von ainem kostlichē salb-  
öl/das Gott Mosen hieß machen/damit die hütten/la-  
den der zeignus/der tisch vnd alles was darinnen war/  
sampt Aaron vnd seinen Sünen/solten gesalbet vñnd  
geweiht werden/von welchem Gott mit den kinder Is-  
rahel also besichet zu reden: Das öl soll mir ain hailig öl  
sein bei ewern nachkommen/auff menschen leib sols nicht  
gegossen werden/du solt auch seines gleichen nicht mach-  
en/denn es ist hailig/drumb sols euch hailig sein/wer  
ain solliches macht oder ain frembden dauon gibt/der  
soll von seinem volck außgereüttet werde/Das ist Got-  
tes befehl von anrichtung des leiblichen Salböls.

Salböl.

Jetzt flehe  
mā im Chri-  
stenthumb  
noch, an eis-  
lichen orten  
mehr an der  
figur weder  
das mann  
nach der er-  
füllung vñ  
warheit tra-  
get.

Von Arons salbung stehet auch daselbst/cap. 40.  
geschrieben/da Gott zu Mose sprach: Vnd solt Aaron  
vnd seine Süne für die thür der hütten des zeignus sit-  
zen vnd mit wasser waschen/vñ Aaron die hailigen klei-  
der anziehen/vñ salben vnd weihen das er mein priester

sei / vnd solt seine Süne auch herzuführen / vmb ihren  
Wer dem enge rock anziehen vnd sie salben / wie du ihren vatter ge  
Herzen an salber hast / das sie meine priester sein / vnd diese salbung  
hanger / ist sollen sie haben zum ewigen priesterthum bei ihren nach  
ein geist mit kommen / vñ Moses thet alles was im der herr gebott  
im .i. Cor. vj hatt.

Dergleichen findet man von solcher Salbung auch  
im 25. cap. da von der kleidung vñd haupt schmücke  
mehr ist geschriben / welchs ich auch / vmb der geheimnus  
willen / wil erzelen / Ob auß solcher figur jemandes der  
gaislichen warheit im Christo wolte nach dencken. Als  
so spricht Gott der herre zu Mose: vnd solt Aaron vnd  
seine Süne für die thür der hütten des zeignus führen/  
vnd mit wasser waschen / vnd die kläder nemen vnd Aa  
ron anziehen / den engen rock / vnd den seiden rock / vñd  
den leibrock / vnd den brustlatz zum leibrock / vnd solt in  
gürten aussen auff den leibrock / vñd den hütt auff sein  
haupt setzen / vnd die hailige Cron an dem hütt / vñd  
solt nemen das salb öl / vnd auff sein haupt schütten vñ  
in salben / vnd seine Süne solt auch erzuführen etc. vnd  
solt Aaron vnd seinen Sünen die hende füllen.

Bedencke /  
was da sey  
die hende  
füllen.

Dies sind alles figurliche Jüdische ceremonien / so bei  
der leiplichen priester weibe im alten Testament wurden  
gehalten / welche alle etwas gaisliches bedeuert / ja auff  
Christum vñ auff die Christliche gaisliche volck des New  
en Testaments gewiesen haben / dauon sie auch als im  
einem fürbild leren vnd zeugen. Wir wollen aber alhie  
allein von der salbung reden.

Das aber der leibliche priester Aaron / im alten Testa  
ment

ident/vnsern geistlichen himlischen ewigen hochpriester  
 Jesum Christum den Wirtler des Newen Testaments  
 vnnnd die salbung den h. gaist hab bedeuert / ist bei den  
 Christen kein zweifel/wie solchs auch die Epistel zum He-  
 breern genugsam beweist vñ außfüret/so wol als durch  
 Aarons Süne vnd ire nachkommen alle ware Christen  
 auß dem fleische vnnnd gebeinen Christi erzeugt/figurirt  
 vnd bedeuert werden. Wie nu dort das köstliche salböl  
 vom haupt Aroñ herab inn seinen bart vnd folgent inn  
 sein klayd inn der figur ist geflossen / also ist der h. gaist  
 (welcher durch das salböl alhie wirt bedeuert) vñ haupt  
 vnd herren Jesu Christo dem ewigen Süne Gottes am  
 erst inn sein hailiges fleisch/inn verainigter person mit  
 Gott dem wort / abgeflossen/welches durch den bart al-  
 hie wirt verstanden / vnd fleißt weiter durch das selb in  
 seinen leib/welcher die gemein oder Christliche kirche ist/  
 vnd durch Aarons klayd wirt bedeuert.

Christus ist vnser Aaron/vnser himlischer hochprie-  
 ster der vns leeret/ vnnnd von sünden absoluiert/der für  
 vns bittet vnd vns für Gott vertritt/der sich auch selbst  
 für vns hat auffgeopffert Gotte zum geruch der süßiga-  
 keit/ Eph. 5. Eccl. 45. Er ist vnser trewer Anwaldt/  
 gibt mehr denn wir können nemen/holet vns wider/wenn  
 wir vñ im lauffen/ vñ über sein hochpriester ampt trew-  
 lich an vns inn der innerlichen warheit (wie Moses vñ  
 Aaron inn der figur an dem eusserlichen volck vnd gots  
 dienste der Juden) Ja er ist vnser gantze vollkommene  
 bairt / von welchem wir empfaben gnad vñ gnad/  
 von welchem auch die himmelische Salbe ohn mit-  
 tel abfließet inn alle Christgleubige hertzen / Wie  
 denn alle Christen inn deren hertzen Christus wonet/

Rom. viij.

62  
 Christus ist als Christus jr kaid ist / dauon Paulus zum Galatern  
 d3 hochzeit sagt: Dem wie vilewer geraufft sind inn Jesum Chri-  
 kaidt. stum / die haben Christum angezogen / vñ zinn Römern:  
 Matth. 17. Ziehet an den herrn Jesum Christum Rom. 13.

## Vonder Salbunge Christi.

**A**ber so wir der Christe salbung (ja waber wir Chri-  
 sten heissen) recht verstehen wollen / müssen wir die  
 salbung Christi / wienemlich der herr Jesus von Gott  
 seinem vatter durch den h. gaist / vor allen seinen mitge-  
 nossen ist gesalbt züuor wol bedencken / weil alles von  
 im heer muß kommen was vns die seligkeit soll bringen /  
 vnd das sollen wir also mercken /

Christus ist Gott vñnd mensch inn ainer person ain  
 son Gottes / nach der gotttheit bedarff er als das wort kei-  
 ner salbung / aber nach der menschait solte sein flaisch in-  
 wendig vnd außwendig zur erfüllung der figur des Ta-  
 bernackels oder der hütten / mit der fülle des h. gaists ge-  
 salbet werden / wie denn inn seiner vollkommenen verklä-  
 rung vñ volendung geschehen ist / wie er auch durch sol-  
 che salbung von Gott seinem vatter zum herren vñnd  
 Christi ist gesetzt / vnd bestellet / ja durch welche salbung  
 der mensch in Christo in aller krafft / macht vnd glorien  
 inn verainigter person des herren / vergottet / vnd alles  
 das was Gott / ist worden / wie anderswo mehr dauon  
 geschriben / des wir auch gütten grund vnd zeugnus in  
 45. Psalm haben / da der Propheet Dauid von Christo  
 singet

Was die hie  
 melisch salb  
 unge dem  
 menschen  
 in Christo  
 bracht hab.



finger: Du hast geliebet die gerechtigkeit / vnd gebasset  
das gorloß wesen / Darumb hat dich O Gott / dein gott  
gesalbet mit dem öl der freuden vor allen deinen mitge-  
nossen / da man balde sibet / wer der ist / der da salbet / So  
wol als der da wirt gesalbet / warumb er ist gesalbet /  
Nemlich / das er gerechtigkeit geliebt / vnnnd bosheit ge-  
hasset / das ist / das er ein mensch ist / sich ernidriget / für  
vns nach dem willen Gottes seines vatern auffgeopf-  
ert / vnd allezeit gethan hat was seinem Vatter hat ge-  
fallen / drum in dem auch Gott über alle himmels  
höcht / mit einem Newen namen begabt züm ewigen  
könige vnd hoch priester gesalbet / vnd durch solche sal-  
bunge züm herzen vnd Christ hat bestetigt / wie Petrus  
den Juden verkündiget vnnnd spricht: So wisse nu das  
gantz hauß Israël gewiß / das Gott disen Jesum den  
ir gecreüniget habt / zü einem herzen vnd Christ gemas-  
chet hat / Acto. 2.

Die mitge-  
nossen seind  
die anges-  
nommen brü-  
der / so auß  
genadenn /  
durch Chris-  
tum / vnnnd  
vmb sinet  
willen gesal-  
bet werden.  
Phil. ij.  
Johan. viij.

Es ist aber zü mercken / das die h. schrift von zwai-  
en salbungen vnser Arons des herzen Christi / nach sei-  
nen zwai-  
en stenden sagt / Nach dem ersten stande ist er  
alhie auff erden gesalbet / da er ins ampt vnserer erlö-  
sung eintrat / da der h. gaist (nach dem der herz vom Jo-  
hanne getaufft ward) her ab für vom himmel vnnnd auff  
ihm bleyb / da er das Euangelium ansieng zü predigen /  
welche salbung innerlich an der aller heiligsten seele des  
herzen geschehen ist / mit dem h. gaiste / den er one ma-  
ß hat empfangen / da von der herz selbst im Propheten  
Esaiä laß / Luce 4: Der gaist des herzen auff mir / der  
halber mich gesalbet hat / zü verkündigē das Euange-  
lium den armen hat er mich gesandt / zü beilen die zersto-  
sene hertzen / zü predigē den gefangnen erledigung / vñ

Dasz zwö-  
f salbunge an  
Christo nach  
seinē beden-  
kende seind  
zū bedencke  
Mar. iij.  
Johan. i.  
Johan. iij.



den blinden das gesicht / loß zugeben die zerschlagenen/  
vnd die erledigung / zupredigen das angenehme jar des  
Jubel Jar. herren / dar auff er denn spricht: Heut ist dise schrift er-  
füllet in ewern oren.

Dise salbung Christi nach seinem ersten stande / ist  
durch die erste salbung Dauids figurirt / da ihn Sa-  
muel zum künige über Juda salbete. 1. Samuelis. 16.  
Wiewol solche salbung mehr ein zeichen seines künfftigen  
künigreichs / weder gegenwertiger herrschüg geweest ist /  
welcher salbung Dauids / vil trübsal / leiden / vnd wider  
wertigkeit hat gefolget / dadurch auch das leiden vnd  
creutz ampt Christi nach seiner salbung im ersten stan-  
de / ist bedeutet worden / vnd das er durchs leiden inn sei-  
ne gloria solte eingehen.

Luc. xxiij.

Zum andern mal ist Christus vnser gaistlicher Aa-  
ron / Dauid / Salomon 2c. Nach seinem andern stande /  
da er von den todten aufferweckt im himel zu der rechte /  
vnd inn der rechten Gottes seines vattern zum himelkü-  
nige vnd ewigen hohepriester gesalbet / vnd mit vnent-  
licher glorien / preiß vnd eere ist gekrönt / da er das reich  
Gottes eingenommen / zum haupt der gemein gesetzt /  
vnd das ampt vnser gerecht vnd seligmachunge (wel-  
ches er noch heut in hailigen geiste damit er ist gesalbet /  
vnd nach seinem fleische ganz vbergossen) treulich inn  
seinem hochpriesterthumb selbst über vnd verwaltet / da  
er auch nu vber seine Christgleubige dz freuden lauff  
geüßt / das ist / sie mit dem h. gaiste salbet / vnd erfüllet.

Heb. ij.

Christus ist vmb vnser sünd willen dahin gegeben / vnd vmb vnser  
gerechtwerdung willen aufferweckt Rom. viij. welch ampt er im h. gais-  
te setzt selbst über.

Denn solches hat der mensch inn Christo durch seine  
entpfangne

empfangne salbung / himmeltrönung vnd einnehmung  
des wesens Gottes erlanget / ja als der gehorsame einge-  
borne Sün Gottes mit vereinigttem wort / vom vatter  
ererbet / das er die gabe des h. gaists auch andern mensch-  
en kan austheilen / wie wir denn den h. gaist / sonst durch  
nicht anders denn durch den gesalbten verklärten mit  
Gott ganz erfüllten menschen Jesum Christum entspa-  
hen können / wie Petrus zu den Juden sagt: Tu er durch  
die rechte Gottes erhöhet ist / vñ empfangen hat die ver-  
heißung des h. geists vom vatter (das war seine salbung  
mit deren er als den innwendig vñ außwendig ist gesal-  
bet / erfüllet vñ durch gossen) hat er außgegossen das jr-  
sebet vnd höret.

Johan. viij.  
Der h. gaist  
war noch  
nicht, denn  
Jesus war  
noch nicht  
verkläret.

Act. ij.

Von solcher himlischen salbung so nicht allein an der  
seele / sonder auch am liebe vnd flaische Christi zu seines  
ganzen menschen Gotwerdung geschehen vnd vollen-  
det ist / reden vnd zeugen wir allhie vnd anderstwo / auff  
das man Christum inn seiner vollkommen glorien vñnd  
himelreiche / als der künig Gottes recht lern erkennen / wel-  
che salbung auch in dem ist vorbedeutet worden / da ain  
weib zu Bethania im hause Simonis des aussätzigen den  
herzen Christum vor seinem leiden hat gesalbet / vñ da-  
mit angezeigt / das er bald ernach solte begrabē werde /  
auch von den todten inn ein New göttlich wesen wider  
auferstehn / nach seinem fleische von Gott ganz balsam-  
mirt / gesalbt / vergottet vnd verkläret solte werden / ja  
zum erben des himelreichs / zum herzen vnd künig aller  
dingen gesetzt vnd bestetiget Psalm. 2. Act. 10.

Zeügno v  
glorien ehi  
sti.

Mat. xxvj.

Solche salbung des herzen / nach seinem andern stand  
ist durch die ander salbung Dauids figurirt / da er zu  
Hebron über ganz Israhel zum künige wardt gesalbet

2. Samuelis 6. damit die gantze geistliche himlische salbung / ja die gantze vollendung des flaisches Christi in Gott vñ sein eingang ins ewige reich Gottes zu sampt seiner regierung im vñnd mit Gott am kñige Dauid vñd an seinem reiche sein lieblich ist für gebildet worden. Vñd diser salbung liß Act. 2. 4. 10. Hebr. 1. Psalm. 2. Psalm. 45.

Vñd wie dort Dauid im der figur / da er zum kñige daselbst wart gesalbet ein kñig / hertz vñnd besider des figurlichen volcks Gottes / auch ein sichaffter vberwin der der haiden ist worden / Also ist der mensch Jesus Christus nach der andern salbung vñ einnehmung des reichs Gottes / allen andern menschen vñd völkern zum kñi ge / Fridfürsten vñ gnaden thron von Gott seinem vater für gesetzt / wie er denn beden Juden vñd Haiden den seide Gottes / welche er durch den gehorsam des creuzes allen menschen hat erworben / im Euangelio durch den h. gaist verkündiget / vñd die gleubigen auch mit dem h. gaiste drauff salbet vñd besiglet / das er nicht allein der Juden / sonder auch der Heiden kñig vñd hertz ist worden / wie von im geschrieben steht: Alle kñige werden in an betten / alle Haiden werden im dienen Psalm. 72.

Ephe. ij.  
Er hat fride  
gemacht / be  
de / dz ist zu  
den vñ Haid  
den versü  
net mit Got  
in einem lei  
be / durchs  
creutz ic. vñ  
ist kome hat  
im Euange  
lio bede den  
frid verkün  
diget.

Dauid ain  
figur Christi

Solchs hat gedachte figur der salbung vñnd bestetigung des kñigs Dauids über das gantze Israclische volck figurirt / so wol als Dauids erste salbung / die salbunge Christi / da er in sein creutz ampt ist eingetretten / sein hat für gebildet / Dweil denn der kñig Dauid gar inn vilen dingen / ja die fürnemlichste figur vnseres himmel kñiges Jesu Christi geweest / vñd in vñd seine bedestendemehr dan sonst keiner hat abgebildet. Sam. 8. 1. 2.

ein fleissiger schüler der lust vnd liebe zu gaisstlichen he-  
deln herr / seine Davids ganze historia inn büchern der  
künige oder Samuelis für sich nemen / Vnd auch auß  
figur Christum die ewige warheit durch das licht des  
glaubens lern erkennē / da würd er on zweifel recht kurtz  
weil vnd vil freüde haben. Der herze Christus verleibe  
vns einen ernst vnd eiffer / das wir seinen wolthaten vñ  
erkantnus / darinn das ewige leben stehet / auch in ersor-  
schung der h. schrift / wie die Tesselonicher / Act. 17. the-  
ten / mit gantzem fleissen nach trachten / Amen.

Die alten Christlichen lerer schreibē / das die salbung  
Christi (wie auch sein erhöhung inn Gott) inn deme sei-  
figuriert / da der Patriarch Jacob in Mesopotamiam  
gen Haran reyset / vñnd über nacht an ainem ort blieb /  
vñnd ainem stein des ortes vñder sein haupt leget / vñnd  
drauff schließ / da ihm von der laiter treumet die auff er-  
den stünd / vñnd in der spitz an den himmel raichte / auff  
welcher die Engel Gottes auff vñnd ab stiegen / vñnd der  
herz stünd oben drauff / segnet in vñnd verheißt ihm / das  
durch seinen samen alle geschlecht auff erden gesegnet  
soltten werden / etc. Vñnd Jacob stünd frū auff / vñnd nam  
den stein den er zu seinem haupt gelegt hatt / vñ richtet  
in zu ainem mal zeichen oder saul auff / vñnd goß öl oben  
drauff / vñnd hieß die stert Bethel / das ist / Gottes hauß.  
Nach dem Hebraischen: An de ort wirt man Gott anruffen Gen. xxviij.

Christus vñ  
welt hailad  
wirdt auch  
Jacob dem  
dritten pa-  
triarchen ver-  
haissen.

Vom streit  
vñnd fels  
Christo kofen  
auch andere  
lebendigen  
steine / zñm  
gaisstlichen  
hause Gots  
tes. i. Pe. ij.

Da sagen die patres / das der stein den d patriarch Jac-  
ob zu seinem haupt legt / Christum den herzen hat figu-  
riert der der fels vñnd grundstein ist / auff welchem wir  
vñnen / auff welchen auch das hauß Gottes soll erbawet  
werden. Vñnd das Jacob den stein zñm mal oder zeichen



auffricht vnd al drauffgeleift / bedeyt die erhöhung der  
menscheit Christi inn Gott in aller glorien Gottes / vnd  
seine salbung mit dem al der freunden / damit Christus  
reichlich überschüttet solte werden / Psalm. 45. Das  
man auch Gott nirgend den in Christo solte finden vñ  
anruffen / inn welchem die ganze völle der Gottheit leib  
haftig würde wonen / dauon der Patriarche Jacob das  
selbs weiter propheetet hat / da er spricht: Vñnd diser  
stein den ich auffgericht habe sol züm hause Gottes wer-  
den / Gen. 28.

Da selbst  
hin wirt her  
nach derem  
pel gebawet  
zu Hierusa-  
lem.

Christus ist auch daselbs die laiter Jacob / die von  
der erden bis inn himmel raicht / dran die Engel Got-  
tes / das ist alle ware glaubige auff vnder aber steigen /  
von obenherab geboren vñnd durch sein menscheit inn  
die gottheit ins ewige leben versetzet vñnd gefüret wer-  
den.

Wir wollen aber von der Salbung Christi / durch  
welche er der himmel künig vñnd hohe priester nach der  
ordnung Melchisedech ist worden / züm lob Christi mehr  
reden. Der mensch inn Christo hat seine salbung von  
Gott / vnd auß seiner völle inn ainigkeit der person mit  
Gott dem wort / auß Gott inn vñnd mit Gott ist der  
mensch Jesus Christus allen andern menschen zu güte  
( vmb deren willen er auch ist Mensch worden ) inn vñnd  
mit aller völle Gottes vñnd seines geists gesalbet / auß  
das weiter alles andere gleubige fleisch inn vñnd durch  
ihn gesalbet vñnd mit dem h. gaiste erfüllet / ja des reichs  
der himmel vñnd ewigen lebens durch solche salbung teil-  
haftig würde / das ist die salbe so vom haupt Aaron in  
seinen gangen bart vñnd inn sein klayd abfließt,



Es ist auch solche salbe / damit Christus ist gesalbet im grunde nichts anders denn Gott / ja die ganze völle der gotttheit im menschē Christo leibhafftig wonende / durch welche empfangene salben vnd salbung der hochgelobte mann Jesus von Nazareth der am creuz für vns gestorben / zu Gott ist worden / wie geböret / dauon auch ein alter griechischer bischoff zur glorie Christi gar schon vnd lieblich hat geschrieben / Das Christus nicht allein von wegen der gotttheit oder göttlichen Natur / deren doch nichts mehr vollkommen sein kan / Sonder auch des angenommenen fleisches halben / das mit der gottheit ist durch salbet gott dem vatter gleich sei / das schreibt Gregorius Naziansenus vnd mehr / das Gott den menschē Christum durch die salbung zu Gott gemacht hat.

Grego. Nazian. vom h. Oftertag.

Inn summa Gott hat Jesum von Nazareth durch seine rechte erhöhet mit dem h. geiste vnd himlischer krafft gesalbet / zum herzen vnd Got / welcher ist am herz über alles Act. 10. Das sterckt vnsern glauben von der glorie Christi vnd leret ihn inn ainigkeit der person vnd wesens erkennen vnd behalten.

Item in bello Liturgiarum grecarum. Got hat vergottet / das fleisch ist vergottet worden.

Wie Christus auch nach der salbung im himel ein warer Mensch sei bliben.

Solchs soll man nit verstehn als ob durch gedachte herrlichkeit d. göttlichen salbung die menschheit Christi drum abtilget / oder auch von der gottheit sei gesondert / gar keins weges / sie ist auch nicht mit der gottheit

vermengt noch vermischet / sonder durch die salbung ist  
 mensch in Christo mit got in ainz götliche wesen / reiche /  
 macht / himlischer krafft vñ glorien verleibt vñ vereini  
 get / das nu Christus gantz nach beden naturen in einig  
 keit des wesens gottes vnser herr vñ got sei. Vñ wie aus  
 Gregorio Nazianseno geböret / das er auch des ange  
 nommen fleisches halb durch dise salbung ( nach dem we  
 sen) eben das was die salbe ist / das ist Gott / ist worden /  
 dauondenn auch andere Christliche leercer / vñ sonder  
 lich Hilarius / Ambrosius / vñnd Epiphanius klärlich  
 zeügen / wie anderswo ihr zeügnus gnugsam ist ange  
 zeigt worden.

Ambrosius  
 Hunc per o  
 mnia deus.

Die salbung / sprich ich (wie auch die verklärung vñ  
 gottwerdung des menschen Christi) so am herzen Chri  
 sto nach seiner aufferstehung / wider geburt von den tod  
 ten / himelfart / sitzen zur rechten Gottes / vñ königlicher  
 krönung / von Got geschehen ist / hat sein fleisch vñ blüt  
 nicht verzeret nach außgeläret / sonder gantz herrlich /  
 Gotte gleich vñ enlich gemacht / ja mit der fülle der gott  
 heit gantz inwendig vñ außwendig an leib vñ seel /  
 das ist / seinen gantzen menschen vñ flaisch erfüllet / vñ  
 inn ainigkeit der person vñ götlichen wesens mit got  
 dem wort als einen Christum vñ einigen Sün Gottes  
 zum natürlichen erben könige vñnd herren aller dinger  
 angericht / gesetzt vñnd bestetiget / das gedachte salbung  
 die ganze herrschafft reich vñnd macht Christi über him  
 mel vñnd erde außweiset / wie sie denn sampt andern na  
 türlichen gaben des vattern (damit er seinen eingebor  
 nen Sün an seinem fleische hat geschmuckt vñnd gesie  
 ret) dem menschen inn Christo solchs alles volkomlichen  
 gen machet vñnd heimbringt / darumb auch alle Engel  
 Gottes

Salbung.

Gottes disen menschen anbetten vnd für iren herzen vñ  
Gott halten vnderkennen.

Durch solche andere Salbung im himmel ist am men-  
schen Christo sein fleisch / blüt / gebein etc. alles new / das  
ist ganz gaistlich / ganz göttlich / himlisch vñ ewig wor-  
den / Aber das alles auß Gotte. 2. Corin. 5. Das auch dz  
flaisch vñnd blüt Christi nu warhafftig die speise vñnd  
trancet aller war gläubigen seelen ist worden / Johan. 6.  
So wol als alle new menschen auß seinem flaische vñnd  
von seinen gebeinen im worre gottes / erzeugt vnd gebor-  
ren werden / Eph. 5. Vmb welcher salbung willen / auch  
der herz Jesus / vñ Christam oder salbe der gottheit (Chri-  
stus) heist / daher denn auch der namen Christi ain auß  
geschürte salbe im hobē liede Salomonis genant wirt /  
da die gespons Christi spricht: Dein namen ist ain auß  
geschürte salbe / drum liebē dich die megde (das seind al-  
le Christgleubige seelen oder hertzen 2. Cor. 11.) O Chri-  
ste zeich mich nach dir spricht die gespons die Christliche  
kirche / so lauffen wir / im geruch deiner salben.

ij. Corin. xj.  
Ich habe  
euch irant  
einem man-  
nedz ich ein  
reynen sung-  
fraw Chri-  
sto zubreche  
te / das seind  
die megde.

Auß diser Salbung zur gottwerdung / oder gleich-  
werdung des menschen Christi mit Gott / wirt nu auch  
verstandē / warumb der herz seinen jüngern vor seinem  
leiden / Matth. 16. verbott / sie solten niemandes sagen /  
daser Christus sei / nach seiner außersichig aber solchs  
inn der gantzen welt durchs Euangelium zu verkündi-  
gen hat besolhen / nemlich darumb ist es geschehen / das sol-  
che salbung dort im ersten stande noch nicht gantzlich an-  
im verbracht war / durch welche er nach seiner gantzen  
person zum herzen vñnd Christ solte bestetiget werden /  
Es müste Christus zu vor leiden / vñ also in seine her-  
lichkeit eingehn Luce. 24. Der hertzog vnser seligkeit sol-

Vollendet/  
volkommen  
gemacht/  
Heb. 4.

te durch leiden vollkommen gemacht werden/ che er vil kün-  
der zur seligkeit einfürte Heb. 2. Vnd da er ist vollendet  
(das ist gesalbet/ verklaret/ ganz vollkommen inn Gott  
aufgeführt) mit Gott inn einem wesen verainiget vnd  
verleibt/ ist er worden allen die im gehorsam seind ein ve-  
sach der ewigen seligkeit/ genat von gott ein hoher prie-  
ster nach der ordnung Melchisedech. Heb. 5.

Ecl. 14.

Wie nun dort gott im dienste Mosis mit dem Jüdische  
hochpriester Aaron in der figur Christi ein bund gema-  
chet hat/ das er vñ seine sūne ewiglich priester sein solten  
vnd gottes volck in seinem namen segnen/ Aaron solte  
dem herrn opfern/ speiß opffer/ vnd reuch opffer zum sü-  
ßen geruch vñ gedechtnus/ dñ volck zu versünen/ Gleich  
wie auch gott mit Dauid auß dem stam Juda einen bund  
machte/ das allein seiner sūne oder stamen keiner künig  
sein solte/ dar auff siedē beide Aaron zum hochpriester/  
vñ Dauid zum künig seind gesalbt/ also ist solchs bede-  
nach der ewigen warheit an Christo durch die vollkomme  
göttliche salbung/ vñ in seiner gotwerdūg alles geistlich  
nu erfüllt/ wie den sonderlich dise zwei personē/ nemlich  
künige vñnd priester vnter dem volck des alten Testa-  
ments gesalbet wurden/ an welchen der einige zukünfftige  
künig vnd priester Jesus Christus inn solchen bedē  
wirden ist fürgebildet das es alles an im erfüllet solte  
werden.

Künige/ vñ  
priester wur-  
den gesalbt.

Das reich  
Christi.

Christus der heilige in Israhel ist der gesalbete in göt-  
licher macht regirende himelkünig/ welcher seinen Christ  
gleubigen hilfft/ sie schützt/ schirmet vnd regiret/ ja sein  
göttlich reich inn iren hertzen auffrichtet/ mit welchem  
gott der vatter einen ewigen bund zu vnser seligkeit ge-  
macht/ durch welchen er ein ewige gnade hat lassen auff-  
gehn



gehn/Er ist der ware außserwelte Dauid/welchen gott  
mit einem heiligen öl hat gesalbet/ Der allerhöchste vn  
ter den künigen außserden/sein namen so ewig sein/vnd  
sein stül sol so lang d himel weret erhalten werde. Ps. 89.

26

Christus Jesus ist auch der ware ewige hochpriester  
vnd vnser miter für Gott/ der vns zur büsse segnet vñ  
sein hochpriester ampt treulich an vns übet/ Er allein  
ist ein solcher priester der auch das opffer selbst gewesen  
ist/zum geruch der süßigkeit/ vnd mit gott nicht figur  
lich wie Aaron/ da das böse gewissen der sünden beiden  
opffern blieb/sonder inn der warheit vns zuuerfünen/dz  
böse gewissen hinzunehmen/ dagegen ein gut frölich im  
merwerende gewissen inn vnserm hertzen aufzurichten/  
welcher hochpriester auch selig machen kan ad plenum/dz  
ist/ gantz vollkommenlich alle die durch in zu Gott kom  
men/Heb. 7. 10. Johan. 14.

## Was ein warer Christ sei.

**I**n diesem vnserm gesalbten hochpriester vñ künige  
Christo komen nun die Christen her/dz seint die ge  
salbte des herin/die den gaist Christi haben/ein außser  
welt heilig volck/die newen widergebornen menschen/  
die auch durch Christum zu gaistlichen künigen vñ prie  
stern gesalbet/vnd zum dienste des ewigen almechtigen  
gottes eingeweihet werde/von welchen der Apostel Pe  
trus sagt: Ir aber seit dz außserwelte geschlecht/das kün  
igliche priesterthum/das heilig volck/das volck des ai  
genthums/das ir verkündigen sollt die tugent des der  
auch von dē finsternus zu seinem wunderbarlichen licht gen.

Die Christe  
sollē die wol  
thaten vnd  
gloria Chris  
ti verkündi

b ij



hat beruffen. 1. Pet. 2. vnd inn der offenbarung Johan-  
nis. Christus hat vns geliebet/ vnd gewaschen von den  
sünden mit seinem blüt / vnd hat vns zükönigen vnn-  
d priestern gemacht vor Gott vnd seinem vatter.

Also haben wir nun wabin die figur des Aarons sal-  
bung vnd seiner süne hat gewiset/ vnnnd wie sie am erst  
an Christo reichlich/ inn aller vollkommenheit / ist erfül-  
let/ das der kostliche überreiche Balsam der h. gaist vom  
haupt/ das ist von Gott inn Christo am ersten in seinen  
bart/ inn sein heiliges flaisch abgestossen / vnnnd folgend  
durch das selb herab im sein klayd/ das ist inn die Christi-  
liche gemein vnd inn alle ware Christen abfließt/ daher  
wir auch wie gemeldet Christen genant werden/ wieder  
ain Christ nichts anders ist/ den ain gesalbter Gottes/  
der mit dem freiden el des h. gaists innerlich vñ vnse-  
barlich ist begossen/ vnd ob gleich einer ain Christ genät  
wirt/ so ist er doch für Gott keiner inn der warheit / er sei  
denn mit dem h. gaiste gesalbet/ denn wer den gaist Chri-  
sti nicht hat/ der ist nicht sein Rom. 8. Ist ain solcher nit  
Christi: so ist er auch nicht Gottes / wie kan er denn ain  
Christ sein?

Das aber nicht allein Aaron mit seinen kindern / son-  
der auch die Hürte vnd Tabernackel/ der gleichen der al-  
tar mit anderen figurlichen bildern vnnnd mit allem ge-  
schirz vnd gefessen des Tempels / ja alles so züm dienste  
Gottes geboree/ ward gesalbet/ hat bedeutet/ das nicht  
allein Christus sonder alles was ins haup Gottes/ das  
ist/ inn himmel geböret durch Christum auß seiner vö-  
lem mit dem h. gaiste müß gesalbet werden.

Vnd zügleicher weise/ wie dort im altem Testament  
gar:

gar nichts / on durch die leibliche sichtbarliche salbung  
wart geheiligt vnd zum dienste Gottes tüchtig gema  
chet vnd angericht / also wirt im Newen Testament nie  
mande heilig noch Gott zu dienen tüchtig / denn durch  
die gaisstliche on sichtbarliche salbung vnser hochprie  
sters Christi / wie er auch selbst zu seinen jüngern sagt:  
One mich können jr nichts thun.

Auß der sal  
bung ist die  
ware hailig  
keit.  
Johan. riii

Vnd Paulus: Ein solch vertrauen haben wir durch  
Christum zu Gott / Nicht das wir tüchtig seind von  
vns selber etwas zu denken als von vns selber / sonder  
das wir etwas tügen ist von Got (Nemlich durch Chri  
stum vnd seine salbung) daher ist es auch / das wir allein  
auß gnaden selig werden durch den glauben / Gottes  
gabe ist es (so wol als dise göttliche salbung) vnnnd nicht  
auß den wercken / auff das sich nicht jemand s rühme/  
1 Ephef. 2.

ij. Corin. iij.

Derhalben wir vns hinfür noch demenit solche figur  
ist erfüllet / nicht nach einer leiblichen sichtbarlichen salbe  
Chrisam od Balsam im Christenthumb dürfen vmb  
sehen / sonder nach einer gaisstlichen on sichtbarlichen salb  
oder salbung vnser seelen sollen trachten / welche wir als  
lein durch Christum im glauben erlangen mögen / wel  
che auch darnach am jüngsten tage vber vnsern gantz  
laß soll reichlich außgeschüttet werden / damit er der laib  
vnserer nichtigkeit dem (on alle masse gesalbeten / vers  
klärten vnnnd mit gott ganz erfüllten) laibe Christi im  
geruch der süßigkeit vnnnd himlischen Klarheit gleichförm  
ig werde / dz Gott alles sei in allen / Phil. 3. 1. Cor. 15.

Solchs alles hat die figur der priester salbung Aaa  
b ij

Heb. 1.  
1. Cor. 1.

rons vnd seiner sündt sampt den gesalbten gessen der  
hütten vñ des tempels dort bedeutet/ wie den das gessen  
nur einen schatten der zukünftigen himlischen güter ge-  
hapt hat/ vnd nicht das wesen der güter selbst/ welches  
erst inn Christo vñnd durch in öffentlich solte ersich kom-  
men vñnd allen wargleubigen auß gnaden mitgeteilet  
werden.

1. Cor. 11.

Bart.

1. Timo. 3.

Das aber durch das haupt / wenn der Propbet im  
Psalm spricht: Wie die Salb vom haupt Aaron in sei-  
nen gange bart fließt/ die göttheit Christi werd verstan-  
den/ beweiset sich auß S. Paul der da sagt: Das das  
haupt Christi/ Gott ist/ das auch durch den BART/  
die heilige menscheit oder das fleisch Christi/ ja der man  
Jesus von Nazareth in einigkeit der person mit gott/ be-  
deutet werd/ Ist auß deme abzunehmen/ das der Bart ai-  
nen vollkommen Man anzeigt/ vñnd nach de 8 mensch Je-  
sus Christus vnser mitler ist / durch welchen gedachte  
salbung/ heiligkeit/ vñnd alle gnad von Gott an vns ge-  
langet/ so ist den weiter leicht außzurechnen/ das durchs  
kaid darein die salbe vñnd haupt durch den bart abfließt/  
set/ die Christliche gemeind mit iren gliedern sei/ welche die  
reinen klaid der seint / die dem priester Josua angezogen  
werden/ Sach. 3.

Der mens-  
sche Jesus,  
ist vnser mit-  
ler.

Also fließt die kostliche wolriechende salbe/ Nemlich  
der h. gaist vñnd sprunglich von gott inn den menschen Je-  
sum Christum den mitler gottes vñnd der menschen / vñnd  
folgend durch den mitler inn die Christliche gemein/ wel-  
che durch Aarons geschmucktes kaid mit mancherlei far-  
ben (bedeut mancherlei gaben des hailigen gaists) ist fu-  
gurirt.

Wir

Wir sollen auch mercke/so der Prophet alhie die Christliche liebe/ vnd ainigkeit dem guten geruch vñ abfließen der edlen wolriechenden salbe vergleicht/ das er damit wil züuerstehen geben / das die ware Christliche liebe vñnd ainigkeit nicht allein ain sollicher kostlicher geruch vor Gott sei / sonder auch von der gaisstlichen salbe/ welche von Arons haupt/ Nemlich von Gotte inn Christo (jann vom gangen herzen Christo Gott vnd Menschen) abfließt/ vrsprunglich heertkompt/ wie den die vorgemelten spruch von der Christlichen ainigkeit/ die inn ainem gaisste Christi/ inn ainem hertz/seel vnd in ainigkeit des glaubens bestehet/ solliches klarlich aufzuweisen.

Ob denn gleich etliche alte leerer / durch Arons bart die ersten Aposteln Christi nach dem offenbarten Evangelio / oder auch die starcken manliche Christen dadurch verstehen wollen/ so wil sich doch nicht wol schickē / weil die salbe des h. gaissts nicht durch mittel der Apostel/ noch der starcken Christen / oder jergent einer Creatur/ sonder durch den ainigen mitler den menschen Jesum Christum inn die Christliche gemein / welche ist der leib Christi / vnd inn ire glider abfließt / darumb so wollen wir haupt vñnd bart an denn orte beim herzen Christo ganz nach seinen beden naturen (doch inn vereinigter person) lassen bleiben / auff das Christus alles sei inn allen/ wie denn züvor alles/ ja die ganzesalbung vñnd das einnehmen der volkomen seligkeit durch Got am menschen Christo oder an seiner h. menschart müste erfüllet vñnd vollendet werden / vñnd denn durch sein fleisch vñnd blüt an vns im glauben erst gelangen.

Col. iii.

Heb. x.

Die Apostel vñnd Priesster der Christlichen Kirchen dienen wol Christo / vñnd dem h. gaisst zur innerlichen salbung der Christen / sie vermögen sie aber selbst nicht zugeben.



**Ableinung etlicher irthumb beim punct  
von der Salbung vnd glo-  
rien Christi.**

**W**elcher nun solchen punct / von der salbung Chri-  
sti / mit zeignus der h. schrift recht versteht / der  
kan sich vil irthumbs entschütten / so verschiner zeit von  
denen ist eingefüret / die das new Testament mit dem al-  
ten haben vermengeret / die auch noch heut das priester-  
thumb so wol als die salbung opffer vnd Gottedienst  
des alten vnd neuen Testaments mit aller seiner züge  
hörd / nicht als die figur vnd warheit vnderscheidē / wer  
auch diese salbung versteht / der kennet Christum inn sei-  
ner glorien / welche er durch solche salbung zum ewigen  
künige vnd hochpriester / herzlich hat angenommen.

Ein solcher sibt denn auch / das der handel von der  
glorien Christi (mit denen so den menschen Christū auch  
noch heut im himel für ein creatur halten) nicht ein wort  
streit noch vergebliche disputation / Sonder ein notwen-  
dig stuck vnser Christlichen glaubens ist / vnd auffo al-  
let förderst zumerkantnus des herzen Christi will gebö-  
ren / auch inn deme stehet / das ja alle Christen wissen sol-  
len / was Christus sei / vnd das der Herr Jesus seiner sal-  
bung halben / Christus genant werde.

Sintemmal denn die widersprecher der glorien Chri-  
sti / von solcher göttlichen salbung / so über den menschen  
Christum inn seiner himmeltönung von Gott ist auß-  
gegossen



gegessen / durch vnd in welcher salbung er das göttlich  
 wesen vns zu notwendigem gütten erblich hat eingenö-  
 men / nichts wollen wissen / wie auch nicht von seiner got-  
 werdung / als wenig sie weder das sitzen Christi zur rech-  
 ten Gottes / nach seines fleisches verklärung oder ver-  
 gottung bedencke / So ist kein wunder / das sie dem man-  
 ne Jesu von Nazareth der vns am Creutz hat erlöst /  
 vnd nū inn der glozien Gottes seines vattern regiert /  
 seine göttliche eer benemen / ja in nicht den himmelkönig  
 noch mit vereinigttem worde Gottes / Gott den herren  
 lassen bleiben / welchs ein grosser schwerer irthumb / so  
 wol als ein vertunkelung des waren Christlichen glau-  
 bens ist.

Solche Theologi oder lerer geben wol zu / das der an-  
 genommene mensch inn Christo / sei inn himmel kommen /  
 auch das Christus sitze zur rechten Gottes / aber das der  
 mensch in Christo / inn die natur der gottbeit sei aufge- *Hieronym.*  
 nommen (wie doch auch S. Jeronymus dauon zeuget) *ber Phil. 4.*  
 Ja das er durch die salbung / durch die primogenitur /  
 erst oder wider geburt von den todten durch die verklä-  
 rung durch das sitzen zur rechten Gottes / nu inn person-  
 licher ainigkeit mit Gott / sei gott worden / das ist inen  
 frembd vnd unbekant / weil sie solch geheimnus nicht im  
 liechte des glaubens / sonder mit irer vernunft augen  
 ansehen / da sie denn schliessen müssen / Es würde solcher  
 weise die menscheit Christi außgetilgt vñ verleüdnert /  
 oder je mit gott vermengt / welchs doch keines weges sol-  
 get / wie es anderßwo gnügsam ist beweret.

Sie tichten mit iren vernunft gedanken als ob gott  
 der vatter Christum inn seiner himmelfart allein nach

seiner gottbeit / wider zú sich inn sein göttlich wesen hab  
genommen / Aber den menschen inn Christo haber her  
auffen gelassen / wie sie in denn auch auffen wesen der h.  
dreiainigkeit von der rechten gottes / vnd ab dem thron  
neder göttlichen maiestet in der höhe sitzlen / Bedenck  
nicht das Gott vnnd mensch ain person / ain Christus /  
ain sun Gottes ist / der nicht kan geteilet werden / seine  
gantzheit vnd verainigung ist ewig / so wol als er gang  
got vn̄ mensch verainiget / ain her v̄n got in ainer ewi  
gen glorien vnnd wesen mit Gott seinem vatter / ist zu  
glauben / anzubetten vnd göttlich zu vereeren / dauon  
die hailig schrift allenthalben zeüget / wie es auch auß  
deme muß folgen / das Christus zur recht der Maiestet  
inn der höhe züm herren / erben vnnd künige aller dinger  
ist gesetzt / Heb. 1. Eph. 1.

Solcher schwerer irthumb der ihenigen die Christu  
nicht auch noch seiner menscheit den waren eingebornen  
sun Gottes / noch ganz / vnsern herzn vnd gott bleiben  
wollen lassen / kompt fürnemlich daher / das sie weder  
warumb Jesus haiffe Christus / noch dise göttliche Sal  
bung / mit irem vermögen / nicht wollen bedencken / rich  
ten sie ganz menschlich / Als ob es ain schlechre benedei  
ung / Operation oder gemeine hailigung Gottes ge  
weßt sei / so den Propheten oder sonst andern menschen  
auß gnaden widerfere / also meinen sie / sei auch der man  
Jesus von Nazareth (wie in die Aposteln nennen) gleich  
wol in mehr gnad vnd volkommenheit weder andere men  
schen von gott gesalbet.

Sie glauben nicht das er innwendig vn̄ außwendig /  
zur erfüllung der figur der salbung der hütten (auch der  
innwendigen vn̄ außwendigē vergottunge der archen  
oder

überladen) sei gesalbet/vergötter/vnd mit dem h. geist  
 in aller völe auch nach seinem fleische ganz durchgoss  
 sen durch glanget vnd durchseuret/ Sonder das er als  
 lein nach der seelen sei gesalbet worden/so wenig sie glau  
 ben das der mensch Christus von der völe solcher seiner  
 salbung / auch andern menschen vermöge zugeben / wie  
 sie den die figur des hochpriesters Aarons salbung/ mit  
 irer erfülleten arbeit in Christo wenig bedencken noch  
 zu hertzen führen/ Auß deme kompt nu der irthumb/ das  
 sie Christum nicht ganz/ das ist/ nicht nach seinen beden  
 naturen für gott den hertz halten / vñ seines menschen  
 göttlicher glorien widersprechen.

Zum andern/ kompt gedachter irthumb des abbruchs  
 der glorien Christi daher / das sie geistliche ding nicht  
 nach S. Pauls regel geistlich richten/ sie kennen keine an  
 dere arbeit am leibe Christi/ weß eine körperliche reum  
 liche arbeit/ wissen von keinem waren fleische/ es bebal  
 te den disen natürlichen irdischen stand des fleisches / die  
 geistliche himlische ewige arbeit des fleisches vnd leibs  
 Christi in gott/ ist irer vernunft onbegreiflich / so wölle  
 sie auch den glauben hiebei nicht zühilffnehmen / hangen  
 am fleische Christi/ allein nach dem fleische/ ragens mit  
 iren gedanckē/ also grob fleischlicher weise mit seiner pro  
 portion vñ dimension in himel/ lassens da sitzen vnd sei  
 nen Sabbath halten/ lassen auch das fleisch Christi nicht  
 ein ware speise vnser seelen / so wenig als sein blüt einen  
 waren tranck bleiben.

Damit wir  
 de das reich  
 Christi ver  
 tuncelt, ja  
 fast auffges  
 haben.

Welchs alles auß dem vnertantnis Christi kompt/ vñ  
 das sie weder die salbung / verklärung / vollkomenwer  
 dung/ noch widergeburt Christi/ so wenig als sein auff  
 erstehunge von den todten / Noch auch sein sitzen zur

rechten Gottes/durch welchs alles der mensch gebessert/  
herzlich gemacht/ins götliche wesen eingefüret/ja zum  
herzn vñ Christ ist worden/getrönet mit preiß vñ eer)  
wenig oder nichts zu hertz nemen/Deshalbe solche auch  
Christum nach dem geiste/vñnd inn der glorien Gottes  
seines vattern regierende nicht kennen/Noch von ihm  
(sie sollen mirs verzeihen)richtig können glauben/schrei  
ben/oder leeren/wie sie denn auch dem menschen in Chri  
sto/der nu über alle himmel ist erhöhet/ain creaturlich/  
seelhaftig leben/vñd noch heut/ein menschlich wesen ge  
ben im himmel/so doch an jm alles New ist worden auß  
Gotte/das er nu gotte lebet/inn vñd mit Gott herrschet  
vñd regieret/wie denn inn Gott kein ander leben ist denn  
Gott/auch kein ander wesen denn Gottes wesen/gött  
lich/himlich vñd ewig.

Solchs alles ist gedachten Theologen verborren/  
sie wöllen dauon weder grunlich hören/nach lesen oder  
wissen/drumb sie auch die leere von der glorien Christi  
verfolgen vñd gern eine Euticherei/jrthumb oder kege  
rei draus wolten machen/welchs jne aber Christus der  
könig der herlichkeit soll weren.

Zum beschluß/ist nu diß der grunde vñd summa von  
der salbunge Christi vñd von seiner herlichkeit/das Je  
sus Christus nicht allein im erste stande/da er ins ampt  
vñser erlösung eingetreten vñd das Euangelium zu  
predigen angesangen/von Gott ist gesalbet/sonder  
auch nach dem andern stande/da er durch die salbunge  
Gottes/der gesalbte vñnd mit Gott erfüllte Tempel/  
ja der himliche vñ ewige hochpriester nach der ordnung  
Melchisedech ist worden/auch Elohim/das ist/der herr  
vñd



vnd Gott/von gott seinem vatter ist bestellet. Nichte  
 (wie auch vorgemeldet) mit außlerung seines bluts vñ  
 fleisches/nach mit vermischung seiner menscheit mit d  
 gottbeit/sonder (wie nu mehrmal gehört) mit der selbē  
 besserung vnd erhöhung inn Gott/vnnd mit einnehmen  
 des ganzen vollkomlichen wesens vnd aller glorien gots  
 res. Vnd das solche göttliche ewige herlichkeit/Christo  
 inn den tagen seines fleisches nicht allenthalb durch die  
 personliche vereinigung gottes mit dem menschen/nach  
 durch seine einwohnung/inn aller völle sei widerfaren/  
 sonder durch die ander salbung/verklärung/himelkrö  
 nung mit preiß vnd eeren vnd durchs sitzen zur rechten  
 Gottes/da Christus zum herren vnderben aller dinger  
 auch zum richter der lebendigen vnd todten von gott sei  
 nem vatter ist verordnet/welchem ewiger preiß lob vnd  
 eere sei/Per omnia secula seculorum, Amen.

Zu dem/so haben wir nu auch gehört/wie die salb  
 ung/das ist der h. gaist von vnserm himlischen Aaron  
 Jesu Christo als vom haupt inn seinen leib/der die ge  
 mein ist/vnnd inn alle der selben glider/das ist/inn alle  
 Christgleubige hertzen/abfließt/wie denn solchs in den  
 Propheten manigfaltig ist verhaissen/als Jobelis. 2.  
 Ezech. 36. vnd an vil andern orten/welchs auch erstlich  
 am Pfingsttage mit offentlichen zeichen wart beweiset  
 vnd bestetiget.

Vñ 8 krasse  
 vnd vermd  
 ge der geist  
 lichen salbe.

Zugleicher weise auch/wie der leibliche Balsam vnnd  
 das köstliche salben öl allen bösen geschmack hinnimpt/  
 die menschen gesundt vnnd frölich macht/so wol als es  
 den glidern krasst vnnd stercke gibe die damit gesalbet  
 werden/also wirt durch disen gaistlichen Balsam oder



Wir seindt  
gott ain gü-  
ter geruch  
Christi. ij.  
Coun. ij.

salbe / so von vnserm himlischen Aaron abrimet / aller  
böser gestank der gewissen / aller gift der seelen / das ist  
die böse sündige sünde hingenomen / Es werden die vn-  
reinen gaister weg getriben / vnnd vnser saul stinkende  
fleisch wirt dadurch gebessert vnnd gebeiliger / das wir  
wol schmeckend / ja ein süßer geruch Gottes werden / wie  
auch Paulus 2. Corin. 2. sich des inn der gnaden Christi  
hat gerümet.

Das fleisch Christi bedürfft das nicht solcher gestalt / weil  
keine sünde noch vnreinigkeit darinn ist gefunden / als inn  
dem vnsern.

Dise edle wolriechende salb nimpt hin was gott zu wi-  
der ist / benimpt die bösen begirten des hertzens / machet  
die seel saißt / vnd lebendig vor gott / heilet vnd wider ge-  
büret vns / ja sie leeret alles / vnnd was sie leeret das ist  
warheit / 1. Johan. 2. Was auch inn glaubens sachen od-  
sonst vnains vnd zwitrechtig ist / das wirt durch dise sal-  
be / wa sie hinkompt / in Christo verainiget vn befriedet.

Drumb so laßt vns nu mit ernstem fleisse beeten vnd  
zu Gott dem himlischen vatter seuffzen vn bitten / das  
er nach seiner göttlichen verheißung / solche himlische sal-  
be zu vnsern ganzen menschen salbung / erneuerung  
vnd heiligung durch Christum Jesum vns gnediglich  
wölle mitteilen / Laßt vns vnser angeborne krankheit  
der sünden erkennen / berewen vnd beweinen / vnser ver-  
derbte art des fleisches hassen / auch den folgenden todt  
(der der sünden sold ist) bedencken / vnd zum herin vns  
beteren / Ja zum waren hochprießter Christo für den  
Thron der gnaden kommen / vnd von hertzen bitten / dz  
er vns mit seiner salben / heil / frölich vnnd gesundt wöl-  
machen.

**O** Heri Jesu Chüste / wir seint ja inn sünden en-  
 pfangen vnd geboren / vol gestancks / wüsts vñ  
 vnreinigheit / Das ganze haupt ist tranck / das gan-  
 gehertz ist matt / von der füßsolen biß auffs haupt / Esa. 1.  
 ist nichts gesundes an vns / sonder wunden vñnd  
 strymmen / vñnd eyterbenlen / die allein mit dem öl  
 deiner salben gelindert vñnd geheylet können wer-  
 den . **O** Chüste / schütte deine salbe über vns / vñ  
 mache vns gesundt / keck / frisch vñnd frölich / das  
 wir deinen nammen preisen / der ain aufgeschütte  
 Salbe ist / Amen .

Also habē wir / wie vñ warumb der Prophet die Christ-  
 liche ainigkeit der brüder / der kostliche wolriechenden sal-  
 be vergleicht / die vom hauptē Aaron in seinen ganzen  
 bart / vñnd inn sein klayd erab fleißt / vñnd er wil damit zū  
 verstehen geben / das die ware Christliche ainigkeit der  
 brüder / auß der salbung vnser hochpriesters Christi  
 herkomme / auch nichts anders denn ein leib vñnd ainig-  
 keit der gesalbete Gottes sei / das ist / deren / die den haili-  
 gen gaist haben / welche ainigkeit durchs band des frids  
 vñnd der liebe wirt erhalten.

So folget nu der Dritte vñnd letzte Vers  
 dieses Psalmen.

Wie der Thaw der von Hermon her  
ab felle auff die berge Sion/denn das  
selbst verheißt der Herz segnen vnd  
leben immer vnd ewiglich.

**S**Der Prophet erkläret durch ain ander gleichniss  
den wolstand / nutz frucht vnd seligkeit der Christ  
lichen lieb vñ ainigkeit / da er nu weiter singet / Es sei so  
güt vnnnd lieblich ja ein solch gesegnet kostlich wesen / wa  
brüder inn Christlicher lieb vnnnd ainigkeit stehen / als  
wenn der Thaw von hermon (der so reich vnd nutz ist/  
das er dasselbe ganze landt feist vnnnd fruchtbar macht/  
das sere gütte weyde vnd vihezucht da ist) her ab feller  
auff die berge Sion / welches je ain nützlich kostlich ding  
ist / wie denn die berg Sion dürre sein gegen dem berge  
Hermon / der fruchtbar / feucht vnd feist ist.

Vom feisten Berge Hermon das ist vom himmel herab / müß  
der dürre berg Sion die gemein der Christgleubigen besuch  
tiget vnd fruchtbar werden.

Ein so lieblich fruchtbar nützlich ding ist / wie d Pro  
phet will sagen / vmb Christliche liebe vñ ainigkeit das  
daselbst der himlische segen götlicher gnaden ja der him  
meltänig Christus selbst mit seinen freudenreichen ga  
ben gegenwertig ist / vñ jm durch den himmelthaw / das  
ist durchs Euangelium der gnaden / eine herzlische ge  
mein (die nicht hab einen flecken oder runzel / oder desse  
etwas / sonder hailig vnd vnstreflich sei) gebiret vnd er  
zeiget /

geſſet / die er auch durchs bad des wassers im worte des lebens / selbst weſcht vnd reiniget / vnd mit ſeinem himliſchen reichthumb er füllet / welchs alles durch den Thawder von Hermon auff die berge Sion ſellt / vnd nemlich am erſt die menſchwerdung Chriſti vnd das Euangelii ſeiner gnaden / dadurch wirt bedeytet / wie den auch durch Sion nach vnſer Chriſtlichen lere / nichts anders denn die gemein der gleubigen wirt verſtanden.

Vom berge Hermon / findet man geſchriben das er ſelbſeid dem Jordan inn Galilea iſt gelegen / im lande das vorzeiten die Amoriter haben beſeſſen / vber welche berg vnd landetwan der groſſe könig Og von Baſan / hat geberſchet / Als aber Gott die haide vor der gemein Iſrael hette außgetriben / haben die kinder Rüben vnd die kinder Gad / weil ſie vil vnnd ſere groſſe vñbe betten / vnnd daſelbſt gar ſchönelüſtige gürtte süſſe waid war / von Moſe ſolch land vnd gebirge zü jrem erbreil erbeten / Inn diß gebirge iſt der könig Dauid geſlohen da er von ſeinem ſüne Abſalon warde vertriben / da er auch groſſe gefar hat beſtanden 2. Samuelis. 17. welches berges im 42 Psalm auch gedacht wirt / da er ein klain berg genant wirt gegendem verbeſſenen lande / dz der groſſe berg oder gebirge iſt / gegen welchem (ſag ich) das land der Amoriter vom wasser Arnon an / biß zü mberger Hermon das kleine gebirg oder land hieß / das die kinder Iſrael beſeſſen. Num. xxxij.

Wie nun daſſelbige land den ſtemmen des volcks Iſrael am erſt außgeteilt vnd von inẽ ward bewonet / wie auch Rüben (des ſtam̃es beſaß) der erſt geboren / ja der erſte ſünder vnder den kindern Iſrael geweſt / darumb

das er auff seines vatters leger stieg / welchen auch Ja-  
cob am erst segnete / da er sprach: Ruben lebe vnd sterb  
nicht / welcher segnen die verheißne gnade Gottes in Chri-  
sto hat bedeutet / vñ auch hernach im Propheten Ezechiel  
da Gott spricht: Ich wil nicht den tod des sünders /  
sonder das er sich bekere vñnd leb / tröstlich ist erklären.  
Item wie auch mit erst am selbigen ort das Israel von  
den Assyriern gefangen / ward weg geführt 2c. Also solt  
eder berze Christus auch die erlösnge die büße vñnd  
das Euangelium der gnaden nach dem rathe Gottes  
am erst bei den Rubeniten vnd daselbst vmb den Jor-  
dan inn Galilea (da es zu seiner zeit vol haideu war) zu  
predigen anheben / Von welchem auch geschrieben steht:  
Das volck das im finsternus wonet / hat ain groß licht  
gesehen / vnd die da sassen in dem orte vnd schatten des  
todtes / den ist ain licht auffgangen.

Von solchem hat der Propbet alhie im fürbild des her-  
abfallenden himelthaws geweissaget / Nemlich das das  
Euangelium der gnaden / nach dem es vom herin ihesu  
seid dem Jordan am berge Hermon inn Gallilea zu pre-  
digen würd angefangen werden / fort an die berge Zion  
das ist ins ganze Jüdische land bis gebn Jerusale wü-  
de gelangen / dauon es denn weiter inn die ganze welt  
solt außgehen / Esa. 2.

So singet nu der Propbet mit vollem mund vnd ber-  
zen: Siehe wie gütt vnd lieblich ist / das brüder inn ai-  
nigkeit wonen / Ja ain so lustig lieblich ding ist / wie der  
thaw der vom berge Hermon feller / das ist das Euan-  
gelium der gnaden so vom himmel herab kompt / das  
sich ihesu seid dem Jordan in Gallileischen lande wirt an-  
heben



heben / vnnnd herab auff die berge Sion fallen / das ist  
 ins ganze Judische land / ja inn die Christliche kirche in  
 alle welt wirt gelangen / dem herzen vil kinder vnd brü-  
 der vnder einem Gott vatter zu erzeugen / vnder welch-  
 en Christliche liebe vnnnd ainigkeit wirt wonen / durch  
 welche vil gaisstlicher frucht / güts vnd nutz inn Christo  
 durch den h. gaisst wirt gestiftet / vnnnd angerichtet wero-  
 den / das ist des gaissts meinung im Propheten.

Vnnnd gleich wie der leibliche Thaw der vom berge  
 Hermon feller / das erdreich fruchtbar macht / dem vbe-  
 gütte waide schafft / das au. h. also der geistliche himmels  
 thaw / die brüder so inn ainigkeit wonen als die schäflen  
 Christi / wirt erstewen / Der herr ist jr hirt / Er wirt in Psalm. xxiii.  
 nichts lassen manglen / Er wirt sie auff grüner aue wai-  
 den / vnd zün frischen wassern laiten / Er wirt ire seel  
 erquicken / ihr haupt mit öl salben / sie auff rechter straf-  
 se führen / vnd als ain güter trewer hirt für sie sorgen /  
 das sie im hause vnnnd schaaff stall des herren ewig wero-  
 den bleiben.

Solchs ist nun auch d. göttliche nutz / welcher Christo-  
 licher liebe vnnnd ainigkeit inn der gemeine der war gleu-  
 bigen sol folgen / Ja seggen vnnnd leben inn ewigkeit / weñ  
 man denn die zwey gleichnus nach dem gaisstlichen sinn  
 recht will bedencken / so befindet sichs beim anderen so  
 wol als beim ersten / Das der Prophet nicht allein als  
 hie / dadurch Christliche liebe vnnnd ainigkeit hat wöl-  
 len preisen vnd darzū ermanen / Sonder / er hat auch  
 verborghenlich im geheimnus anzeigen wollen / das als  
 le ware Christenliche liebe vnd ainigkeit auß der götts-  
 lichen salbung des hailigē gaissts / wie auch auß dem him-

Rom. i.  
Mar. xvi.

himmelthaw / auß dem lebendigen wort des Euangelij der  
gnaden / ien vrsprung / grundt vnd bestand hat / durch  
welche auch seggen vnd leben / das ist die mehbrunge vnd  
völle der gaben Gottes mit dem reiche der himmel vnd  
ewiger seligkeit wirt verhaissen / ja durch kein anders  
weder durchs wort des lebens / welchs Christus mit seiner  
gnaden ist / vñ durch die salbung des h. gaists / allen war  
gleubigen wirt mitgeteilet / das ihnen güts vnd barm-  
hertzigkeit jr lebenlang soll solge / also hat auch der her  
Christus ferner seinen Aposteln solch Euangelium der  
gnaden (welchs die krafft Gottes ist) inn aller welt zu  
verkündigen befohlen.

## Das der himmelthaw vnd regen / Chri- stum mit dem Euangelio der gna- den bedeutete im Propheten.

Rorate cae-  
li desuper.

**S**Als aber durch den Thaw / der von Hermon erab-  
felle / Christus mit dem Euangelio der gnaden  
werde verstanden / Ist an vilen orten der schrift / auch  
im Propheten Esaiä leicht zū finden / da er im gaiste  
vmb die zukunfft Christi des verheissenen Messia bitt-  
darnach sehnlich seuffzet vñ spricht: Ir himmel thawet  
von obenher ab / vnd jr wolcken regnet den gerechten / die  
erde thue sich auff vnd bringeden heiland / vñnd die ge-  
rechtigkeit wachse mit jm Esa. 45. da wir klerlich sehen  
das durch den von obenher abfallende himmelthaw / Chri-  
stus / das ewige wort Gottes vnd durch das auffheuen  
der

der erden / seine Menschwerdung auß Maria der heiligen jungfrauen die vns den hailand bracht hat / verstanden solle werden / vnd das der verhaissene Messias auß dem Thaw des himmels vnd auß dem gewechß der erden / das ist auß gott vnd einer heiligen jungfrauen durch des h. gaists wirkung / Gott vnnd mensch / ain sin Gottes Jesus Christus vnser hailand / erlöser vnd seligmacher geboren solte werden.

Christus est  
ex rore caeli,  
et germine  
terrae.

Das ist nu der ware himmel thaw / der von Hermon herab auff die berge Sion ist gefallen / das Christus mensch ist worden / das Euangelium der gnaden vmb den Jordan beim berge Hermon züpredigen angefangen / vnd folgendes im Jüdischen lande vnser heil vnnd erlösung hat gewirckt / wie denn solcher himmel thaw / dz ist Christus das lebendige wort Gottes / im h. gaiste noch sellt vber die berge Sion / das ist inn die Christliche gemein Gottes / vnd inn all der selben glider / weñ Christus in jnen wirt formirt / Christliche liebe vnd ainigkeit da anricht / Ja für die hellische maledieung den himlisch en seggen / für die sünd / gerechtigkeit / für den todt das ewige leben / für Gottes zorn vnd verdammnis / gnad vnnd seligkeit gibt inn der völle / allen die inn ihn warhafftig glauben.

Zü dem wirt Christus vñ sein Euangelium der gnaden / nicht allein dem himmelthaw / sonder auch einem fruchtbaren regen im Propheten vergleicht / wie in jetz gemeltem spruche Esaie von Christo steht: Ir himmel thawet von oben herab / vnnd jr wolcken regnet den gerecht / welcher auch der frü vnd spat / morgen vñ abent / regen ist / den gott seinen volcke zügebē hat verhaissen /

damit Christus nach seinen beden stenden / im geheim-  
 nus / ist bedeutet worden / als nach dem stande seiner  
 Menschwerdung / Creutz / leiden vnnnd ernidigung /  
 durch den abent regen / da er am abent vnd end der welt  
 zu vnser erlösung am creutz ist gestorben / vnd nach dem  
 stande seiner glorien vnd erhöhung inn gott durch den  
 morgen regen / da er des morgens frö von den todten zu  
 vnserer gerechtmachung ist wider lebendig worden / inn  
 welchem erkantnus most vnd al / ja alle völle / vnser er-  
 gezung vnd seligkeit ist zu finden / das die gleubigen nu  
 gäistlich essen / trincken / sich salben / frisch / gesundt vnnnd  
 satt werden vnd dem herzen leben.

Solches morgen vnd abent regens erinnert auch Je-  
 remias das volck Gottes / vnnnd strafft sie das sie nicht  
 ain mal inn irem hertzen sprechen: Laßt vns doch den  
 herren vnsern Gott fürchten / der vns morgen regen vñ  
 abent regent gibt / welchs denn (wie vor gemelt) das ewi-  
 ge wort Gottes Jesum Christum seine menschwerdung  
 vnd leiden zu vnser versünung / auch seine aufersteung  
 zu vnser gerecht vnd seligmachung hat bedeutet / durch  
 welchen regen allein vnser dürre erde muß befeuchtiget  
 ernewert in Gott wachssen / vnd fruchtbar werden.

Von welchem auch Oseas hat geweissaget vnnnd er-  
 manet / den herren zuerkennen / da er spricht: Er (der  
 verheissene Messias) wirt vns am dritten tage erqui-  
 cken / das wir vor ihm leben werden / denn werden wir  
 acht darauff haben / vnnnd fleissig sein / das wir den her-  
 ren erkennen / denn er wirt er für brechen / wie die schöne  
 morgen röte / vnnnd wirt vns kommen wie ain regen /  
 wie ain abent regen der das land feuchtet / wie wil ich dir  
 so wol

so wol thuen (Ephraim) wie wil ich dir so wol thuen (Juda) denn die gnade so ich euch erzeigen wil / wirt sein wie ain morgen wolcken / vnnd wie ain Thaw der frumorgens fellet / Dsee. 6.

36

Solcher himlischer Thaw vnd regen ist auß dem gürtzen schatz des herzen / den er im fünfften büche (Mosi cap. 28. seinem volcke / das ist / allen Christgleubigen herzen in der auffthüung des himmels / mitiglich zu geben hat verheissen / Deutero. 11.

Vom auffgange Christi vnnd seines Euangelij d. gnaden.

## Vom vnder scharde des eusserlichen vnd innerlichen worts / Thawes vnd Regens.

**V**on dises gaistlichen regens vnnd himmel thawes außgießung / von seinem nutz vnnd frucht / das ist von Christo dem lebendigen worte Gottes / vnnd vom Euangelio seiner gnaden / saget auch Gott vnder der gleichnus des leiblichen regens / vnnd seiner wirkung / im Esaia also : Gleich wie der regen vnnd schnee vom himmel fallt vn nicht wider dahin kompt / sonder feuchter die erden vnd sie macht sie fruchtbar vnnd wachsen / das sie gibt samen zu seen / vnnd brodt zu essen / Also soll das wort so auß meinem munde gehet auch sein / Es soll nicht wider zu mir lár kommen / sonder thuen das mir gesellet / vnd soll jm gelingen dar zu ich sende / Esa. 55.



Er küß mich  
mit dem küß  
se seins mü-  
des / Cäu. i.  
das ist / Got  
müß selbst  
das hertz rü-  
ren vnd er-  
öffnen.

Durch Chri-  
stū kommen  
wir zu Chri-  
sto.

Gott redet da von keinem eusserlichen mündlichen wort  
des dieners ( wie etliche für geben ) das im lufft verger-  
het / nach dem es wirt gesprochen / sonder vom innerliche  
en göttliche worte / das one mittel auß gottes selbst mün-  
de gehet / welchs durchs eusserlich wort der prediget wirt  
verkündiget vnd offenbaret Tit. 1. Er redet vom natür-  
lichen worte des lebens das Christus ist / vñ vom Euan-  
gelio der gnaden / welches die krafft gottes ist / Rom. 1.  
vergleichts mit seiner wirkung eine fruchtbaren regen /  
dar auff besche man was der herze Johannis 6. mainet  
da er spricht: Es kan niemandt zu mir kommen / es sei  
denn das in ziehe der vatter der mich gesandt hat / vnd  
ich werd ihn aufferwecken am jüngsten tage / Es stehet  
geschriben in den Propheten: Sie werden alle von gott  
geleert sein / wer es nu höret vom vatter vnd lerners der  
wir zu Chri- kompt zu mir / Johannis 6.

Das eusserliche wort der predig dienet dem innerlichen /  
macht es bekant dem eusserlichen menschen.

Eben das / ist nun das wort / dauon gott im Prophe-  
ten Esaia alhie redet / Es ist das wort das vom vatter  
gehöret / vñnd von Gott selbst im hertzen wirt gekernet /  
durch welchs wir auch selig werden / zu Christo kommen  
vnd in mit seinen wolthaten lieben vñ erkennen / Solch  
wort wirt alhie im Psalm / auch durch den thaw der vö-  
berge Hermon herab fellet / figurirer.

Welchs ich hiebei drumb hab wollen anzeigen / das  
man nicht das eusserliche dienstliche wort für gedachten  
erquickenden himmeltaw vnd geistlichen regen halte /  
den gott im Propheete verhaist / noch Gottes krafft dar-  
in suche / sonder solchs alles ist allein in innerlichen wo-  
sentlichen

sentlichen worde Gottes zu finden/ welch wort Christus  
 ist/ der halben man denn das innerliche wort des gaissts  
 (welchs auch von Gott selbst im hertzen muß an gehört  
 vnd gelernt werden) vom eusserlichen worde des büch- Vnd schaidet  
 des worts  
 des gaissts  
 vnd büchsta-  
 bens.  
 stabens (welchs vom diener wirt gehört/ oder in der hân-  
 del gelesen) recht muß vnder schaiden/ vnd nicht das für  
 Gottes natürlich/wesentlich wort halten/ was Gottes  
 natürlich wesentlich wort nicht ist/ sonst würd man one  
 solchen vnder schaidt mit schwerer abgötterei den büch-  
 staben/ fürn gaisst/ das eusserliche für das innerliche/ das  
 bilde für die warheit/ vnd die creatur für Gott halten/  
 wie jren denn heut nicht wenig hiebei streflich irren.

Das aber Gott daselbst im Propheten / nicht vom  
 dienstlichen worde des Euangelij/sonder von seinem we-  
 sentlichen worde/welchs Jesus Christus ist/rede/beweis-  
 set sich auß gemeltem spruche Esaie. selbst. Zumersten  
 auß dem gleichnus des regens der nimmer one sein wirk-  
 ung vñ beseüchtigung der erden/herab feller/Also auch  
 das lebendige wort Gottes/wa es ins hertz fellt/da kan  
 es nimmer one frucht abgehn/welchs aber das gesproche-  
 ne wort der predig nicht vermag /sonder seinem ampte  
 nach /nur auff das lebendige wort Jesum Christu vñ auff  
 seine gnedige wolthaten/ja auff den innerlichen Gottes  
 regen im reiche der gnaden weist/ Vnd im beim eusser-  
 lichen menschen dienet / wie es denn auch one das inner-  
 liche wort/das ist/one Christo vñ on seine gnade/nichts  
 denn ain todter büchstabe ist /dauon auch Augustinus  
 vbern 66. Psalm nach S. Paul 1. Cor. 3. vnd 1. Cor. 15.  
 schreibt/vñ solchs gar sein vnder schaidet/da er schreibt:  
 Die warheit (das ist das Euangelium predigen) ist  
 nichts/wa des predigers hertz nicht mit dem munde stum-

met / vnd die warheit oder das Euangelium hören / iſt  
auch nichts / wa dem gehöret nicht die frucht folgt / haeille /  
Auß welchem der vnderſcheidt des eußerlichen vnd in-  
nerlichen worts / vnd das nicht das eußerliche geſproch-  
ne wort / ſonder allein d̄ innerliche wort / Gottes krafft  
hat vnd iſt / klärlich wirt verſtanden / das auch der Pro-  
phet alhie von ſolchem redet.

Zum andern / beweiset ſichs auß dem / ſo Gott ſpricht  
Also wirt das wort ſein / das auß meinem munde gehet /  
Tu iſt je Gottes ſelbſt mund / vnnd des dieners munde  
wol zu vnderſcheiden.

Zum dritten / dieweil denn auch geſchriben ſteht: Der  
Menſch lebet nicht vom brodt allein / ſonder von ainem  
jeglichen wort das auß dem munde Gottes gehet / vnd  
aber ſolch götlich leben dem gehöret des eußerlichen dienſt-  
lichen worts allein / nicht folget / So iſt offenbar das das  
wort ſo auß dem munde Gottes ſelbſt geht (dauon auch  
alhie Gott im Propheten redet) vñ das wort ſo auß des  
dieners munde geht / billich als das wort des geiſts vnd  
wort des buchſtabens / als das natürliche ewige wort d̄  
Gott ſelbſt iſt / vnnd als das dienſtliche vergendliche  
wort das von gottes wolthaten zeuget / gebürlich werd  
vnderſcheiden.

Zum vierten / ſpricht der herr: Das das wort ſo auß  
ſeinem ſelbſt munde gehet / nimmer wider leer zu ihm  
kompt / dagegen aber das eußerliche dienſt wort / gar  
vil vnnd offte leer wider beim kompt / wie laider heut für  
augen / da mann vil ſäet vnnd wenig ain bringet / da  
mann iſſet / vnnd nicht ſatt wirt / trincket vnnd nicht  
truncke wirt / da man ſich beklaide vñ doch nicht kan er-  
wermen

permen / wie Haggeus von den letzten zeiten hat propheceiet / vnnnd daselbst Gott durch ihn weiter spricht: Darumb das mein hauß so wüste stehet / vnd ain jeglicher eilet auff sein hauß / darumb hat der himmel euch den thaw verhalten / vnd das er drich sein gewechß / vnd ich hab die dürrē gerissen bede über landt vnnnd berge / über korn / most / öl / zc. vnd über alles / Haggei. 1.

Sibe / das ist nun der thaw der von Hermon herab auff die berge Sion fellet / das ist vom himmel auff die gemein Gottes im h. gaiste herab kompt / deme der Prophet Christliche ainigkeit der brüder alhie vergleicht / ja siedrauß holet / Es ist Christus mit dem Euangelio seiner gnadē / das rechtschaffne lebendige wort Gottes / das vns hat erlöset / innerlich weschet / trenckt / speiset / vnd selig macht / Christus ist der ware fruchtbare erquickende himmelthaw / Er ist der thaw des grünen feldes / Esa. 26. Mit welchem des himmels wolcken triessen / der über den berg Sion fellet / one welchen thaw / vnser dürrē erde gar kein frucht kan bringen / Johan. 15. Auß welchem auch alle Christliche liebe vnnnd ainigkeit der brüder folget.

Canic. v.  
Mein haus  
ist voll  
thawes vñ  
mein locken  
voller nach  
tropfen.

Prouer. xix.  
Die gnade  
des küniges  
ist wie ein  
thaw auffm  
grase.

Denn daselbst verhaißt der Herre  
seggen vnd leben immer vnd  
ewiglich.

Also hat nun der Prophet disen kurtzen / aber gar reichen Psalm / mit dem göttlichen seggen vnd ewigen leben seliglich wollen beschließen / Das nemlich /



Gotteskin-  
der.

solche zwo gaben der gnaden / gewißlich da folgen / wa  
brüder (das seind Gotteskinder auß einem Samen des  
worts Gottes / von gott ainem vatter geboren / vnn  
mit ainem gaist begabet) inn liebe / frid vnd anigkeit bei  
einander wonen / Da Christus jr herr regent künig vnd  
haupt ist / der sie mit dem öle der freuden vnnnd frolocken  
salbet (one welchs alles fleisch vor gotte stinckt / abscheu  
lich / vnd ain grewel ist) der sie auch mit seinem himmels  
thaw befeuchtiget / welcher so wol als die salbung vna  
allen von nöten ist / das wir nicht / wie das gras inn der  
dürre / mit verschmachtung vnser seel verbrennen / noch  
vor gotte vnfruchtbar erfunden werden.

Christliche  
Kirche.

Gemeins  
schafft der  
hailigen.

Das ewige  
leben.

Ein solche versamlung der Brüder / da Gott segnen vñ  
leben hat verheissen / ist die heilige Christliche Kirche / Da  
seind die schaaffe die die stamm Christi jres hirtens hören /  
die in kennen / lieben / in folgen / die durch in auß vnd ein  
geben / waide finden / vñ volle genüge habē / Johan. 10.  
Dise seind die hailigen vnd Gottes haussgenossen die in  
Christo vnd durch in / mit Gott ewige gemeinschafft ha  
ben / Daselbst wil Gott durch Christum seine himmlische  
geschenck vnnnd gaben miltiglich auß teilen / gnedigeres  
geben / vnd sein erb das dürre ist / erquickē / die elen  
den mit seinen gütern laben / da auch Gott die gefangnē  
zu rechter zeit außfüret vnd leßt die abtrinnigen bleiben  
inn der dürre / Psal. 68. Sölchen brüder (sag ich) ver  
heißt der herr segnen vnd leben jmer vñ ewiglich / Amen.

## Vom zwaierlei segnen Gottes.

**A**ber vom segnen Gottes / sollen wir vnderschiedlich  
mercken.



merckē das Gottes segē/ Gottes gütē/wolthat/ gunst  
 barmhertzigkeit vñ miltigkeit ist die er seinen creaturen  
 beweiset/ Es ist auch die merung seiner gütē vñ gabē.  
 Dweil aber solche gütē vñ gabē zwaiertei sein/ als jrdi-  
 sche vñ himlische/ so redt auch die schrift von zwaiertei se-  
 gen gottes/ nemlich von leiblichem vñ gaistlichem segē/  
 vom figuralichen vergenglichen segē des alten Testa-  
 ments/ vnd vom warhafftigen imerwerenden segē des  
 neuen.

Zwaiertei  
 ordnung  
 aller dinger  
 zu vnder  
 schaiden.

Der leibliche segē Gottes gehöret inn die ordnung  
 diser jrdischen leiblichen dinger/ vñ ist ain gab/ auch ain  
 fürderung oder mehrung der zeitlichen gütter/ welcher  
 segē den Juden als dem volcke des alten Testaments  
 im gesetz war verhauffen/ wann sie Gottes gebott wür-  
 den halten/ davon in fünfften buche Mosi Cap. 28. vnd  
 cap. 33. Da ihn gott verheisset/ Nach dem er sie inn ain  
 reich/ herlich land wolt führen/ das mit honig vnd milch  
 fließt/ wa sie seiner stin gehorchen vnd seine gebot hal-  
 ten vnd thuen würden/ auch nicht andern göttern nach  
 wandlen in zu dienen/ so wölle er sie dermassen segē/ dz  
 in weder an reichthumb/ gewalt/ eere/ fruchten/ noch an  
 leib vnd güt nichts solle manglen/ Er wöll in überfluß  
 an güttern vnd gelde die fülle geben/ iren eingang vnd  
 außgang segnen/ die frucht ires leibes/ die frucht ires  
 ackers/ ires vives/ schaff vnd ochffen/ Er wöll ire feinde  
 vñnd alle die sich wider sie aufflaimen vor ihn schlagen/  
 vnd austreiben/ das sie im gelobten lande Canaan al-  
 lein frei vnd sicher sollen wonen/ vñ das er sie zum haup-  
 temachen/ vñ nicht wölle lassen vnterligē/ Sonder ma-  
 nichfaltigen/ iren Samen mehren zc. Kurtzlich verheißet  
 ihn der gütige Gott/ wa sie alle seine gebott würden hal-  
 ten/ so wölle er dem Segen gebieten das er allezeit mit in

Gott belont  
 die mensche-  
 liche gerecht-  
 tigkeit mit  
 zeitliche ga-  
 bē/ aber die  
 görtliche/  
 ewiglich.

sei das ist das sie inn alle irem sürnemen vnnnd inn allen  
wercken irer hende gesegnet sein solten/Deutero. 28.

Das ist nun der leibliche zeitliche segz Gottes allmäch-  
tigen schöpffers vnd herren aller dinger / den Juden die  
im gehorsam sein würden in der figur des zukünftigen  
geistlichen segens dort verhaissen / Die weil aber solcher  
seggen/güte/vñ wolhat Gottes auch sonst den Heiden  
vnd andern menschen güten vñ bösen gemein ist / denen  
eben so wol als den Juden zeitliche narung/gewalt/eere  
güt/vñ reichthumb von gott wirt gegeben / dauon auch  
der herr sagt/das gott( der allerhöchste ) auch gütig vñ  
wolthetig ist über die vndanckbarn vnd boßhafftigen/  
Er leßt regen über gerechte vnd vngerechte / Zu deme/  
das solcher leibliche seggen nicht allein den menschen/son-  
der auch andern creaturen gemein ist ( denn Gott hat  
auch dz gefügel auff erden vñ die vische im wasser geseg-  
net/wie im ersten buche Mosis steht geschriben: Gott seg-  
net sie vnd sprach: Seid fruchtbar vnd mehret euch. /  
So ist leicht drauß zübedencken / das der Prophet alhie  
nicht von solchem leibliche Segen/sonder von einem an-  
dern vil bessern vnd herlicheren/ja immerwerenden Se-  
gen singet ( den Gott allen seinen kindern fürbehalten  
hat ) da er spricht: Daselbst verhaist der Herr seggen vñ  
leben immer ewiglich.

Vom gaistlichen seggen/den Christus al-  
len wargleubigen durch sein  
blüt hat erworben

**S**olcher seggen ist ain geistlicher göttlicher seggen vnd  
heiligung

Act. vi.

Luc. vi.

Matth. v.

Die erde  
wirt auch  
von gott ge-  
segnet die  
kraut treget/  
Seb. vj.

heiligung der seelen / Es ist ain milte selige gabe / geschenck vnd auch ain mehrung der gaistlichen wolthat /  
 gnad vn güte Gottes von himelherab gegeben / deren güter sag ich / die immer vnnd ewig weren / die auch das ewige leben mitdringen / wie denn diser seggen in die ordnung der gaistlichen himlischen dinger vnnd zum reiche der gnade gehört / auch nicht anders erlangt werden kan / denn durch den waren glauben / welcher seggen nach Adams vnser erb vatters / (durch die sünde) eingefürten fluch vnnd maledieung / allen menschen die da selig wollen werden gang von nöten vnnd inn Christo allen Christglaubigē seliglich ist verhaissen / wie er auch durch den ersten seggen der gabe der leiblichen güter vnd des gelobten landes Canaan dort wart figurirt / vnd das er durch den verhaissenen Messias allen gleubigē zur vergebung der sünden solte außgeteilet werde / daher auch Christus Semen benedictionis / das ist / Ein Samen des segens wirt genant / in welchem alle völder gesegnet / durch in Gott angenehme mit himlischen gütern erfüllet vnderben des reiche der himmel solten werden. Drum denn sein volck das er selig macht von iren sünden (das seind die Christē) gesegnete des herin beissen / Psal. 114.  
 Disen geistlichen seggen hat Christus der sun Gottes mit seinem teuren blüt am creutz erworben / wie in auch Gott der vätter von todtten aufferweckt vnnd gesandt hat / die menschen zu segnen / auff das sich ain jeglicher bekere von seiner bosheit / Act. 3.

Durch Got  
 tes seggen  
 steht mann  
 proprie vnd  
 eigentlich die  
 mancherlei  
 gung seiner  
 creaturē gü  
 ter vñ gabe.

Gene. xxi.  
 in Harbrac.  
 Benedicens  
 se in semine  
 tuo gentes,

Der gaist  
 liche segge ge  
 hört zu hoch  
 priestertum  
 Christi / wie  
 auch die heil  
 ligung vnd  
 salbung der  
 Christen.

Der gaistliche seggen ist / so vns gott durch Christum mit gaistlichen gütern begabt / so er vns erleuchtet / wider gebietet / heiligt / stercket / tröstet / mehr begnadet / 2c.

Vmb disen himlischē göttlichen seggen bitt auch der Prophet Dauid mit grossern ernst vnnd fleiß im 67. Psalm

da er spricht: Gott sei vns gnedig vñ segne vns/ Er las  
 se vns sein anlig leuchten/ das wir auff erden erkennen  
 seinen weg/ vnder allen Haiden/ sein hail ic. Es segne  
 vns gott/ vnser gott/ Es segne vns gott/ vnd alle welt  
 fürchte ihn/ Psal. 67. Auß welchem nun klärlich wirt be  
 funden/ das der rechte ware Gnadenreiche seggen gottes  
 inn deme stehet/ so er das licht seines anlig vns/ ja inn  
 vns lest leuchten/ das wir seinen weg vnd sein hail/ das  
 ist seinen sun Jesum Christum mit seinen wolthaten  
 (durch die zwai wärlein/ Weg vñnd Heil/ angezeigt)  
 auff erden erkennen/ wie den allein Christus vnser hail/  
 so wol als er auch der weg (ins ewige vatterland) die  
 warheit vñd/ das leben ist/ da werden denn (spricht der  
 Propbet Dauid) die völker gott dem herzen danken/  
 Alle völker (die Christum Jesum mit seinen wolthaten  
 erkennen/ in welchem erkantnus das ewige leben stehet)  
 werden ihn loben/ sich frewen vnd jauchzen/ welchs auch  
 die frucht ist/ so dem gaislichen seggen Gottes darinn al  
 les güts stehet mit gnaden also folget.

Der Propbet beschleüßet auch gödtliche Dreihait zu leiff sein  
 in der ainigkait da er spricht: Vnd alle welt fürchte ihn.

Das alles  
 am seggen got  
 ist gelegen.

Das aber der Propbet im letzten verß diß Psalmen  
 bei dem seggen/ Gott drei mal nennet/ wirt nach etlicher  
 vätter meinung/ das geheimnus der h. dreieinigkait da  
 mit bedeutet/ also/ das er den götliche seggen nicht allein  
 von Gott dem vatter/ Sonder auch von Gott seinem  
 sūne Christo/ vnd von Gott dem h. gaisste im vnd allen  
 Christen in aller volkommenhait wünschet vnd bittet/ vñ  
 das der Propbet durch die clausel (Es segne vns/ vnser  
 Gott) im gaisste auff Christum gesehen habe/ welcher ob  
 er wol von natur ain Gott über alles ist/ so ist er doch  
 sonder

Emmanuel  
 Gotte mit  
 vns / vnser  
 Gott.



sonderlich **VNSER** Gott durch seine menschwerdlig 41  
 vnd erlöschung worden/ Er ist auch von Gott dem vat. Esa. ix.  
 der selbst/ vns zum ewigen hail/ haupt vñ segen gegeben/ Ein kindlin  
 davon Paulus schreibt: Gott hat seines eignen sinnes ist vns gebo-  
 nicht verschonet/ sonder hat in für vns alle dahin gege- ren/ vnd ein  
 ben/ wie solter vns mit im nicht alles schencken? Rom. 8. sin ist vnns  
 vnd 1. Corin. 1. Er ist vns von gotte gemacht zur weis- gegeben.  
 bait vnd zur gerechtigkeit vñnd zur hailigung (darinn  
 auch der göttliche segen stehet) vñnd zur erlösung/auff  
 das wie geschriben stehet: Wer sich rühmet/ der rühme  
 sich im herzen/ 1. Corin. 1.

Solchs segens der hellen erleuchtung gottes hat sich  
 auch der h. Paulus im herzen Christo zu seinem lobe ge-  
 rühmet/ inn welchem segen vnd liecht er zum erkantnus  
 Gottes vnd des herin Christi auch andern trewlich hat  
 gedienet/ davon er zün Corin. schreibt: den Gott der da  
 hat gesprochen/ das das liecht auß der finsternus er für  
 leuchte/ der hat ainen hellen schein inn vnser bertz gege-  
 ben (das haist alhie der Propheet sein anltz leuchten)  
 zur erleuchtung des erkantnus der Klarheit Gottes im  
 angesichte Jesu Christi/ 2. Corin. 4. Inn welchem auch  
 durchs Euangeliiu seiner glorien/ aller himlische segen/  
 wonn/ vnd freud durch den glauben ist zü finden.

Gottes segen zeigt an/ das wir von vns selbst nichts güt-  
 vermögen one seinen segen vnd gnade.

Nach diesem himlischen segen der erleuchtung Gottes Luc. xviii.  
 in Christo/ trachten alle ware Christen/ die auch mit den  
 blinden schreien vñnd bitten: O herz verleihe das wir dz  
 Mar. ix.  
 liecht sehen/ vnd inn deinem liechte vandeln/ damit vns  
 Johan. xij.  
 finsternus der hellen nicht überfallen. Wann denn Gott



also segnet vnd sein antlitz vns leßtleuchten/dann wird  
es tag in vnsern hertzen/da wirt sein weg vnd heil/Chri  
stus/mit dem rechten gotsdienst(da man den vatter im  
gaisste vnnnd inn der warheit an bett)erkant/Gott recht  
gelobt vnd geehret.

Umb solch erkantnus vñ erleuchtung hat der Pro  
phet Dauid nicht vnbillich/auch den Juden(dem gesetz  
volcke)gebetten/die da vermeinten/sie kenneten gleich  
Gott recht vnnnd wol/vnnnd das der ware Gotsdienst  
vnd segen/in Worten/ceremonien/ausserlichen dingen/  
figurlichen bildern/vnd opfferwerck stünde/dadurch sie  
das hail vnd seligkeit erlangen mochten/wie denn noch  
heut jren vil mit den Juden züm nachtail Christi also  
webnen/daran sie aber weit vnd mercklich feelen/welche  
der Prophet Dauid im gaisste alhie gesehen vnd(wie ge  
meldet) vmb den segen der erleuchtung Gottes wie am  
erst vmb sein gnad vnnnd barmhertzigkeit bittet/darbei  
er auch leret/das alle gnade Gottes vns inn deme wirt  
beweiset/so vns Gott segnet/den alten angebornē Ada  
mischen fluch außtülget/so er vns erleuchtet/im gewiss  
sen frölich macht/die sünde vnd finsternus des hertzens  
hinnimpt/auch ein New verstantnus gibt/seinen weg  
vnd hail züerkennen/mit krafft vnd sterck inn seinen ge  
botten züwandeln/ja so er vns auch seinen willen beim  
waren gotsdienst bekant macht/dar zü eigentlich der se  
gen Gottes vnnnd sein himlisch liecht vnnnd erleuchtung  
wil gehören.

Gott segnet  
vns/so er dē  
alten fluch  
außtreibet.

Umb solchen segen der himlischen geschenck vnd gais  
tlichen ewigen beständigen güter Gottes(sprich ich) bittet  
die waren Christen/nach welchem sie auch seüßigen/sich  
sehnen

sehenen vnd drauff hoffen/vnd nicht nach dem zeitlichen  
 segnen der jrdischen vergenglichen güter/reichthum oder  
 (Namon trachten/Sonder sie folgen dem wort des her-  
 ren der da spricht: Trachtet am erst nach dem reiche got  
 tes vñ nach seiner gerechtigkeit/so wirt euch solchs (nem  
 lich leibsnahrung) alles zufallen. Sie wissen auß S.  
 Paulus lere/das alle die da reich wöllen werden/inn an-  
 sehung/strick/vnd vil torichter vñ schädlicher lüste fal-  
 len/lassen in anfüter vnnd deck benügen/als die da wif-  
 sen/das sie nichts inn dise welt bracht haben/auch nichts  
 hinauß werden bringen/1. Timoth. 6. Kürzlich/die wa-  
 ren Christen/die gesegneten des herzn/trachtē mit ernst  
 vnd fleiß/wie sie in gott reich werden/das sie im himlisch  
 en wesen immer je mehr gesegnet/vnd ire gaisstliche ga-  
 ben bei in gemehret vnd zum ewigen leben besigelt wer-  
 den/alles durch Christum vnsern herzn/one welchs gna-  
 den segnen gar niemandt zu solchem götlichen gaisstlichen  
 immer werdenden reichthum mag komen/wie auch ein on-  
 gesegneter natürlicher Mensch/göttliche dinger/vnnd  
 was des h.geists ist/nicht allein nicht in sein hertzen rpsa-  
 hen/sonder auch nicht kan vernemen/ja es ist im ain tor-  
 bait/sagt Paulus/so gangt vnnd gar seind wir arme  
 menschen durch die sünd verdorben/welche vnser ganze  
 natur/vernunft vñ sinnen hat verschwertzt vñ durch-  
 triben/dz wir auch one den segnen Christi vntüchtig sein/  
 auß vns selbst ichts güts zudencken / Der aingeborne  
 der inn der schoß des vatteren ist / muß vns helfen / vnd  
 mit seinem himmelischen segnen vns tüchtig machen zu  
 allen güten wercken/! Er allein muß vns himlische ding/  
 durch den h. gaisst selbst leerē vñ in alle götliche warbeit  
 führen/ja er gibt sich in seinem segnen selbst vns/! Er ist das

Zeitlich güt  
 ist nit zu lie-  
 ben.  
 Matt. vi.

Wol dem v  
 solches mit  
 ernst bedent-  
 et/welchs  
 auch ain res-  
 cept für den  
 Heizist.

Wenn der  
 herr segnet/  
 so manigfal-  
 tiger er seine  
 gaben.

1. Cor. ij.  
 Der segnen  
 Christi vns  
 sers hoch-  
 priesters ge-  
 het vor der  
 hüffe/2c. ij.  
 ij. Cor. ij.  
 Joha. i.

ii. Cor. liij.  
Col. i.

angefichte vñnd ebenbilde Gottes/inn welchem wir den  
vatter mit jm vñnd durch jm erkennen.

Weme Got-  
tes segenzü  
theil wirt.

Augustin.  
Terrena et  
temporalis  
foelicitas eri-  
am donum  
dei est.

Diß sei nun vom himlischen gaisslichẽ seggen mit seiner  
frucht vñ götlichen gnaden gesagt/nach welchẽ die gotz  
seligen menschen trachten/vñ drauff immer je mehr hof-  
fen/dabin sie auch der gaist Gottes weiset/ja welchẽ se-  
gen den gottsföchtigen ist verhaissen/vñnd wie der Pro-  
phet im Psalm sagt: der vñschuldige hãnde hat/ vñnd  
reines hertzes ist/der nicht lust hat zũ loser lere/vñ schwe-  
ret nicht felschlich/der wirt den seggen vom herzen entspfã-  
hen vñnd gerechtigkeit von dem gott seines hails/ Psal.  
24. Ob denn gleich der allmechtig gütige hertz nach seinem  
überschwencklichen reichthum vñ miltigkeit/aucherlich  
Christen mit vollem leiblichen seggen der zergentlichen  
güter vñnd mit allerlei wolthat reichlich begabt/wie den  
alle menschen auch zeitlich auß dem seggen Gottes leben-  
sich vñ die iren neren/So wissen sie doch durch seine gna-  
de vñnd im glauben alles seliglich zũgebrauchen/das  
sie nicht den Geiz/pracht/noch bauch zũ füllen/noch  
ires flaisches wollust darinn süchen/das sie auch jr hertz  
nicht drauff legen/Sonder gelassen darbei stehen vñnd  
müte sein gegen den armen/auch destmehr den notturfti-  
gen zũbelffen/vñnd zũr dancksagung/vñnd lobe Gottes  
dadurch ermanet vñnd verursacht mögen werden.

Also segnet vñnd manigfaltiget Gott der Herr auch  
offt der gottseligen menschen leibliche güter/damit sie  
von irem seggen den dürfftigẽ dest reichlicher mögen mit-  
theilen/auff das Gott von iren vilen die solchs zeitliche  
seggen mit genießen/widerumb gesegnet vñnd dest mehr  
gelobet werde/wie auch das lateinische wort Benedicere,  
oder

oder Benedictio, nach gemeinem brauch nicht allein die  
benedeiung oder gottes seggen / sonder auch Gott loben/  
vnd sonst wolsprechen haist/wens nemlich auff vns ge-  
langet/das wir Gott Benedeien/das ist/ in mit danck-  
barkeit vmb seine wolthat loben /oder den menschē gūts  
wünschen/ vnnnd wol von in reden/ welches auch seggen  
heist.

S. Paul nennet der Corinthher selbwillige wolthat  
oder liebreich almusen so sie den armen Christen gen Jer-  
usalem schickten auch einen seggen oder benediction / vñ  
wil das solche steur oder gabe miltiglich von fröhlichem  
herzen auß liebe geschehe/damit es ein warer seggen/vnd  
nicht ain geiz/das ist/nicht ein vnwillige gezwungene  
gabe oder traurige verdrossene karchheit sei/2. Corin. 9.

Matth. v.  
Segnet die  
euch flüche.  
ij. Cor. ix.

Ein onwilli-  
gengendigte  
gabe oder al-  
mus haisset  
nicht ain se-  
gen/der all-  
weg willig  
geschicht.

So ist nun diser vnderscheid zu mercken / das vns  
Gott segnet oder benedeiet / wenn er vns seine woltha-  
ten gaistlich oder leiblich mittheilet oder die selben meret/  
dagegen Gebenedeien wir gott den vatter vnd den her-  
ren Jesum Christum / wenn wir im opffern das opffer  
des lobes/das ist die frucht der lippen/die seinen Namen  
bekennen/von im singen vñ sagen / seine gnade preisen/  
seine gūte auch andern verkündigē/ im trewlich dienen/  
vns vor sünden hüten / solchs haist Gott vnd den her-  
ren Christum gebenedeien inn all seinen gaben vnd wer-  
cken.

Heb. xij.  
Psalm. l.  
Opffer gott  
dack opffer/  
vnnnd bezale  
de höchsten  
deine gelüb-  
de.

Daber denn fürnemlich die lobgesenge in der kirchen/  
als das Benedictus, Magnificat, Te deum laudamus, vnd  
andere kommen/wie auch gar vil lob Psalmen im Psal-  
ter seind zūfunde/als Psal. 103. Benedic anima mea domi-  
no, Lobe den herren meine seele / vnd was inn mir ist/sei-  
nen heiligen Namen ꝛc. vnd dergleichen mehr/ wir kōn-  
n

Luc. j.



Lob vnn  
danck.

nen aber gott den herzen nimmer warhafftig gebenedei  
en noch loben noch im recht dienen / wa seine benedeiung  
oder seggen über vns / nicht voran gehet / welcher seggen  
(wie Augustinus sagt) der reggen / vnser Benedei en aber  
die frucht ist / die dem seggen des herzen folget.

Solchs hab ich auch hiebei drum wöllen anzeigen/  
das die vätter disen letzten vers: Denn daselbst verbaß  
set der herz seggen vnn leben zc. nicht vom seggen damit  
Gott vns segnet / wie es im Hebraischen stehet / Sonder  
vom seggen damit wir Gott gebenedei en oder loben / ver  
stehen / vñ nemlich solchs vom seggen oder loben so inn der  
gemeine Gottes / da brüderliche ainigkeit ist / außlegen /  
vnn lesen also: denn daselbst hat Gott gebotten seggen  
vnn leben immer vnn ewiglich.

Das Gott der vatter die war gleybigē  
mit allerlei gaislichen seggen im him  
lischen wesen segnet in Christo.

**A**ber vom göttlichen himlischen seggen der Christen  
vnn kinder Gottes / schreibt auch S. Paul zün  
Ephesiern / sein vnn lieblich da er Gott vmb all seine  
gnad / liebe vnn wolthat / so wol als vmb seinen göttlich  
en seggen den er vns durch Christum hat beweiset / vnn  
noch reglich im reiche der gnaden beweiset für sich vnn al  
le Christen lob vnn danck sagt / da auch das wörtlin Be  
nedico, inn beden jergemelten bedeutungen nach ainan  
der stehet / nemlich also spricht S. Paul: Gebenedei et /  
oder



Der gelobt/ sei gott der vatter vnser herren Jesu Christi  
 der vns gesegnet (oder gebenediet) hat mit allerlei  
 gäistlichem seggen im himmelischen wesen in Christo/ wie  
 er vns denn auch erwelet hat inn dem selbigen/ ehe der  
 welt grund war geleget/ das wir solten heilig vnnnd vns  
 strecklich sein vor jm inn der liebe / vnnnd hat vns fürbes  
 sehen zu der kindtschafft gegen ihm selbst durch Jesum  
 Christum / nach dem wolgefallen seines willen / zum  
 lobe der herzlichkeit seiner gnaden / durch welche er vns  
 hat angenehm gemacht inn dem geliebten in welchem wir  
 die erlösung durch sein blüt haben / nemlich vergebung  
 der sünden/ nach dem reichthumb seiner gnaden/ &c.

Der frid Christi/ den er vns am creutz hat  
 erworben / ist der seggen vnserer seelen.

Allda haben wir nu klärlich vnd volkomlich / was der  
 rechte seggen der Christē sei/ nach welchem sie allein trach  
 ten/ mit welchem auch der Prophet disen Psalm hat be  
 schlossen. S. Paul redet da nicht vom zeitlichen seggen  
 der leiblichen güter hie außserden / Sonder von einem  
 vil herzlicheren vnd höhern / nemlich vom gäistlichen se  
 gen der von Gott im himmel vnnnd von obenherab wirt  
 gegeben/ welche das ewige leben (wie auch hie im Psalm  
 dem seggen das leben) folgt/ inn welchem seggen vns aller  
 lei gäistlicher güter vnd gaben auß dem milten himmes  
 lischen scharze des reichthums Gottes/ inn Christo (nach  
 dem wir jme durch den lebendigen glauben inn der lies  
 be eingeleibet sein) mitgethailet werden / deren gas  
 den Paulus erliche inn gedachtem Capitel hat erzelet /  
 als die erwöhlung inn Jesu Christo / die erlösung  
 durch sein blüt / vnnnd vergebung der sünden/ die bäs  
 tigung vnnnd annemung inn die kindtschafft Gottes/

die besiglung vnd vergewissung zum ertheil der heiligen. Item/das erkantnis vnd wissen des willens Gottes mit verstand vnd aller götlicher warheit. welche gar herrliche vnerschetzliche gaben vnnnd geheimnis Gottes seind/die alle im geistlichen segnen Gottes des vattern beschlossen/vnd durch Christum seinen geliebten sün (inn welchem wir auch geliebet werden nach dem reichthum seiner gnaden) inn seinem hochprieester ampt außspendet/vñ durch den glauben empfangen werden.

Es ist auch hiebei wol zu mercken/warumb Paulus sagt/das Gott der vatter mit allerlei geistlichen segnen im himlischen wesen segnet/vnnnd was das himlische wesen sei/das auch solcher segnen nicht außserhalb Christo/Sonder durch in oder inn Christo/geschehe/dar zu den das Sursum Corda mit der ermanung Pauli wil gehalten/da er spricht: Seit jr nu mit Christo außerstande/so suchet was droben ist/da Christus ist/singend zu der rechten Gottes. 2c. Col. 3.

Sursum cor  
da.

Im himlischen wesen/sagt Paulus/werden die warre gleubigen gesegnet mit allerlei geistliche segnen/darein sie inn Christo gesetzt/wie im andern capitel daselbst folget/vnd da jr hertz(so wol als jr schatz) wandel oder bürgeschafft ist/Philip. 3. Da sie auch durch den hochprieester Christum von sünden im h. gaiste absoluiert/abgewaschen/vnnnd geistlich mit dem leibe Christi gespeiset/vnd mit seinem teuren blüte getrenckt/ja da sie mit dem herzen Christo sein Abentmal halten/alles alhie nach der warheit des glaubens/der sich hinauff inn himmel zu Christo vñ durch Christum in Gott richtet/da alle fülle der gnaden vnd des geistlichen segens ist zu finden/wie auch

auch der Propheet im Psalm spricht: Beim herzen ist die  
gnad vnd viler löfung bei ime / Psalm. 130.

45

Darumb so muß man den geistlichen seggen vnd alle  
himlische güter beim herzen durch den glauben suchen/  
vñ holen/wie auch S. Hieronymus über disen ort Pau-  
listz schreibt: Das geistliche dinge nicht inn irdischen or-  
ten / sonder im himlischen wesen seind zu hoffen / welcher  
punct von den Christgleubigen viler vrsachenhalb wol  
sol bedacht vñ gelernet werden / vñ das der ware glaub  
nichts geistlicher himlischer güter außserhalb des himels  
kan empfahen / wie auch S. Johannes schreibt: Ein  
Mensch kan nichts nemen es werd im denn vom himmel  
gegeben / dahin muß sich das glaubige andechtige hertz  
wie ain Adler hinauff zum herzen Christo / der da sitzt  
zur rechten des stüls der maiestet im himel / als zum pfle-  
ger oder verwalter vnd ausspender der hailigen güter  
(außer aller zeit vnd leiblichen stett) erschwingen / vñnd  
da seggen / Gnad / Ablass ꝛc. durchs gebett des glaubens  
holen / vnd was vns zur seelen seligkeit von nöten.

Hierony.  
Spiritualia  
non in terre  
nis locis.  
sed in coele-  
stibus sunt  
expectanda.

Heb. viij.

Das auch der mensch Jesus Christus  
am erst selbst die gantze fülle alles geist-  
lichen göttlichen segens im himel  
von Gott dem vatter hat er-  
erbe vnd eingenommen.

**I**r sollen aber alhie bei disem punct vom geistliche

n

seggen/ auch nicht vergessen / dz zu gleicher weise wie wir  
 vor gesagt haben/ das Christus nach seiner allerheilige-  
 sten menschart/ die salb vnd salbung des hailigen geists  
 inn aller fülle / vnnnd onemaß von Gott seinem vatter  
 am erst für sich selbst hat empfangen/ vnnnd denn weiter  
 den gliedern seines leibs (der die gemein ist) austrailt/ Also  
 so hat er auch die selbige gantze fülle allerlei geistliche sa-  
 gens onemaß/ nach seinem fleisch am erst selbst eingenom-  
 men/ welchen er auch nn den glaubigen als der ewige  
 hochprieister vnnnd miter des neuen Testaments / ja als  
 der verwalter der waren büetten / welche Gott auffge-  
 richtet hat vnd nicht ain mensch/ seliglich allen die inn sei-  
 nen namen glauben austrailt / wie wir dem von seiner  
 fülle alle entpfahen müssen gnad vmb gnade/ Joh. 1.

Von solchem himlischen seggen/ den der mensch Jesus  
 Christus von gott seinem vatter nach verbrachtem lei-  
 den inn der himmelordnung für sich vnd alle seine mitge-  
 nossen/ gantz voltkomlich hat eingenommen/ Ist im 21.  
 Psalm prophecciet: Herr der künig frewet sich in deiner  
 krafft/ vñ wie seer frölich ist er inn deinem hail/ Du gibst  
 jm seines hertzen wunsch / vnnnd wegerst nicht was sein  
 mund bittert / den du überschüttest in mit gütten seggen/  
 du setzest eine guldene kron auff sein haupt / Er bittet  
 dich vmb das leben/ so gibstu jm langes leben immer vñ  
 ewiglich/ Er hat grosse eere an deiner hülf/ du legest lob  
 vñ schmuck an in / Den du setzest in zum seggen ewiglich/  
 du er frewest in mit freuden deines anlichts Psal. 21. wel-  
 ches alles vom herren Christo/ von seinem gaistlichen se-  
 gen od benedeiung (wie auch von seinem künigreich zu ver-  
 stehn ist) vñ das er nicht allein für sich von gott sein vat-  
 ter gesegnet solte werden/ sonder auch seiner gemein vñ  
 aller

Prophecci  
 vom Mes-  
 sia Christo.



aller gläubigen volliger seggen (als der verhaissene Samen des ewigen Segens Gottes) sein solte.

46

Wer nu mehr vom geistlichen göttlichen seggen/reiche/macht vnd gewalt so dem menschen Christo von gott in personlicher ainigkeit mit dē wort gegeben/ auch auß den figuren des altē Testaments wil wissen/ der bedenck den seggen des patriarchen Isaacs den er sein sū Jacob vor sein tod gab/ da er in segnet vñ sprach: Gott geb dir vñ thaw des himels/ vñ von der feiste der erden vñ korn vñ wein die fülle/ vñ leute müssen dir dienen vñ leute müssen dir zu füsse fallē/ Sei ein herr über deine brüd/ verflucht sei wer dir flucht/ vñ gesegnet sei/ wer dich segnet/ welchs alles inn Christo (des figur Jacob geweest) warhafftig gaislich vnd himlisch ist erfüllet/ wie vns den der gaisst Gottes in der schrift den verhaissenen gaislichen seggen Christi vnd inn Christo/ durch zeitlich eere/ gewalt vnd lustbarkeit fürträgt/ drunder gleichwol die heiligē patriarchen vñ propheten im gaisst auff's künfftige gaisliche durch den glauben gesehen/ solchs erkant/ drauff gehofft vñ sich des gefrewet haben/ Heb. 11. Johan. 8.

Von welchem gaislichen ererbte seggen Christi auch der Prophet Daniel ein gesicht vñ offenbarung gebapt hat/ also: Vñ sibel (spricht er) des kam einer inn des himels wolckē/ wie eines menschen sūn/ biß zu dem alten (das ist biß zu gott dem himlischen vatter/ der albie durch den alten patriarchen Isaac/ wie auch des menschen sūn Christus/ durch Jacob ist figurirt) vñ wart für den selbigen gebracht/ der gab im gewalt/ eer vñ reich (das ist der götliche seggen) dz im alle land vnd leute dienen soltē/ sein gewalt ist ewig die nicht vergethet/ vnd sein künigreich hat kein ende/ Danielis 7. Luc. 2.

Das ewige  
künigreich  
Christi.



Also ist denn weiter gedachter himmlischer seggen des menschenges Christi auch durch den seggen den der Patriarche Jacob seinem sune Juda gab (der den besten seggen vor allen andere brüder ererbt) für gebildet worden/welcher auch das königreich besigen vnd sein volck solter regieren/Auß welchem Christus nach dem fleische geboren solte werden/vnnd den gaislichen himlischen seggen/wie auch das ewige reich Gottes/von Gott seinem vatter inn personlicher einigkeit mit dem wort in aller vollkomne völle als der aingeborne Gottes Sun solt ererben/also das er solchen ererbten seggen/reich vnd himlische güter vnd gaben/der Christlichen gemein vnd allen anderen angenommenen brüder zu irer seelen seligkeit mitiglich solt auftheilen.

Daselbst stehet auch vom Juda/Gen.47.geschriben: Das er sein klayd inn wein waschen würde/vnnd seinen Mantel in weinbeerblüt/Da am erst durch das klayd vnd mantel die menschheit Christi vnd sein leiden/dar nach auch die Christliche kirche oder gemein Gottes mit der frucht des leidens/ist figurirt/welche Christus an sich zeucht vnd gleich sein klayd ist/die solte der herze erlösen durch sein blüt/von sünden waschen/reinigen/hailigen vnnd im vermählen/auch endlich seligmachen vnd mit gaislichem seggen/das ist mit seinen milten geschencken vnd gnadenreichen gaben im himlischen wes sein ganz reichlich solt erfüllen.

Welchs auch im alten Testament inn deme ist figurirt oder fürgebildet worden/da Aehsa Calebs tochter ihren vatter vmb ainen seggen an spricht/nach dem er ir zuuor ainen acker oder mittag land het gegeben/bittet sie

sieden vatter das er jr auch wasser quellen gebe/da gab er jr quellen oben vnd vnden/ Josue 15. da durch Caleb außem geschlecht Juda / der herr Christus / durch seine tochter Achsa die Christliche kirche/ vnd durch den seggen der wasser quellen/der h. gaist/mit allerlei gaistlichen seggen vnd gaben (welche Christus seiner gemein gibt) sigürlich wirt bedeutet.

Der h. gaist / geht nit allein von der gotthait sonder auch zu gleich mit von der menschait abe/das ist, vom ganzen Christo.

Solcher gaistliche seggen des herzen Christi vnd seiner ewigen gütter so er von Gott seinem vatter hat ererbt/ vnd als der himlische hochpriester seiner gemein vnd als len war glaubigen noch heut mitthailt / Ist auch durch den leiblichen seggen Aaron des hochpriesters figuriret/ welchen er den kindern Israhel gab/so er seine hende zum volcke auffhüb vnd segnet sie / von welches seggens form vnnnd worten / im vierten büche Mose steht geschriben/ also: Vnd der herr redet mit Mose vnnnd sprach: Sage Aaron vnd seinen sünen vnd sprich/ Also sollen jr sagen zu den kindern Israhels / wenn jr sie segnet : Der herre segne dich vnnnd behüte dich/der herr erleuchte sein angesicht über dich vnd sei dir gnedig/ Der herr heb sein angesicht auff dich vnnnd gebe dir fride / dar auff weiter solgt: denn jr sollen meinen namen auff die kinder Israhel legē/ das Ich sie segne.

Num. vi.

Der herr segnet.

Alda haben wir am erst nach der figur vnd irer erfüllung / einen klären vnderscheid des eusserlichen vnnnd innerlichen seggens / des seggens Gottes / vnnnd der menschen / vnnnd das der eusserliche seggen der heiligen mense

Der namen  
Gottes / ist  
Christus.

schen / oder diener der gemeine Gottes nichts anders denn  
ein gebett / güter wünsche der gnaden Gottes / glücks  
vnd heils ist / doch nicht von jnen selbst / sonder von Gott  
dem herren / das Gott der herr wöll segnen / behüten / er-  
leuchten / gnedig sein vñ frid geben / Es ist eine bitt vnd  
wunsch / das Christus der ware hochpriester seinen am  
creutz erworbenen Segen / über die so man segnet lasse  
kommen 2c. Damit aller rechtschaffner segnen nicht der  
menschen sei / sonder alzeit bei Gott vñ dem herren Chri-  
sto bleibe / vñnd von Gott auff vns durch Christum ge-  
lange / wie daselbst geschriben sthet / denn jr sollen mei-  
nen namen auff die kinder Israel (durch welche der geist-  
liche Israel / wie auch durch Aaron der geistliche priester  
Christus wirt bedeutet) legen / das ich sie segne / sprichet  
Gott der Herr.

## Vom eusserlichen creutz seggen.

**A**ls welchem nu leicht ist zürichten / das der rechte  
göttliche Segen nicht inn eusserlichen gesprochen  
worten / noch in Caractern oder creutz machen sthet / we-  
sentlich / Sonder inn der krafft Gottes vnd inn Christo  
vnserm herren / auff welches wolthat vñ benedeiung der  
segē des creutzes oder der händ bewegung weist / vñ nur  
ein zeichen vñnd erinnerung des waren segens Christi  
ist / den er allen glaubigen am creutz durch sein blüt hat  
erworben / da er die Malediung alles flaisches hingen-  
ommen / da gegen aber den götlichen seggen vñnd bene-  
deiung Gottes zu wegen bracht vnd eingefürt / auch sei-  
ner Christlichen gemein solchen seggen hat gegeben / derz  
sich alle ware Christen trösten vñnd durch den glauben  
teilhaftig sollen machen.

Drumb so ist das zeichen des Creützes bei den alten ver-  
stendigen Christen nur ain gedenck zeichen gewesen des  
segens gottes in Christo / ja ain zeichen der glaubigen / *Eprianus ad Demetri-  
adem.*  
wie die vätter dauon schreiben / vnd so die Christen ain  
Creütz an die stirn/brust / oder sonst gemacht/haben sie  
sich im glauben der erlösung Christi am Creütz/auch sei-  
nes gaistlichen segens erinnert/vnd das der fluch hinge-  
nommen das er alles durch dz blüt an seinem creutz durch  
sich selbs versünert vnd bestridet hat/es sei aufferden/ vñ *Col. 1.*  
im hünel. Das auch die Christen etwa ain Creutz über  
speiße vñ tranck gemacht/ ist zur erinnerung des segens  
gottes geschehen/ mit bitt das in der herz solchs als seine  
gabe alles segne/ das ist mit seiner gunst wol wöll lassen  
gebrauchen vñnd bekommen / wie auch alles was Gott  
geschaffen hat den gläubigen/vnd denen die die warheit  
erkennen durchs wort Gottes vñ gebett wirt geheiligt/  
das ist/gesegnet/vñ nichts verwerflich ist/dz mit danck  
sagung wirt empfangen/. *Timoth. 4.*

Zum andern/ ist das bezeichnen oder Creutz machen/  
den alten ain erinnerung vnd auffmunterung gewesen  
mit danck sagung zübedencken/das sie Christus nicht al-  
lein durchs Creutz vom Satan errettet / sonder inen  
auch mit allem hellischen gewalt am Creütz vberwun-  
den/vñnd seinen gläubigen den sieg geschenkt hat/das  
hinsfür kein Satanischer gewalt oder gespengst über sie  
solle herschen noch inen möge schaden / Daher ist es denn  
kommen/das sich die Christen in aller ansechtung/forcht/  
vnd schrecken / Auch so sie zü nacht habē wöllen schlaffen  
gehn/vñ morgens wider auffstehn/ mit dem zeichen des  
creützes/auch in ansechtung der sünden/haben bezeich-  
net. Nicht das sie jr vertrauen/hülffe vnd glauben in  
n. üg.



zeichen gesetzt/denn jr hertz/glauben vnnnd hoffnung ist  
zum gecreüzigten / nu inn der glorien Gottes regieren  
den Christo/gericht geweest/mit anruffen vnnnd vertrö-  
stung seiner hilff/schutts / schirms vnd am creutz erwor-  
benen segens / des sie sich durchs creutz zeichē bei jn selbst  
haben erinnert / vnd das Christus an dem zeichen/ das  
ist amholz des creutzes den Satan /sünd/tode vnd hell  
alles vns zu gütte hat überwunden / das wir jm auch  
durch creutz vnd leiden sollen nachfolgen.

Das zeichen Tau T dauon Zachar. weist auch auffs leiden  
vñ blüt vergiessen Christi / so wol als die figur des blüts des  
lammes. Exod. xij.

Solches hab ich alhie beim göttlichen segn auch mit  
wollen anzeigē / auff das man das zeichen nicht für den  
rechten segn oder bezeichnere/nach das bild für die war-  
heit / noch die Caracteres für Gottes krafft halte / das  
man auch nicht wehne/das das eusserlich Creutz zeichē/  
den Satan vnnnd seine gespenst vertreiben / oder Got-  
tes krafft bringen möge / sonder der glaube inn Jesum  
Christum vermag alles / ja Christus thut es selbst bei  
den war glaubigen/auff welchen das creutz zeichen wei-  
set vnnnd den eusserlichen menschen / seine wolthat mit  
danckbarkeit zūbedencken/erinnert/wie auch allein bei  
Christo alle gaisliche göttliche krafft vnd segn / wider  
die sünde/wider den Satan / vnnnd wider alle gespenst/  
forcht/vnnnd schrecken ist zūfinden/Dauon im Psalm ge-  
schriben steht: Beim herzen findet man hilff/vnnnd den  
Segen über dein volck/Psal. 3.

Was den der Satan vor mißbräuch / heuchlerei / aber  
glaubē/auch zauberei/mit den creutzen vñ solchē segn  
zur schmach des seges vñ creutzes Christi in d chriftenheit  
hät



hat eingefüret/ Ist wol zu erbarmen vñ gott zu klagen  
welchs alles irig / zum thail auß dem was vom segn  
Christi vñ zum or vñ vnterschaide des worts des gaists  
vnd büchstabens gesagt ist/ leicht mag erkant werden.

Zum beschlus/sollen wir auch merckē das solcher gaist  
licher götlicher segē vnser himlisch hochprieesters Jesu  
Christi/ dauon wir nu gesagt haben / sich alhie nur an  
hebt bei den Christen / als denn / wenn er vns zu seinem  
reiche inn vorgehender gnad beruffet / wenn wir inn sei  
nem segn vñnd namen büsse thun / wenn die frucht der  
gerechtigkeit inn vns wirt gemehret / wenn vns Gott  
immer jemehr hailiget vñ am gewechße des newen men  
schens mit gnad furdert / wenn er vns krafft gibt vñnd  
hilfft das wir erfüllen was er hat besolhen / Dort aber  
an ihenem tage in der auferstehung der gerechten wirt  
den erst bei allen anfferwelten der ganze vollige Segē  
Gottes reichlich angehen / wenn vns der herre ganz an  
leib vnd seel wirt selig machen / vnd zur einwohnung sei  
nes reichs herzlich verklären / wenn Gott seine / vns ge  
gebne gerechtigkeit wirt krönen vnd seine werck in vns  
mit der ewigen seligkeit belonen / wenn der künig Chri  
stus zu denen so zu seiner rechten stehen werden / sagen  
wirt: Kompt her jr Gesegneten meines vatter's ererbt  
das reich das euch beraitet ist von anbegin der welt / dar  
auff den der herre ire werck der lieb vnd barmhertzigkeit  
erzelet / vnd die gesegneten lobet / das sie im geringsten /  
Nemlich im zeitlichen segn treu gewesen sein / dagegen  
er in das groffe / das ist / den götlichen himlischen segn /  
vnd das ewige leben inn aller fülle wirt mittheilen.

Der widerumb wirt der richter vnd künig Jesus Chri

stus zu denen so zur lincken stehn werden/sagen: Gehet  
hin von mir ir verfluchten inn das ewige feur/das be-  
raitet ist dem teuffel vnd seinen engeln/vnnd wirt in ewi-  
gelen/wie sie vntrew/böß/eigennützig vñ geizig im ge-  
ringsten/das ist im zeitlichen seggen gewesen sein/darbei  
sie ire schaffnerei des verlihenen pfundes übel versehen  
haben/desthalben sie auch des größern/das ist des him-  
lischen seggens ewiglich beraubet sein müssen/vnd sie wer-  
den inn die ewige pein gehen/aber die gerechten (die ge-  
segneten des herren) inn das ewige leben/daselbst wirt  
seggen vnd leben immer vnd ewiglich weren/Da den die  
gerechten auch widerumb gott one mangel vnd gebrech-  
en/gantz volkomlich werden gebenedeien vnd loben.

Ephe. iij.

Vnd zu gleicher weise wie als denn die gottseligen inn-  
wendig vnd außwendig/das ist an leib vnd seel/mit al-  
lerlei himlischen seggen/glorien vñ klarheit überschüttet/  
vnd inn aller fülle Gottes gesegnet sollen werden/Also  
werden dagegen die gottlosen/so dem Euangelio vn-  
sers herren Jesu Christi nicht gehorsam gewesen sein/nach  
recht gelebt/ja so auch Christum vñ seine warheit na-  
darzu verfolget/mit lust vñ fürserlichem willen/böses  
gethan haben/vnd one büße inn aller gotlosigkeit seint  
bliben/auch innwendig vnd außwendig mit aller ver-  
maledeuung vnd fluch erfüllet vnnd überschüttet/das  
ist/mit leib vñ seele ewig verdampft werden/von welcher  
fluch der bösen gotlosen verdampften menschen auch der  
Prophet im Psalm hat geschriben/da er spricht: Er wol-  
te den fluch haben/der wirt im auch komen/er wolte des  
segens nicht/so wirt er auch fern von im bleiben/vñ doch  
an den fluch wie sein kemptd/vnd ist im inn sein inwendig  
gesgangen wie wasser/vnnd wie öl in seine gebein/So  
werde

werde er jm wie ain klaidt das er an habe/ vnd wie ain  
gürtel da er sich allweg mit gürtete/ Psal. 109. Das ist  
nun das strenge ernste gericht Gottes/ welches der Pro-  
phet über alle gottlose onbußfertige menschen/ über alle  
die sich des gäulichen segens vnser himlischen hochprie-  
sters Christi nicht thailbassig gemacht haben / langst  
zuvor im gäulste geschē hat/ Ir wurm wirt nicht sterben/  
vnd jr sewer wirt nicht erleschen/ Esa. 66.

Aber vnser lieber Herr Jesus Christus/ der am holz  
des creuzes für vns ain fluch ist worden/ auff das er vns  
vom fluch des gesetzes erlösete vnd den ewigen Segen  
Abiabe vnd allen glaubigen verhaissen zu wegen brach-  
te/ wölle vns vor dem ewigen fluch behüten/ vnd seinen  
Segen über vns reichlich lassen kōmen/ auff das wir  
vn selbigen büsse thūn/ alhie gottselig leben/ vnd  
an jhenem tage als gesegnete des herin  
seliglich erfinden werden/  
Amen.

Chaspar Schwencsfeldt.